



Bonius


*Ex Libris*



*Ladislao Reti &*

LIBRARY OF THE  
UNIVERSITY OF ILLINOIS  
AT URBANA-CHAMPAIGN

Emblems  
x246.55  
B66i



RARE BOOK ROOM

3749








*Handwritten:* *Amor Zelus* *1661*









Digitized by the Internet Archive  
in 2010 with funding from  
University of Illinois Urbana-Champaign

EMINENTISSIMO PRINCIPI

# ANTONIO BARBERINO

S. R. E. CARDINALI CAMERARIO

*Carolus Bonius felicitatem*



VI conscium, ideòque timentem, fœtum hunc mentis meæ pertenuem (CERVAM dicerem, si viuacem crederem) vt securum, ac tutum à prælo in Vrbem, Orbem-

que dimittã, illud, EMINENTISS.<sup>ME</sup> PRINCEPS, à Tua humanitate nunc impetrem, vt hæc illũ torques ornet simul, & muniat, ANTONIÆ SVM: & si animum spectare Tuum velim, nihil à prisco immutans, adscribam & CÆSARIS. Offensum scilicet qui Te nolint, næ illi parcent & Tuis. Te verò quis hominum habere velit offensum, quem nec possit? Magna profectò Ti-



bi securitas, amor omnium : munimentum par,  
admiratio . Et, quod amplius est, gradu , ad hæc  
vtrunque reciproco, ideò Te miratur, quòd amat,  
ideò te amant homines, quòd mirantur. Igi-  
tur, Tui causâ à mortalibus polliceri mihi quid  
possim, hoc in oculis est: quid etiam ab illo Cæ-  
litum, qui à me Tibi inscriptus prodit, IGNA-  
TIO, hoc in argumentis . Si grati sunt Superi ,  
meminit profectò ille , semperque meminerit  
primum Societatis ab ipso fundatæ sæculum, in  
sæcula omnia à Te cum tanta celebritatis gloria  
vindictum . Vt vincere Te nolit, nisi à Te me-  
ritis vinci velit IGNATIVS, reddet profectò Tibi  
sæcula omnia in Tui nominis celebritate peren-  
nia . Superi verò quàm mortales vincere bene-  
ficijs & possunt, & solent; tam à mortalibus gra-  
tiâ nec solent vinci, nec possunt . Iam mihi si  
adversus IGNATIVM toto in hoc opere nihil  
ipso dignum à mente fluxit in calamum ; hæc  
certè cogitatio , Parentis ( vt arbitror ) optimi ,  
sanctissimique nutu, filio ipsius, vtinam non de-  
generi, à Cælo fluxit in mentem: vt Tuum,  
ANTONI, nomen inscriberem, atque ità aliquid  
hæc tellus , aliquid et Cælum aspicerent, quod  
pro-

probarent. Nihil de **IGNATIO** excelsus iste  
Tuus animus, nisi cum maiore ipsius gloria  
meditatur. Ipsius **Ordinem** nulla foues animo  
huic tuo significatione non pari. **Vt ab IGNA-**  
**TIO**, qui nihil nisi dignum maiore Dei gloria  
cogitauit, hoc est cælesti ab illo **IGNE** accepisse  
visus sis, vnde in ijs omnibus, quæ cogitas, &  
moliris, Tuus sit **VIGOR OMNIS IN AL-**  
**TVM**: & à gentili rursus **APE**, quemadmo-  
dum illa suæ confecturâ ceræ **ALIMENTA DAT**  
**IGNI**; sic Tuâ Tu beneficentiâ, **Ordinem** ames  
fouere semper **IGNATII**. Iam verò, à Te tam  
benè qui cœperim, ne operi huic meo ex omni  
parte desperem, dimidium certè facti iam habeo.  
Quòd si benè initium, nisi à Cælo, non ducitur,  
an non qui à Te, etiam à Cælo sum orsus? **De-**  
**bitum** Heroibus Cælum est. Heros Tu magnæ,  
magnanimæque virtutis insignis, quot Cælum  
nominibus promereris! Hinc porrò insigni-  
bus hisce meis Heroicis, operique toti in ipsa  
fronte Cælo dignum Te, Tuumque nomen ex-  
pressi. Quod idem, si viuam, annuatque Deus,  
non exiguam mihi alicuius aliquando operis  
ibit in partem, Tu interim libello in hoc tan-

culo tantum Te aspici, prælegique nunc patere.  
Atque tùm, quòd tantulum opus hoc dixerim,  
hoc imputa mihi, Mundo Tibi assentiente, men-  
dacium. Similium enim Tui Principum est,  
quæ ad ipsos parua mittuntur, ea statim magna  
efficere, dum admittunt. Viue diu, & Vale.

# LECTORI.

**E**xiguarum est, cum corporata sunt, rerum, paruitate vindicante, patere minus in vulnera. Incorporeos inter fœtus ingenij, vulnera illi, & plura patiuntur, & plurimum, qui brevissimi. Insignibus, Epigrammatis, Elogijs in omni scriptionum genere, mole quid brevius? Quid tam multa censurarum adedò patet in vulnera? Vni se statim obtusui dum ostendunt, quàm cernuntur facile, tam et prone censentur. Hæc verò si novi simul, et memet, qua tandem fiducia, cum terreri possem à singulis tergeminum hunc, qui cum me ipsum experirer, hostem laceßui in me pariter, et coniunxi? Nimirum, ut qui cessissem et singulis, pudere me minus, cum viderer sub tergeminis cecidisse. Dicam, ut habet. Conceperam hæc primùm animo, unius dumtaxat Rhetoricæ, in qua, Præceptor inclusus sum, palestræ visura lucem in partu. Sed dum illuc prodeunt, et spectantur, arbitrati nimirum aliqui, cæteros erga me eodem fore iudicio, qua ipsi erant benevolentia, expressum à me triplici hoc genere scriptionum Ignatium, à privata panegyri publicum in aspectum suis denique suasionibus exarere. Neque verò me fugit, quemadmodum, quæ viuidos habent spiritus, et subtiles, illa patentem in aërem cum primùm expirant, vim, efficacitatemque deperdunt; ita finita, ac finitima coronæ animos posse nonnullis à scriptionibus aliquando feriri, quæ ad infinitos, remotosque cum transuolant, sine ullo plerunque & vulnere cadunt, & sensu. Verùm, ut non sum de laude sollicitus, sic apud æquos æstimatores veniunt



non despero: qui cum huic mee Insignium centuriæ  
non liberam è quouis argumento materiam, sed ex vnius  
IGNATIÏ uita selectiora gesta decerpta à me uide-  
rint: et mox argumenta eadem legerint Epigrammate  
simul, Elogioque tractata, si minus in omnia feliciter  
æquè fluxit ingenium, non ità me fortasse damnatum  
uolent, ut aliqua saltem in parte, si uoluerint excusare,  
non possint. Et ego quidem, ne me tanto Parenti filium  
approbarem ex æquò degenerem, et ingratum, hæc eadem,  
quæ de ipso conceperam, uigilare diutiùs, constantiùsque  
potueram, nisi dum hæc scribo, diù me obstinata torsis-  
set insomnia. Sumat et hinc tamen sua incrementum  
laudis IGNATIÏVS, quando illaudato scriptore, supra  
scribentis ingenium multò ornari potuisse meliùs Lector  
intelliget, quæ scribuntur. Profanæ nimirum militiæ  
armis ( quod expressum in fronte operis est ) ad Virgi-  
neam Montis Serrati aram exutis, Spiritus gladium,  
et armaturam accepit Zelus IGNATIÏ. Hisce  
tùm armis ab ipso, ipsiusque Ordine fusi, profligatique  
exercitus Superstitionum, et Hæresum. Ac ueluti Ignis  
uepres, et aurum, alterutrum, uel utrumque cum  
corripit, AVT CONSUMIT, AVT CONSUM-  
MAT, Sic uitiorum spinas absumere, sic uirtutum  
et Sanctitatis aurum excoquere, inextincti fuit ardo-  
ris IGNATIÏ. Tanta ille gessit, scribi de ipso quæ  
possent. Iam mihi à mei operis tenuitate non metuo.  
Nemo scribet hæc tantulus, qui aliquid ex hac tanta  
argumenti basi non crescat.



# I N D E X

## I N S I G N I V M,

Quorum numeris Epigrammata, & Elo-  
gia in idem argumentum adie-  
cta respondent.

- I**lluſtribus ortus Parentibus fa-  
milix ſux ſplendorem addit & geſta diuerſis notata coloribus  
Ignatius. Aqua in phiala, & ad imitandum ſibi proponit Ignatius. Pleni ſerico, auroque ad Phry-  
giam opus globuli. *Parantur in*  
*accipit auget.* *Inſigne.* *9*  
Aulicæ vitæ ſpecies allicit, & ad  
ſe trahit Ignatium. Trigonum  
vitrum. *Decipit, & placet.* *2*  
Inanium voluptatum amore  
conſumitur. Vrina in fonte. *Mer-*  
*gitur, dum impletur.* *3*  
Studio maximè ambitionis in-  
cenditur. Turbo igneus. *Concre-*  
*mor, ut ſpectet.* *4*  
Nominis, & gloriæ cupidus mili-  
tarem vitam aggreditur. Bom-  
barda. *Cum fulgore ſonus.* *5*  
Ex infraſta Pampelone tibia ad  
animi ſanitatē reuocatur. Teſſel-  
latum pauimentum. *Fracturis in-*  
*tegritas.* *6*  
Mortui proximis ab apparente  
ſibi D. Petro cogitare incipiens me-  
lora ſanatur. Cereus in inuerſo  
candelabro deſiciens. *Vertatur, &*  
*reſurget.* *7*  
Piſi lectio libri, profanis alijs,  
quos popoſcerat, non inueniens, non  
uani aſſert lucem Ignatio. Sol. *Ab*  
*no des.* *8*
- Chriſti, Sanctorumque virtutes,  
geſta diuerſis notata coloribus  
ad imitandum ſibi proponit Ignatius. Pleni ſerico, auroque ad Phry-  
gium opus globuli. *Parantur in*  
*unum.* *9*  
Dum ſe Deo ardeuter offert, cō-  
cuſſa domo fenestræ diſſiliunt. In-  
cendiaria glans. *Ardendo concuſſit.* *10*  
E domo, & cognatione ſua exi-  
ens, relictis omnibus ſamulos etiā  
dimittit. Militis exuuiæ cum indi-  
cato circo. *Ipſe in arenam.* *11*  
Deiparæ Virginitatem à partu  
aduerſus Mahometicum Maurum  
deſendit. Ferrea crates cum exacu-  
tis mucronibus. *Tutor, & ulciſcor.* *12*  
Deiparæ amore ſuccenſus Caſti-  
tatis, quam vouet, donum accipit.  
Cera Solis obiecta radijs. *A caloris*  
*candor.* *13*  
Veſtes ſuas pretioſas exuit, eaſque  
pannoſo pauperi donat. Margarita  
extra concham *Nuda capit pretiū* *14*  
Ante Virginis aram in primo ſpi-  
ritus ſeruore noctem vnam excu-  
bat. Lucerna accenſa. *Non ſupit*  
*ardendo.* *15*  
Conſcientiam ſpirituali Inſtitu-  
to integerrimè aperit. Scriptum,  
*in*

- In sacra Lypfanorum theca sub  
cristallo descriptum nomen appa-  
reas . *Et clausi leguntur* . 16
- Molestissimi scrupuli in primo  
vitæ melioris exortu ab Ignatio  
vincuntur . Nebula à Sole oriente  
dilecta . *Ad primos v. & calores* . 17
- Longa inter ieiunia mira rerum  
spirituum voluptate perfundi-  
tur . Musicum organum . *Per inania  
spiritus* . 18
- Dæmon in varia spectra se in-  
duens ab Ignatio contemnitur .  
Horridioris imago personæ . *Cogni-  
ta ridetur* . 19
- Spiritus bonos, malosque suo di-  
scit experimento discernere . Am-  
phora mathematica varietati tem-  
porum indicandæ accommoda .  
*Scit frigus, & æstus* . 20
- In Minoresæ spelunca latens se  
se ad perfectionem excolit . Statua  
sub sipario . *Celatur, donec caletur* . 21
- Libellum scribit spiritaliū exer-  
citorum perimouendis animis pō-  
dere, & ordine meditationū aptissi-  
mum . Mechanicum Horologium  
*Ponitur, & ordo mouetur* . 22
- In altissimo mētis raptu septē dies  
perseuerat . Auicula tenui alligata fi-  
lo ad caueam . *Cupio dissolui* . 23
- In Noscomijs corpora curans  
animos sicut Ignatius . Ornatus  
laceræ vesti sarcindæ suffectus .  
*Dum reficit ornatur* . 24
- Minoresæ prauī æstimatores I-  
gnatium hypocritam dicunt . Con-  
cauum speculū . *Recta distorquet* . 25
- Ibidem cognita ipsius nobilitate  
in famam sanctitatis attollitur .  
Bombyx extra orgastulum alatus .
- Quia mollia liquit* . 26
- Morbo laborantem extremo ina-  
ni afflare gloriola tentat Dæmon .  
Ignatium . Aqua cum spuma desi-  
liens . *Habeat cadendo tumorem* . 27
- Dei contentus fiducia pecuniam  
abiicit emendicatam . Detonsa ra-  
musculis vitens arbor . *Spe diuite  
pauper* . 28
- Varia inter pericula anxius ab  
apparente Iesu recreatur . Ros in  
flores illabens . *Tolerata proemia  
noctis* . 29
- Sub porticu iacens ab admonito  
diuinitus Senatore in hospitium  
Venetijs excipitur . Sol intra nu-  
bes . *Sentitur & latens* . 30
- Inuitis nauitis nauigat , quò de-  
stinarat , in Cyprum . Flamma inter  
aduersos ventos in altum euolans .  
*Vis nulla retardat* . 31
- Inter diuinæ cædis monumenta  
diuinis illecebris in Palestina per-  
funditur . Oliuæ arbor in tellure  
saxosa . *Inter dura dulcescit* . 32
- Ab Oliueti custode acerbè accep-  
tus Iesum sibi præeuntem videt .  
Directus ad sidera tubus opticus .  
*Visa per angustum* . 33
- Emendicatam pecuniam in pau-  
peres distribuit . Medius inter arco-  
las plenus aqua puteolus . *Congre-  
gat, ut disperdat* . 34
- Ignominie appetens satui mores  
imitatur Ignatiū . Papyraceus pul-  
ueris sulphurati tubus . *Furit, quia  
feruet* . 35
- Triginta tres natus annos ad fru-  
gem animarum discit inter pueros  
elementa Grammaticæ . Arbor  
cum insito ramusculo inter arbu-  
scu-

- sculas . Non ad umbram . 36
- Importunas inter studia illustrationes repellit . Impositum libro cum accenso lumine candelabrum . Non expedit , dum impedit . 37
- Ob restitutam Virginum cœnobio disciplinam vapulat . Iacus . Ferendo , non feriendo . 38
- Suspendiosum hominem ad crimen expiandum à morte reuocat . Obeliscus in basi stans . Erutus , & erectus . 39
- Ardentissimas inter preces exclamare passim auditur . Cicadula ad Solem . Cantus ab æstu . 40
- Insenus Ignatio qua die ignem sibi imprecatus erat , conflagrauit . Nauis fatiscens ad scopulum . Verbera fracta suo . 41
- Furi suo ægrotanti adest , atque inferuit Ignatius . Balsami arbor ex aperto cortice balsamum fundens . Nudata medetur . 42
- Iuuenem ludi , quem ille amabat , occasione , ad seria , virtutemq ; trahit . Inter viridia visco hærens auicula . Suis capta delicis . 43
- Gelido de stagno impurum iuuenem ardens increpat , & à meditatæ absterret . Fulmen inter nubes . Inter frigida feruet . 44
- Seuerioris vitæ formam suis efficit alumnis amabilem . Musica , duro notarum nexu contexta . Per duriora dulcor : 45
- Aliquot è Socijs Petri Fabri opera ad se trahit . Vitrea vasa cum fistula ad fornacem . Non sino fabri spiritum . 46
- Decem Patribus primò Societas coalescit . Numerus arithmeticus ,
10. Ex coniunctione perfectio . 47
- Ignatius cum Socijs voto se ad procurandam aliorum salutem . obstringit . Speculum vistorum . Cogit ut cremet . 48
- Reuertens in patriam Cleri , & Militiæ occursum excipitur . Aurora cum auiculis , floribusque depictis . Vna excitat omnes . 49
- Concionantis in campo vox ad 300. passus auditur . Bombarda cum explosa glande . Igne procul mittite . 50
- Malos sæpe spiritus fugat Ignatius . Nocturnæ aues Solis in exortu fugientes . Affulget , & fugat . 51
- Ignatij vita , etsi non aspera , salutis proximorum accomoda laudatur à Iesu . Gladius nudus . Dat aciem labor . 52
- Socium morti proximum laborans ipse febris sanat amplexu . Tractorium organum pertenui funiculo lapidem grandioreni attollens . In tenui vis . 53
- Baiulans Crucem Iesus Romæ se Ignatio propitiū fore pollicetur . Vestigium Templi Crucis forma , descriptum . Fastigia signat honorum . 54
- Summo Pontifici se se cum Socijs ad omne Religionis vouet obsequium . Parata picturæ tabula . Que forma placebit . 55
- Paulus Tertius lecto Societatis Instituto , Dignus , inquit , Dei est hic . Mundi globus . Indicat auctorem . 56
- S. Franciscum Xauerium in Indias ab Vrbe mittit . Papyraceus tubus ex conflagrante globo ad globum alterum incendendum . fer-



ferreo filo decurrens . *Vnus non* repelluntur . Lauri vineam opa-  
*fificit* . 57 cantes . *Orant , sed impediunt* . 68

Societatis Iesu Præpositus Gene- Ignatij , & Sociorum tessera-  
 ralis eligitur . Stillatoria in machi- A. M. D. G. Planetarum orbes, fixo-  
 na vitra multa cum igne. *Satis om-* rumque Cælum astrorum . *Rapi-*  
*nibus vnus* . 58 *mar maiore* , 69

Religiosæ vitæ votis se se cum- Societati characterem facit Igna-  
 Socijs obstringit . Arbor ligneis re- tius, Obedientiam . Nomen IHS. in-  
 tenta circulis . *Vincta fœcundior* 59 textû ex floribus. *A flexu forma* . 70

Præpositus Generalis humiliora Catechismi pueris tradendi mo-  
 se demittit ad munera . *Celsum re-* rem instituit . Auicula pullis ali-  
*spicie vna* . 60 mēta deferens. *Mollis dat teneris* . 71

S. Franciscus Xauerus flexis ge- Iuuentuti formandæ Scholas in-  
 nibus ad Ignatium scribit ex India. stituit . Malum citrium modulo  
 Sidera Solis in ortu cadentia . in- inclusum . *Donec formetur* . 72  
*clinata colunt* . 61

Sacramentorum frequentia me- Societatem toto terrarum orbe  
 liores inducit mores Ignatius. Vux diffeminat . Signiferi orbis, & Vrsæ  
 racemus, manipulusque frumenti. sidera *Feruidiora latius* , 73  
*Discernere feris homines* . 62 Sociorum vocationis esse vult di-  
 uersa loca peragrarè . Sidera in-

Rabulæ Lutheriani errores dete- Cælo *Vertigine profunt* . 74  
 git, & repellit . Lucerna scopulos Socijs passim ingeminat, Itote, &  
 de turri prodens . *Dat vitare , dum* omnia incendite &c. Ager vepretis  
*dat videre* . 63 horridus . *Incendere proderit* . 75

Falsis è criminibus obiectis san- Institutis Ignatij, Socijs omnes in  
 ctitas apparet Ignatij. Microscop- Lusitania Apostoli nuncupantur .  
 pium . *Veritas ex mendacio* . 64 Grana mali punici coronata . *Ho-*  
*nor omnibus idem* . 76

Ignatius cum Socijs ab inuidiæ Varios gradus in Societate distin-  
 probris cum plausu tandem erum- guit . Varia columnæ segmenta-  
 pit . Flores è vimineâ theca erum- 77  
 pentes . *Post exactam hyemem* . 65 *Ordo dabit formam* . 77

Collegium Romæ Germanicæ, Muneribus omnibus animarum  
 & Hungaricæ iuuentutis instituit. causa Societas aptatur. Varijs è sy-  
 Vestigium surgentis arcis . *A forma* phunculis aqua in fonte profiliēs.  
*munimen* . 66 *Formam se fingit in omnem* . 78

Constitutiones, Deo , ac Deipara Ignatius loquitur tanquam po-  
 apparentibus , approbantibusque testatem habens . Incisi caracte-  
 scribit . Sol & Luna cum patente res in marmore, & scalpum cum  
 per iugum via . *Altero munere* nialleo. *Imprimit quod exprimit* . 79  
*visi* . 67

Tribus verbis Iudæum ad Chri-  
 sti fidem trahit . Remora sub naui.  
 Honores in Societate ab Ignatio

*Non mole, sed vi.*

In nulla rerum volubilitum acquiescit Ignatius. Accipiter in baculo versatili. *Admisit vertigo quietem.*

In ardore precum vberimè lachrymatur. Aqua in amphora mathematica &c. *Dum calet exilit.*

In lacrymarum donum imperiū accipit à Deo Ignatius. Aqua in fonte clavis obice retenta. *Da veniam, & veniam.*

Supra sacrificantis caput ingens flamma conspicitur. Solis lux à speculo reuerberata. *Incidit in purum.*

Litteras inter orandum redditas cremat. Flagrans in ara victima. *Procul este profani.*

Conscientiam horis singulis sedulo examine recognoscit. Aus ex opere topiario cuni forfice. *Servat solertia formam.*

Vnius in salutem animæ diu laborat. Graue saxum ad organum tractorium. *Non uno atcollitur orbe.*

Præsentem salutem animarum lucro postponit. Frumenti saccus in agro. *Spem crede labori.*

Idem in secundis, aduersisque ubi semper constat Ignatius. Adamas inter aquæ craterem, & malleum. *Nec moll. or. nec frangor.*

Affectiones animi rationis imperio habet obsequentes. Clavis in

throclea mechanici horologii. *Accipiat violenta modum.*

Ad ardua quæque animum semper paratissimum habet. Aqua emicans è syphone. *Spiritus intus agit.*

Paupertatem amari iubet, ut matrem. Vna innudata frondibus uite radijs obiecta solaribus. *In nuda melior.*

Castitatis donum modestia oculorum seuerissima tueretur. Lumen intra laternam. *Tutum quia rectū.*

Animum facillimè ab humanis euehit ad diuina. Versa in Cælum ballista. *Est tetigisse satis.*

Prophetiæ Spiritu futura, & arcana videt. Pineæ nux. *Patet ad flammam.*

S. Philippus Neri, & alij vulgum Ignatij radiantem vident. Luna discus inferiore parte obscurus, superiore clarus, et supra hunc sidera. *Clara vident claram.*

Mortis meditatione mira voluptate perfunditur. Apis in thymo. *Dulcescit amaror.*

Romæ Sanctissimè moritur. Flamma extincto è cereo in altum euolans. *Deseruisse iuuat.*

In Ignatij loculo sidera apparēt. Apes alueari circumfusæ. *Ad funduntur.*

Inter Sanctos aris admouetur Ignatius. Ignis in altari flagrans. *Sacratur, & sacrat.*




сча  
счастья.

# I N S I G N E I.

I

ILLVSTRIBVSVS ORTVS PARENTIBVS FAMILIAE SVAE  
SPLENDOREM ADDIT IGNATIVS.



Aqua in rotúda phiala lumē, QVOD ACCIPIT,  
AVGET: Et ab Ignatij sanctitate quantum  
incrementi Loyolæ nobilitatis  
fulgor accepit !

A

EPI-

## EPIGRAMMA I.

IN IGNATII NATALES ILLUSTRES.

*Nobilis Infantem quid cera fumus , & altum  
 A longo Veniens stemma coronat Auo ?  
 Effluet Ignatij iam iam cera omnis ad Ignem ,  
 Qui meliore suos stemmate tollet Auos .  
 Fumosum iubar ergo domus remouete ; nec inter  
 Clara Ignis tanti nomina fumus eat .  
 Ambiat à Veteri fulgere superbiâ fumo ;  
 Splendorem , fumo qui caret ignis , habet .*

## ELOGIUM I.

*Vt minores appareant ,  
 Veniant in Ignatij stemma Maiores .  
 Maiores etiam apparituri tunc se se ,  
 Cum minores quidem Ignatio ,  
 Sed Maiores Ignatij apparebunt .  
 Mortalis certè à Parentibus genitus  
 Posteræ immortalitatem famæ  
 Filius refudit in Patres .  
 Quicum ut Aui, Proauique perēnent in nomine  
 Nepotis iam sui facti sunt posterì .  
 Vsq̃ue adeò clarâ Patrum serie longa nobilitas  
 Vno tamen est Ignatij fulgore contractior.*

Suios

Suos inter Germanos natu minimus

Naturam sic virtute præuertit ,

Vt maximus moreretur .

Alias ab alijs augendæ nobilitatis vias

Occupatas vt vidit ,

Nouam ipse , felicioremque ingressus est ,

Contemptum nempe splendoris, & famæ.

Quàm verò antiquâ suorum relictâ semitâ

Minimè Ignatium via hæc nouâ sefellerit,

Ex tam felici , quod fecit in illa, compendio

Mundus iam omnis intelligit :

Nunquam enim Loyolæum nomen

Tanti omnibus esset ,

Nisi illud nihili fuisset Ignatio .

Qui magnis ardens , lucensque virtutibus,

Quod ab Igne accepit ,

Ne suo quidem otium admisit in nomine.

Audite iam è sepulcralibus vmbreis

Loyolæi manes illustres :

Antiquæ vestræ domus ceræ

Ignatij debent Igni,

Quòd non fluxerint :

## I N S I G N E I I :

AVLICAE VITAE SPECIES ALLICIT, ET AD SE  
TRAHIT IGNATIVUM.



Falsis coloribus trigonum vitrum DECIPIT, ET  
PLACET: Et cum rerum ferè omnium fal-  
sa sit species in Aula, adhuc tamen  
illa tam multos oblectat,  
& capit.

EPI.



# EPIGRAMMA II.

IN AVLICAM IGNATII VITAM.

*Speſtat adorati Lcyola inſignia faſtus ,  
Inque Aula , blandè quo crucietur , amat .  
Et Vitrea vacua deceptus imagine bulle ,  
Ludibrij inſpectroquerit inane iubar .  
Ingenium hinc Aulæ felix agnoſce , malumque :  
Qua potius debet fraude fugare , trahit .  
Res , ſi non fallax , foret Aulæ curta ; capaci  
Arte ſed hac , omnes decipit , inde capit .*

## ELOGIVM II.

Sapis , Ignati :  
Ne grauitè vitam ſeras ;  
Vitam tolerare meditaris in Aula :  
In qua quid leue non ſit ,  
Cuius elementum eſt vanitas ?  
Diſce tamen prius Aulæ portenta :  
Hac leuitate nil grauius ,  
Quæ viris vires adimens  
Maſculam omnem in ijs virtutem effœminat.  
Diſce iterum Aulæ portenta :  
Cum tot inter vanitates  
Totus ſit labor in Vacuo ,

Adhuc in illo, vel inuitis Philosophis,  
 Dari posse motum,

Tot Aulicorum ruinis, & cladibus  
 Magna iam euicit congeries proiettorum.

Et, tam multis in ima cadentibus,  
 Nemo tamen motum non sperat sursum:  
 Voto fortasse vndecumque non irritò,  
 Quando animis

Spes inter vanas pendentibus,  
 Hoc vno veluti suspendio  
 Aulici efferuntur:

O curas hominum verè leuissimas!

Quid enim illæ ponderis habent,  
 Quæ tam facile possunt  
 Fortunæ flatu circumagi?

Et Aulicos suos

Cum alumna lactet Aula, ceu pueros,  
 Ij, Dentati ceu Curij, nati cum dentibus,  
 Dura semper, & rodunt, & vorant.

Ità suo ludorum omnium dentatissimo  
 Aulicos omnes folles præparat Fortuna luforios:  
 Quos dum tundit, vt efferat,  
 Effert, vt tundat.

## INSIGNE III.

INANIVM AMORE VOLVPTATIVM, ET CAETERA  
SAECVLI VANITATE CONSVMITVR.



Fontis in cratere vrna MERGITVR DVM IM-  
PLETVR; & sordibus tantumdem obruitur,  
quantum quis hauserit profanorum.

## EPIGRAMMA III.

IN IGNATIVM VANIS AMORIBVS IRRETITVM.

*Et balanum fronti, & fædæ Loyola capillis  
 Spargit odorato puluere munditias.  
 Inde Cupidineas auido bibit ore fauillas,  
 Quæque ignem sitiât, potat in igne suum.  
 Quin per fata sequi vel dira paratus Amorem,  
 Imbelli miles pro Duce robur habet.  
 Robur habet? molli quæ Virtus constet Amori?  
 Posse, ut ames, vitam spernere, mollitiæ est.*

## ELOGIVM III.

Inter Aulæ vanitates,  
 Infrugifero in solo,  
 Quid mirum, si, quod solum potuit,  
 Esse non frugi cæpit Ignatius?  
 Miror tamen, quòd palea factus,  
 Adhuc se ludibrium venti circumferens,  
 Vanos inter amores ignem querit.  
 Et facilis ardendo materies  
 Quàm adhuc tota sit fumus,  
 Ex oculis agnosces amantiùm.  
 Quos poenâ, vel alterutrâ, vel utrâque  
 Nunquam ad sumum hunc videas,  
 Nisi



Nisi , aut cum lacrymis , aut sinē luce .

Et adhuc

Illarum vbertate fomitem parant ,

Huius orbitate quærunt pericula .

Felicitate miserrima ,

Quòd nunquam, quid plorent, non habeant ;

Qui ardorem semper habent , vt plorent :

Nunquam , vbi pereant , non inueniant ,

Qui nunquam non pereunt , vbi amant :

An verò illi non pereunt ,

Qui se ipsos amittunt ?

Quid porrò perditè magis amittitur ,

Quàm quod sic mutatur in alia , & distrahitur ,

Vt tam sibi nunquam constet ,

Quàm nunquam inueniatur in se se ?

Iam non gratis mentiuntur Pœtæ :

Quorum nempe leuiora mendacia

Magno venalia sunt pretio veritatis .

Vnam ijs Circem figmenta quid imputent ?

Quæcumque Solis filias vultu se probant ,

Suos hospites

Rarò non mutant in belluas .

## INSIGNE IV.

STVDIO MAXIME AMBITIONIS INCENDITVR.



Turbo igneus tam multis papyraceis tubis, totidem veluti linguis ait, **CONCREMOR VT SPECTER**: Ambitiosum vides: Totus arcano igne, non nisi, vt spectetur, absumitur.

# 11 EPIGRAMMA IV.

IN STUDIVM AMBITIONIS IGNATII.

*Caucaſea ſub rupe nefas illuſtre Prometheus  
Dum luit, æternam Viſcere paſcit auem.  
Crimen erat, modicæ furtum, Loyola, ſauilla,  
Et pœnæ tantum tantula culpa tulit.  
Tu titulis inbians, non flammam à Sole, ſed omnem,  
Furari famam prædo ſuperbus amaſ.  
Mirariſque, iecur tibi reſtro Vultur edaci  
Tundere ſi nunquam deſinit Ambitio?  
Vnde poteſt tamen eſſe fames tam longa voranti?  
Eſurtem cibus hic prouocat, inde poteſt.*

## ELOGIVM IV.

Longum, Ignati, iter ingrederis :  
Magno tibi opus erit viatico,  
Patientiâ.  
Iturum ſe recta non ſperet,  
Ambire cui placuit.  
Quàm verò longa via eſt,  
Quæ tota fit ambitu?  
Tantum porrò corruptiſſimæ viæ  
Num ſine ſorde confeceris?  
Efferri ſemel vt poſſis,

Ferenda sæpè illa sunt , quæ nec possis .

Sed ambitionis hæc toga est :

Nemo ambit, nisi in sordibus candidatus.

Et hic , si vsquam alius

Verè vitiosus est circulus .

Obstinatè quippe

Per fortunæ insolentiam vel reflantis

Vt in Principem effëraris ambire ,

Hoc est , ea , quæ fuerint negata , repetere ,

Non hoc est petere principium ?

Iam, Ignati, ad portenta te compara:

Meditanti Cælum via est calcanda per Tartarū :

In quo quæ patieris turpiter ,

Cum ferre vltro libuerit ,

Patientia ipsa execrabili portento fiet vitium.

Sed aliquando tandem euaseris ,

Euectus, illic denique sistendus es ,

Vbi omnia , vel de te

Vel circum te fieri senties meritoria .

Arseris hinc simul , & alferis ,

Clarum sperare quod poteris, fulmen fies,

Non aliàs daturum clades, nisi cum cades.



## I N S I G N E V.

NOMINIS, ET GLORIAE CVPIDVS MILITAREM VI-  
TAM AGGREDITVR.



Murale cum tormentum exploditur, CVM  
FVLGORE SONVS excluditur. Eò mi-  
litiae se dedit Ignatius, vt ex illa ip-  
sius nomen clarè cum gloria  
personaret :

EPI-

## EPIGRAMMA V.

IN MILITARIS GLORIAE CVPIDITATEM IGNATI.

*Post Aulæ ludum , tuus est amor alea Martis ,  
 Et tibi post mollem gloria dura placet .  
 Falleris, Ignati; in molli nisi vota quiescunt ,  
 Dura inter votis accidet Unde quies ?  
 Omnia sed tentas , ut tantùm errore magistro ,  
 Quod citò iam posses , discere serò velis .  
 Martis laude tumens pacem tibi fingis in armis ?  
 Frustra alios vincit , qui sibi bella mouet .*


## ELOGIUM V.

*Ades huc animæ largus , Ignati :  
 Bellonæ in campo , nundinante Morte  
 Venalis est Gloria.  
 Classicum audis ? Præconis ea vox est :  
 Quisquis huc emptor accedis ,  
 Anima huc tantùm  
 Licitari licet , & sanguine .  
 Magnum porrò pretium , anima magna est ,  
 Magnitudinem vis probare ? contemne .  
 O' homines , durum genus !  
 Tunica tectum adamantina  
 Nequicquam in castra corpus inferitur ,  
 Nisi*

Nisi animus comes subeat catafractus.  
 Qui nempe in ictum timoris ne pateat,  
 Audacia ferus, & ferreus,  
 Terribilium omnium maximum  
 Nihil necesse est mortem exhorreat.  
 Et adhuc quod deberet esse metus, est votum:  
 Tantique stat clarum nomen,  
 Ut, illud apud alios lucrari qui cupiat,  
 Se inter alios amittere non recuset.  
 An verò secūdo cursu immortalitas nō appetitur,  
 Nisi in oppetenda morte  
 Nemini se miles patiaturs cursu secundum?  
 Qui in albo Gloriæ  
 Vna tantum atratæ illius manu scribendus,  
 Nobilis argumento ambitionis,  
 Adhuc candidatus exposcitur,  
 Suo nimirum sanguine purpuratus.  
 O' iterum homines, durum genus!  
 Quorum pectora, ut sibi aut parcāt, aut metuant,  
 Nec tot ferientium ictus infringunt,  
 Nec tantus pereuntium sanguis emollit.

## INSIGNE VI.

EX INFRACTA PAMPELONE TIBIA AD ANIMI  
SANITATEM REVOCATUR IGNATIVS.



Musiuo in opere FRACTVRIS INTEGRITAS  
surgit imaginis :

Integritatem Deus animo facturus Ignatij,  
ipsius tibiam muralis tormenti vulnere in fru-  
sta propemodum Pampelone  
comminuit.

EPI-



EPIGRAMMA VI.  
 IN IGNATIVM EX TIBIAE VVLNERE ANIMO  
 SANATVM.

*Quantus ab obsessa Loyola interritus Arce  
 Insesta immoto sustinet arma gradu ,  
 Dissiluit postquam iaculato tibia plumbo ,  
 Vt meliora iterum surgat in arma , cadit .  
 Ac velut icta silex , quo tangitur , ardet ab ictu ,  
 Protinus accepti Numinis igne flagrat .  
 Flagrat , & ipse sui de victo Victor , ab hoste ,  
 Quem vix rara petit pugna , trophæa refert .  
 Euge , licet , Galle , & victa super arce superbi :  
 Plusquam tu victor Pampelo victa facit .*

ELOGIVM VI.

Magnum aliquid molitur in Ignatio Deus ,  
 Circa quem tantum iam lapidem mouet.

Profana Arx vetus euertitur ,  
 Nouo sternitur area ædificio sanctitatis.

An verus homo

In Duce profano deijcitur ,

Vt homo nouus sacro in milite erigatur ?

Ne quisquam Deum possit effugere ,

Vide quàm aliæ sint viæ hominum , atque Dei .

Dirigitur in corpus ictus ,

Dum vulnere scopus est animus .

Tibiamque Deus tunc frangit Ignatio ,  
Cum parat capiti sanitatem .

Cum elatus ille superbiâ  
Altiùs sēper motu grauiû ad humana descēderet,  
Pondere lapidis grauiore deiectus  
Ferri ad diuina fursum incepit .

Ferale aliquid  
Videri poterat cecinisse tormentum ;  
Sed Gallus boni fuit ominis , vel Hispano :  
Ità Petrum

Imitaturò deinceps , & propugnaturò ,  
Vt vitam antea ctam fieret ,  
Vberes lacrymas Ignatio Gallus elicuit .

Qui cum veræ virtuti  
Vel strepentia inter arma dormiret ,  
Cum affixus est lecto  
Sibi vigilare cæpit , & Deo.

Ita rursus , quòd excitatus à somno est ,  
Gallo debet Ignatius .

Et tibi , tormentum murale , non plaudam ?  
Quantum cum vi capis , explodisque globum ,  
Quo perculsum tanti ponderis Heroem  
Ad ipsum vsque Cælum impellis Ignatium !

MORTI PROXIMVS AB APPARENTE SIBI D. PETRO  
COGITARE INICIPIENS MELIORA SANATVR.



Candelabro cereus inuerso in luminis interitū  
iam iam diffuens, sedula manus dexteritate  
VERTATVR, ET VIVET . Ignatio Petrus  
hoc contulit : Illum, vt benè deinceps viue-  
ret, alia in morbo vel extremo cogitantem ad  
meliora conuertit , & sanauit .

## EPIGRAMMA VII.

IN IGNATIVM AB APPARENTE ILLI D. PETRO  
SANATVM.

*Dum vita Loyola subit fata ultima, Petrus  
Labitur è Cælo prima repente salus.  
Crure laborabat fracto Loyola; Petrique  
Consimili huic Luther transfuga vulnus erat.  
Ergo ut conualuit, Lutheri in vulnere cunctis  
Loyola exertis viribus inualuit.  
Iam mentem, Loyola, manus cognosce medentis:  
Te medicum Petri hæc cura medendo facit.*

## ELOGIVM VII.

Malculas nunc sume vires, Ignati:  
Deiectus petra, erectus Petro,  
Veteri relictâ militiâ,  
Ad noua bella te compara:  
Stipendia si quæris,  
Cum clauibus Quæstor adest è Cælo:  
Insolentiam iam suadelæ ne respue:  
A vulnere conualuisti, morboque,  
Vngueta nimirû, & pharmaca supplêre prodigio,  
Viribus nunc abutere licet acceptis.  
Cæli ærario  
Nunquã certè opportunius inferre vim poteris,  
Quam



Quâ cū illius tã prope ad manus tibi sũt clauēs .

Ne non sis vel in Superos animosus ,

Ipsū habeo thesauri dominum ,

Quem tuę cedam securitati sponsores .

Vim patitur Cælum ,

Et violenti rapiunt illud .

Quid hīc opus est asterisco , vel nota ?

Beneficia , quæ conferre non vult inuitis ,

Hæc Cælum auferri sibi expetit , vel inuito .

Iam verò Dāuid futurus alter

Fundibularius Vaticani ,

In Inferni Goliathi frontem

Petram hanc sumes Erebo capitalem .

Timeant monstrosæ gigantes doctrinæ :

Scientiæ ipsorum gladium , vel profanæ ,

Suo attactu pietas consecrabit Ignatij .

Eoque mox quæ sua , quæ suorum manu

Dauid hic amputabit Fidei corruptores ,

Hostes Cæli propterea contumaces ,

Quia Romæ rebelles .

Hunc interim apud homines , Diuosque ,

Cæli Ianitor Petrus Ignatio

Mortis in forib⁹ ad immortalitatē aditū reſerauit .

## I N S I G N E V I I I.

PII LECTIO LIBRI, PROFANIS ALIIS, QVOS POPOSCE-  
 RAT, NON INVENTIS, NOVAM AFFERT LVCEM  
 IGNATIO.



Cæterorum siderum aspectu sublato, Sole AB V-  
 NO DIES exoritur. Et profanis, quos maluisset,  
 non suppetentibus libris, pio sibi ad legendum  
 oblato, melioris suæ vitæ diem debet Ignatius.

EPI.

## EPIGRAMMA VIII.

IN PII LECTIONEM LIBRI MELIORIS VITAE LVCEM,  
AMOREMQVE IGNATIO AFFERENTEM.

*Parue, sed ingenti, liber ò, virtute, nec astris,  
(Tantus es afflatis ignibus) inuideas.  
Te quicumque videt Loyolam ignescere lecto,  
Ille librum Cælum dicat, & astra, notas.  
Astra diù multi sed contemplantur, & algent:  
Vix Loyola breui te videt, atque flagrat.  
Frigida nam spectant noctu illi sidera: præfers  
Ipse Deum: ardentem Sol parit iste diem.*

## ELOGIUM VIII.

Tàm alto veterno dormit Ignatius,  
Vt nec murali potuerit excitari tormento.  
Qui in mortem properans,  
Rebusque adhuc mortalibus hærens,  
Minimè se euigilasse ad vitam ostendit,  
Quando in mortis germani sinu  
Animum cæcis habet affectibus sic sopitum  
Lecto nimirum æger affixus,  
Adhuc ægriore laborat cura,  
Vt tempus fallat.  
Sed Ignatium falli vetat æternitas:  
Quem, ne non benè laboret,

Lectiōni totum affigit :

Vt verò melior melius inueniret vita cōpendiū,

Compendiariâ venit viâ ,

Quando breui volumine

Ignatio se tota Cæli euoluit immensitas .

Ille nimirum ,

Cum vano , quod maluerat, in volumine

Leuium nugarum folia ventosa deposceret ,

Qui totam expleret sanctitatis libram,

Librum , alijs non inuentis , oblatum

Et ponderis , & momenti sumpsit æterni.

Gesta erant , & vita

Dei hominis , hominum Diuinorum .

Ignarus sui qui vixerat ,

Quia præter se nihil prius aspexerat ;

Alios à se dum hîc Ignatius aspicit ,

Ipsam se denique discit agnoscere.

Vnam æternorum veritatē testatus Ignatio Deus,

Falsū omne rerum labentiū illū docuit detestari.

Quo tandem euentu ?


Diuino statim illo se scripsit in libro ,

Humanis se se omnibus dum proscripsit .



## I N S I G N E I X .

CHRISTI, SANCTORVMQVE VIRTUTES, ET GESTA  
 DIVERSIS NOTATA COLORIBVS, AD IMITAN-  
 DVM SIBI PROPONIT IGNATIVS.



Multiplices radij, globulique, vel serico pleni,  
 vel auro, ab arte ingeniosa opus PARANTVR  
 IN VNVM: Ingenium agnosce nauum Ignatij:  
 Vt sanctitatis suæ mirificum planè textū efficiat,  
 Christi, Sanctorumq; quas imitetur, virtutes, co-  
 lore multiplici seorsim accuratè describit.

## EPIGRAMMA IX.

IN VARIOS COLORES, QVIBVS VARIAS SANCTORVM VIRTUTES NOTABAT IGNATIVS.

*Quæ tibi tam miros Iris, Loyola, colores,  
Se quibus ambitis arcuet ipsa, dedit?  
Pingere tam tenui ductu quo doctus Apelle  
Picturam in tabula, prodigiumque facis?  
Sed res multicolor, res est tenuissima Virtus:  
Inde notans munus præstat utrumque manus.  
Haud ultra vanum Virtus est sæpè colorem?  
Intra virtutem nunc venit ipse color.*

## ELOGIUM IX.

Totus in coloribus Ignatius est:  
A præstigiatore Virtutis ingenuo  
Fucum sibi timeat  
Vitiorum sycophanta Tartareus.  
An non illi feliciter illudit Ignatius?  
Molitor magnorum animus,  
Coloribus, hoc est, cémentis tenuissimis  
Virtutis extruit solidæ colossæum.  
Et tu, quisquis ad hanc tabulam  
Spectator accedis,  
Hic etiam, Nimium ne crede colori.  
Res quippe oculorum Virtus non est,

*Quæ*

Quæ , cum tota sit ingenua ,  
 Adhuc colores , & pigmenta non renuens  
 Ducere suum potest

E' colore quouis , vel nigro candorem .

Iam verò, Ignati,  
 Tam bonum Christi odorem  
 Tua isthæc membrana dum halat ,  
 Florum ne colores ,

An Virtutum flores hos dicam ,  
 Quos tu in animi tui horto conseris ,  
 Verè pensili , quia cælesti ?

Sed flores

Paucis nascuntur , aut diebus , aut horis :

Tu perpetuum , Ignati , ver facis :

Et , quod prodigiosius est ,

Quicquid tibi vernat in floribus ,  
 Hoc tibi simul autumnat in fructus :

Iam quas intimè celas in corde ,  
 Coloribus extimis virtutes obline in membrana .

Manum etiam de tabulâ nunquam aufer ;

Inficiari non poteris æternitati re pingere ,

Qui pingas diù :

## I N S I G N E X :

DVM SE DEO ARDENTER OFFERT IGNATIVS,  
CONCVSSA DOMO FENESTRAE DISSILIUNT.



Quanto cum fragore , ac vi dissilientem incen-  
diariã glandẽ ignis ARDENDO CONCVS-  
SIT! Vt Ignatium diuina flamma corripuit,  
illo , quo se Deo deuouit , ardore , im-  
petum vel in fenestras , & parietes  
fecit :

EPI-



## EPIGRAMMA X.

IN IGNATII DOMVM INTER VOTA OFFERENTIS  
SE DEO CONCVSSAM.

*Tecta labant ; trepidas diducit rima fenestras :  
Nec tamen hic terra motus , at ætheris est .  
Scilicet Ignatî dum Cælum in vota calescit ,  
Celi igne haud potuit stare mouente domus .  
An celer approperans Loyola in pectora , rectam  
Numen hiante sibi pandit in ade viam ?  
Quidlibet hoc fuerit , caue Pluto : manibus hostia  
Quid faciet , propriam qui quatit ante domum .*

## ELOGIVM X.

Postquam de Virtute fundanda  
Statuere cæpit Ignatius ,  
Domus omnis

A fundamento concussa vix stetit .  
Vsq̃ue adeò , nisi per terrestria diruta  
Cælestia non conduntur .

Iam ex quo terris ille vim intulit ,  
Vim ab illo sic pati Cælum incepit ,  
Vt deditionem apertè iam cogiter ,  
Quando intimè se totum indit Ignatio .  
Porro tunc se totum Cælum homini dedit  
Cum,

Cū humanis exhaustis totū sibi vindicat hominē.

An quia vacuum

Nec Natura patitur dari, nec Gratia?

Vt iam (quicquid disceptent contra Philosophi)

Et intra naturam

Repugnans illud esse demonstretur, & supra.

Iam verò, arcanum ne ignis cuniculum

Motus hic indicat, qui videtur?

Adeste iam, Superi, spectatum è Cælo:

Diuinæ Gratiæ partu,

Cælesti edito terris Infante,

Loyolæa in domo ignes accenduntur in plausū.

Poriò, quantus hic olim futurus sit,

Parietes ipsi nunc docent:

Quem quia non capiunt,

Magnis hiatus miras laxantur in rimas.

An qui diù ludus Mundi fuerat Philistæi,

Perire terris certus nouus hic Sampson,

Fortioris consilij cæsarie iam adultâ,

Profanam domū in interitū cōcutit profanorū?

Age iam: angustiarum impatiens

Exspira hinc Ignatij feruor in Cælum.

Et te vereri Tartarus iam incipiat:

Tua in illū firmat Deus, domo vel nutate, cōsilia.

IN-

## I N S I G N E X I.

E DOMO, ET COGNATIONE SVA EXIT, RELICTISQ;  
OMNIBVS, FAMVLOS ETIAM DIMITTIT IGNATIVS.



Venturus in certamen, depositis vestibus nudus  
IPSE IN ARENAM luctator ingreditur.  
In Christi arena luctaturus, opes, famulos, & sua  
omnia, tamquam vestium impedimenta, do-  
mum exiens à se reiecit Ignatius.

EPI-

## EPIGRAMMA XI.

IN IGNATIVM E DOMO EXEVNTEM ET FAMVLOS  
CVMSVIS OMNIBVS DIMITTENTEM.

*Maſte Gigas : laribus , Loyola , excedis auitis ,  
Maſte , giganteo pergis in aſtra gradu .  
Commoda , delicias , famam , ſpes , nomen , opeſque ,  
Atque tua , atque tuos præterit iſte gradus .  
Quin tibi , poſt tua , te dempto , non cerneris Ultra :  
Tàm procul ex oculis te tulit iſte gradus .  
Magna ſolum dirimant licet interualla , polumque ,  
Terram ut quis primùm liquerit , aſtra tenet .*

## ELOGIVM XI.


Verum meditâs Philoſophum agere ,  
Ne non bona ſua omnia ſecum porter ,  
Nihil è domo ſuum exportat Ignatius .  
An quia verebatur , & iure ,  
Ne de ſe aliquid in illa relinqueret ,  
Si de ſuis aliquid  
Ex illa ſecum efferret ?  
Porrò intutus è domo abit ,  
E domo qui non abit totus .  
Totus verò non abit ,  
Qui conuectis ſarcinis leuium recularum ,  
Gradu incedit pluſquam teſtudineo domiporta .  
Iam



Iam ille frustra se diuinis addixerit ,  
 Qui se humanis antea non abdicauerit.  
 Interim, arcum vt meminit esse iter ad Cælum,  
 Ne illius Ignatius augeret angustias ,  
 Famulos etiam ,  
 Quos admiserat discedendo, dimittens,  
 Viæ abstulit impedimenta circumpedes.  
 Denique itinere sic expedito ,  
 Ad Montis Serrati Virginem vt aduenit ,  
 Vectario se etiam iumento ,  
 In quo scilicet non erat intellectus , exonerans  
 Planè nudus  
 Plenè se Christi Philosophiam  
 Intelligere persuasit .  
 Cui nimirum capiendæ nil expedit magis,  
 Quàm , ne res vlla nos capiat ,  
 Rebus esse omnibus expeditos .  
 Alia terrarum onera  
 Ne baiulantes excrucient ,  
 Culcitâ subiectâ gestantur :  
 Christi Crux , leue vt sit onus ,  
 Nudis tantùm humeris non incommodat.

## I N S I G N E X I I .

DEIPARÆ VIRGINITATEM<sup>1</sup> ADVERSUS MAHOME-  
TICVM MAVRV. QVAMILLE NEGABAT ILLIBA-  
TAM A PARTV, DEFENDIT IGNATIVS.



Aediculæ sacrae ostium ferrea dum crates munit,  
rectis,transuersisque mucronibus, illud in sacri-  
legos loquitur inuasores, TVTOR, ET VLCIS-  
COR . Nec suum minus exacuit ardorem Igna-  
tius,vt sacrilegā Mahometici Mauri audaciā re-  
primeret Deiparæ Virginitatē à partu linguâ im-  
piâ pernegantem .

EPI-

# EPIGRAMMA XII.

35

IGNATIO DEIPARAE VIRGINITATEM ADVERSVS  
MAVRVM DEFENDENTI.

*Vile caput, Calum sic est tibi vile, profano  
Vt Violes magnæ Virginis ore niues ?  
Non, inquit Loyola, feres impune, sequar te,  
Te licet alatis auferat Eurus equis.  
Sumeret ergo nigro pœnas à sanguine ; sed quæ  
Fortè vehebatur, non mala mula negat.  
Scilicet in diuersa abiit, docuitque pudorem  
Non benè Virgineum cede ; pudore tegi.  
Casta uouens igitur vitæ tunc munera, Maurum  
In proprio extinxit pectore : pœna data est.*


## ELOGIVM XII.

De Virgineo post partum candore  
Foetus à partu, & ante partum nigerrimus  
Atrum calculum  
Cum ferre Maurus auderet,  
Vocem impiam expiaturus Ignatius,  
Vbi rationum fonte  
Lauari frustra vidit Aethiopem,  
Intimè nigrum  
Intimo ratus est lauacro esse tergendum :  
Proinde vt Veritas emergeret,

Conuiciatorem impurum  
 Mergere sanguine destinavit ,  
 Sed boni feruor amoris  
 Malum excanduerat in furorem :  
 Impotem proinde rationis affectum  
 Animâtis, qua vehebatur, cômifit brutæ iudicio  
 Quæ ad biuium cum veniffet ,  
 Habenæ libertate acceptâ  
 Furentis animo frænum iniecit,  
 Quando aliâ à Mauro viâ difcedens  
 Redire ad cor , & fe fe dedit Ignatio :  
 Qui fequacem virtutis  
 Herculem imitari aggreffus à biuio,  
 Deiparæ fuccenfus amore caftitatem vouens ,  
 In nouæ vitæ cunis  
 Hercule maior , & melior  
 Lubricorum affectuum virofos angues elifit ;  
 A. quibus poft Hydram , & Cerberum  
 Ita illufum Herculi eft ,  
 Vt virum fe vltrâ non patiens ,  
 Agens proinde mulierem ,  
 Mafculam omnem virtutem  
 Præcipitarit in lubrico fœminarum .



DEIPARAE AMORE SVCCENSVS CASTITATIS, QVAM  
VOVET, DONVM DIVINITVS ACCIPIT IGNATIVS.



Solis obiectæ radijs ceræ A CALORE CAN-  
DOR accedit. Et Ignatius vt præmum a-  
more ad Deiparæ Solem incaluit, Ca-  
stitatis simul illi vouit, simul  
accepit ab illo cando-  
rem.

## EPIGRAMMA XIII.

IN CASTITATEM AB IGNATIO DEIPARAE VIRGINIS  
AMORE DEVOTAM.

*Virginis ut niueos Ignatius arsit amores ,  
Ignes in niuibus sensit in igne niues .  
Flammea nix ergo flammatum , & flamma niualem  
Huic niuea , ut uouit , protinus esse dedit .  
Pro casta castum se Virgine uouit amator ,  
Virgo dato castum munere fecit amans .  
Quid magni magnum Vis nescit amoris ? amâtes  
Consimiles si non inuenit , ipse facit .*

## ELOGIUM XIII.

Nulla maior Cælo litatur Hecatombe ,  
Quàm Castitas .  
Vna in hac Victima  
Numerosâ sui victoriâ  
Centum vitia iugulantur .  
Quæ grauissimo cum sint odore , cum viuunt ,  
Extincta cum fuerint ,  
Diuinæ fundunt fragrantiam suauitatis .  
Bonus Christi odor  
Sacerdos igneus initiatus Ignatius ,  
Corde flagrans , ut fragret & corpore .  
Deuotæ litat thiamiamate Castitatis .

Odoratus nempe Virginem  
 Quid aliud nisi Integritatem  
 Adoleret hic Ignis?

Odorem verò tam bonum  
 Vbi fenfit è Cælo Deus ,  
 Suam hanc Victimam

Vt Cælesti flamma statim incenderet ,  
 Collato Castitatis dono ,  
 Impuri flammæ ardoris  
 In Ignatio prorsus extinxit .  
 Integritatis igitur

Et voto , & munere accepto deuinctus ,  
 A corporis seruitute solutus,

Vna eademq; manu transcriptus in numerum est  
 Seruorum pariter , & liberorum Dei .

Iam verò

Qui brutarum omnium repudio voluptatum  
 Corpus planè totum grande soluit in pretium ,  
 An non à Cælo ille magnū mercatus est spiritum ?

Disce Lector :

Totum Deus illi se debet ,  
 Qui , vt castè viuat , nihil debere vult sibi .

## I N S I G N E XIV.

VESTES SVAS PRETIOSAS EXVIT, EASQUE PANNOSO PAVPERI DONAT IGNATIVS.



Quamdiù intra concham latet, margaritam iustè non æstimes: proinde suas extra exuuias, NVDA CAPIT PRETIVM. Quanti habenda sit virtus Ignatij, pari iudicio, postquam pretiosas exvit, pauperique largitus est vestes, in ipso sic nudo iam æstima.

EPI-



## EPIGRAMMA XIV.

IN IGNATIVM VESTES SVAS PRETIOSAS PAUPERE  
LARGIENTEM.

*Quem lacero in cultu spectas, Ignatius hic est :*

*Hic est ille, decens non erat ille chlamys .*

*Est idem, est alius : censu modò diues inani ;*

*Veras in cultu paupere sumpsit opes .*

*Scilicet ipse palam se publicus ante ferebat ,*

*Quando nihil damni , quod pateretur , erat !*

*Pauperiem ut sumpsit , metuit Loyola latrones ,*

*Cur etenim non vult publicus ire ? timet .*

## ELOGIVM VIII.

Ad Virginem postquam autumnauit Ignatius,

Et præcoci fœtu

Castitas deuota maturuit ,

Decerptis iam fructibus ,

Grauem pretiosæ vestis ornatum ,

Inania veluti folia ,

Virtus ramosa cæpit excutere !

Et Castitas Puellæ imitata modestiam ,

Cum solam incedere crederet indecorum

Fidissimam comitem ,

Grauem voluit matronam adiungere sibi ,

Pauperiem .

An verò nouam Ignatius ,  
 Diuersamque viuere vitam incipiens ,  
     Iustitiæ Solem  
 Suo habet in Cælo retrogradum ?  
 Quo nimirum regrediente  
     A Virgine ad Leonem ,  
 Vbi satis amore virtutis incaluit ,  
 Vt æstum temperet , nudat se se .  
     Et cum Castitate sit candidus ,  
         Nudatus Pauperie  
 Colorari in Sole incipit Caritatis .  
     Sed suarum munditias vestium  
         Pauperi elargitus,  
 Sordes ipse induendas à paupere mutuatur .  
         Constanti veritate  
 Virtutis mundissimę modestiam ,  
 Quæ in fordibus putere tunc incipit ,  
     In munditijs patere cum appetit ,  
         Nitere tunc melius , & latere ,  
         Cum se se amat ,  
 Vel laceram spectari , vel nudam .

## I N S I G N E X V.

ANTE VIRGINIS DEIPARAE ARAM AD MONTEM  
SERRATVM IN PRIMO SPIRITVS FERVORE  
NOCTEM VNAM IGNATIVS EXCVBAT.



In lucerna lumen NON SOPITVR ARDEN-  
DO. Noui feruore Spiritus, & amore  
Virginis cum arderet Ignatius, no-  
ctem totam vigil excubans,  
suis ab oculis soporem  
omnem excludit.

IN-

## EPIGRAMMA XV.

IN IGNATII ANTE VIRGINIS ARAM EXCVBIAS.

*Plenus amor vite non gaudet imagine mortis :  
 Nec cœunt gelidus , feruidus , humor , amor .  
 Propina ut radijs nectantibus astra soporem :  
 Loyo<sup>la</sup> at somni nil tamen inde bibit .  
 Virginē ad mensam discumbit , et excubat aræ :  
 Sobria sunt frontis lumina ? corde bibit .  
 Hinc Mariam corde eructat : potatur amoris  
 Impotis somno lucibus ebrietas .*

## ELOGIUM XV.

Quàm citò Ignatius Iustitiæ libram inueniet ,  
 Qui quærere illam incepit à Virgine ?  
 Primo itinere fertur fursum .  
 An humile aliquid de virtute ille cogitat ,  
 Qui eius fundamenta ponit in monte ?  
 Porro casum hæc structura ne timeat ;  
 Quàm enim solidè illa innititur ,  
 Quæ terra fundatur in Virgine ?  
 In hanc verò frustra vndarum torrentes ,  
 Frustra ventorum flamina dimicabitis ,  
 In sinu posita est , manuque Deiparæ :  
 Tempestates , & meteora omnia



Infra intumescunt, & detument :

Olympus hic est .

Tu verò quid iam in insomnem hūc lucis filiū

Propinator veterni , ages ,

Princeps nigerrime tenebrarum ?

Tuis desperare militibus , & armis potes ,

Quando Ignatius

Dauidicæ illi se turri iam credidit :

Ex qua mille clypei pendent,

Omnis fortium armatura .

Et cum vigilare militia sit ,

Vigilia militare ,

Senties aduersum te quàm strenuè ille militet ,

Qui in hoc sui ardore spiritus

Tàm vigilat inconniuers .

An ex hoc monte propior Cælo ,

Astrorum eruditus exemplo ,

Sacræ Tyro militiæ

In veteranorum inuidiâ tantū profecit Ignatius ?

Militare Deo incipit à vigilia ?

Suis in stationibus excubans

Vetus siderum exercitus

Cæli exercet militiam vigilando .

## INSIGNE XVI:

SPIRITALI SVO INSTITVTORI CONSCIENTIAM  
INTEGERRIME APERIT IGNATIVS.



In Sacrorum theca lypsanorum descripta nomina sub ambiente crytallo ET CLAVSA LEGVNTVR. Sux arcana Conscientiæ non claré minus, quàm translucido in vitro spiritali suo Institutori patefecit Ignatius.

EPI-

47

# EPIGRAMMA XVI.

IN IGNATIVM CONSCIENIAM SPIRITALI SVO  
INSTITVTORI PANDENTEM.

*Quas ferrum ex alta rapuit tellure, latebris  
Rursus opes altæ condit auarus humi.  
Nam satis haud tutum, nisi cum tectum, æstimat aurâ  
Quod si ulli patuit, vix putat esse suum.  
Seruat opes aliter virtus: sua cuncta Magistro,  
Ut lateant furem cuncta, patere iubet.  
Sic potitur, nec furta timet. Tua solus habere  
Vis tutus? tectus ne tua solus habe.*

## ELOGIVM XVI.

Dies pariter cogitantem antiquos,  
Et annos in mente habentem æternos;  
Hoc est, retró simul, & ante  
Quisquis te spectantem videt, Ignati,  
An non ille iure te sanctiorem quidem,  
Sed bifrontem Ianum appellet?  
Qui tamen  
Cû bellû Tartareo indixeris hosti perpetuum;  
Tui Templo cordis  
Spirituali Institutori semper aperto,  
Magnæ opis, & victoriæ omine  
Nunquam Clusius,  
Sem-

Semper debeas salutari Patulcius :

Et humani arcem cordis

Cingere quidem potest , & quater ,

Sed expugnare illam , & capere

Tamdiù non potest acies Tartarorum ,

Quamdiù spiritalis militiæ Præfectus

Sit in illa conscius arcanorum .

Ità præsidium hanc in arcem Deus

E Cælo quidem semper ,

Sed via ferè semper infert securiore per terras .

Iam quisquis singulari instat triùphare victoria ,

Bicipiti cum hoste

Certamine dimicare fugiat singulari :

Nimirum hic etiam excitus ab Inferis ,

Nec Hercules contra duos .

Qui solus cum solo si dimicet ,

Cum plusquam forma tricorporis vmbraë ,

Plusquam Giges sit , Briareusque centimanus ,

Vbi committenda est pugna cum geminis ,

Nec vnum , quo fidere , corpus ,

Nec vnam , qua possit fodere , manum habet .

Quid? arcanos hostis, subterraneosque cuniculos

Vt exitu in auras efflare possis inani ,

Apertâ magistro tuo Conscientiâ ,

Hoc animus tuto pateat spiramento .



## I N S I G N E X V H .

MOLESTISSIMI CONSCIENTIAE SCRVPVLI AB I-  
GNATIO INPRIMO VITAE MELIORIS EXORTV  
VINCVNTVR.



AD PRIMOS VICTA CALORES Solis in  
exortu nebula euanescit. In primo spiritus  
feruore quantam animi nebulam mo-  
lestissimis excitam scrupulis diffi-  
pauit Ignatius!

D

EPI.

## EPIGRAMMA XVII.

IN CONSCIENTIAE SCRVPVLOS AB IGNATIO  
VICTOS.

*Tænaream fundens ex ore tenebrio noctem ,  
( Quis credat ? ) nimium cernere dat tenebris.  
Cernere dat nimium , nihil et dat cernere , ut idem  
Inde premas dubium cæcus , & Argus iter .  
Nil Loyola videt , timet et tam multa ; sibi que  
Dum vana horrescit vulnera , vera facit .  
Quid , Loyola , times , cum sit tam vincere pronum ?  
Hostem hunc non pronum est vincere ? nosse sat est .*

## ELOGIUM XVII.

*Hūc verò liguritorem scelerum voracissimum ,  
Artificem propterea scrupulorum ,  
Humanæ mentis ventosum sanè hostē , & vanū  
Suis tamen præstigiarum , & fraudum  
Tutum latebris , & dumis implicitum ,  
Maior Ignatio labor fuit  
Inuenire , quàm vincere .  
An verò facilè illum  
Dignoscere quisquam possit , aut cernere ,  
Qui laruaticus totus est ,  
Et filius tenebrarum ?  
Quis verò capiat illum , & teneat ,*

*Qui*

Qui sui corpus exercitus

Totum vanis conflatur ex umbris?

Proinde cum viribus quatiendo non posset;

Obsidione famis

Hunc ad deditionem cogere tentavit Ignatius:

Quando septem solidos dies nullo usus cibo,

Certus aut illum inuentum conficere,

Aut ipse quærendo deficere,

Infractâ nunquam sepsit constantiâ persequendi:

Sed fugitius, & contumax,

Vt teneretur, & cederet,

Suis extrahendus è latebris,

Eidemque ad spiritalem Institutorem tracto

Sua, qua se tegebat, persona fuerat detrahenda.

Tum verò, quem scrupulum, & inflexum

Tot afflicto se duris, & asperis

Mollire nequiuit, aut frangere:

Animo in obsequium molli,

Suum Ignatius hostem comminuit, & contriuit.

Sui nempe Moderatoris imperio cibum sumpsit:

(Tanta Obedientiæ vis est)

Quicquid à scrupulis indigestum erat, absumpsit.

## I N S I G N E X V I I I .

IEIUNIIS SE AD MULTOS DIES PRODVCTIS  
EXHAVRIENS, MIRA SPIRITALIVM RE-  
RVM VOLVPTATE PERFVNDITVR:



Vt Musicum organum sonum edat in fistulis,  
PER INANIA SPIRITVS necesse est conci-  
piatur, & permeet. Vt se ieiunijs exhausit,  
inanemque fecit Ignatius, suum ani-  
mum diuino spiritu cum voluptate  
sensit impleri.

EPI-



## EPIGRAMMA XVIII:

IN PRODVCTA AD MVLTOS DIES AB IGNATIO  
IEIVNIA.

*Exuerat vestes, pretiosum pondus: euntem  
Et procul, et properè nempe retardat onus.  
Nunc etiam vires adimunt ieiunia: euntem  
Num procul, et properè rohora fracta iuuant?  
Inualidus Loyola, exsuccus, anhelus, obire  
Ille valet mortem, non valet ille viam.  
Festinat tamen, et Cælo festinat: in auras  
Contempta cursu præpete fertur humo.  
Forte petat robur terræ via perbreuis; ingens  
Cæli iter infracto robore conficitur.*

## ELOGIUM XVIII:

Concentum virtutis, quo nihil suauius,  
Non nisi asperam modulando vitam edideris,  
Cuius canoris delicijs  
Molliores tum cantes aperies,  
Cum voluptatibus terrarum omnibus  
Penitus in te guttur eliseris.  
Vt igitur dulcissimè canat hic Cycnus  
Morum senium in iuuentutem appropera.  
Tunc instar victuri semper, carus Superis,  
Videri poteris æternitati præcinere,

D 3      Cum

Cum mox morituro similis

Vitæ epicædium canere tui osor institeris.

Et cælestium orbium melos emodulatissimum

Ideò terris efficitur inauditum,

Quia ( vt ille dixit ) circum hominum aures  
Confragosa nimiū hæc humana nūc perstrepūt.

An nō igitur Cælo auritos exhauriēdo nos facim⁹,

Qui ideò benè Cælum non audimus,

Quia oppleti humanis , & obruti

Apud Cælites non audimus benè ?

Per voluntarias pœnas

Humanis sibi omnibus interdicit Ignatius.

Tùm linguâ , & auribus

Huic terrarum exilio peregrinis .

Tàm percipi ab alijs ,

Quàm alios non poterat ipse percipere:

Miraculum nempe factus , & admirator

Quòd nihil ipse, nisi Cælum diceret ,

Omnia audire vellent alij, præter Cælum.

Interea Ignatij vocem

Benè Cælum , & audiit , & percepit ,

Qui nempè cælesti lingua , operibus loquebatur.



## INSIGNE XIX.

DAEMON IN VARIA SPECTRA SE INDVENS AB  
IGNATIO BACVLO ABACTVS SAEPE  
CONTEMNITVR.



Fœda licet, horridaque sit personā, vel larua. CO-  
GNITA RIDETVR. Infernum anguem va-  
rias, horridasque imagines induentem,  
quia laruaticum nouerat, per cōtem-  
ptum, vel baculo abigebat Ignatius.

## EPIGRAMMA XIX.

IN MALVM DAEMONEM AB IGNATIO ABACTVM  
BACVLO, ET CONTEMPTVM.

*Horribiles dum Larua Erebi se vertit in angues ,  
Loyolam orantem territat , an metuit ?  
Sibilat illa diu , & sinuosa Volumina torquet :  
Mentem non hic ad spectra , nec ora mouet.  
Aut aliquid si quando mouet , tremefacta rotatum  
Aspiciens baculum larua repente fugit .  
De Styge , de Lybie fecunda erumpite monstra :  
Hoc fatum est , semper Scipio monstra domat .*

## ELOGIVM XIX.

Delicias ex pœna facturus  
Vetus, & veterator anguis ,  
Terram olim damnatus comedere ,  
Morsus suos terræ vertit in filios .  
Et fame irritatâ , utinam irritâ ,  
Gurges ipse ter reprobis ,  
Cibum semper opsonatur electum :  
Nimirum , ignem , qui nunquam dicit, sufficit,  
Cum duro alat in stomacho  
Adhuc delicatus , & mollis  
Dapes quærit , inhiatque tenerrimas :  
Itâ nouum induentes hominem ,

Hoc



Hoc est, quasi modò genitos infantes,

Deterrimæ vt immolet morti,

Vitæ melioris libare tentat exordia.

Terrores proinde, aut errores immittens,

Quà minitando, quà mentiendo

Alterutrum moliri non desinit,

Vel sanctitatem exturbare consiliorum,

Vel perturbare consilia sanctitatis.

Verùm Ignis iam cæperat Ignatius esse

Ardens, & lucens:

Laruaticum feruore suo anguem incendens,

Ingesta sibi sua in illum terriculaimenta regeffit:

Sanctitatis radio, & Sole perculsum

Suis cum erroribus erronem fugauit in tenebras.

Quid? mastigiam versipellem

Baculo Ignatius abigens per contemptum

Vbi verè fecit in cute ficta liuentem,

Parasitatum de alieno qui venerat,

Proprio dedit liuori pascendum.

Sanctitatis ad sarcinam

Factus Deo erat Ignatius, vt iumentum:

Factus est & Dæmon vt iumentum Ignatio,

Sed ad verbera.

## I N S I G N E   X X .

SPIRITVS BONOS , MALOSQVE SVO EXPERIMEN-  
TO DISCERNERE DISCIT IGNATIVS.



Amphorā mathematica inclusam aquā seù den-  
siorē, seù rariorem ostendens, SCIT FRI-  
GVS, ET ÆSTVM. Expertus ipse quid  
virtuti calorem, quid frigus afferret, v-  
trumq; spiritū gelidū, seruidūq; bonū,  
& malum discernebat Ignatius.

EPI.

## EPIGRAMMA XX.

IN IGNATIVM BONOS, MALOSQUE SPIRITVS  
DISCERNENTEM.

*Tartaream, Pluto, iubaris tege syrmate noctem:  
Et Stygia Zephyros effer ab Aeolia.  
Arcanas Loyola tuas Sol discutit umbras,  
Spiritus & sentit non bona flabra bonus.  
Sed tu etiam, prodit mihi se se Ignatius, inquis:  
Atque vides, illo in nomine quid lateat.  
Credo tibi? mendax, & cæca es talpa: sed ipse,  
Vror ab hoc, inquis, nomine: credo tibi.*

## ELOGIVM XX.

Chimicum agit Ignatius:  
Eius in fornacula spiritus discernuntur.  
Ars enim verò subtilis,  
Quæ cum circa spiritus tota versetur,  
Plusquàm mathematicè  
Omni penitus abstrahit à materie!  
Quam porrò empyricus ille est,  
Qui spiritalis artis exercitatione tam intima,  
Bonorum pariter spirituum, & malorum  
Quintam scrutando nouit naturam elicere?  
Tu verò adulterini auri  
Corruptissime trapezita,

In oculatum fanè menfarium incidifti :

Proinde tuæ præftigias monetæ ,  
Perambulante in tenebris negotio

Supponere illi frustra tentabis ,

Quando ad lapidem Ignatij lydium exploratus,  
Tuâ corruptelâ deprensâ iam decoques .

Tum verò alieno ære ,

Hoc eft , tuo te grauem scelere

Sic ille proſcribet ,

Vt tua, quotquot ſunt , omnia planè bona

Publicæ palam hæſtæ ſubijciat ,

Cum tua omnia , quæ nouit intimè , mala ,

Suæ vocis præconio

In corona omnium publicabit .

Quo interim exitu ?

Eo nempe , cuius te ſic pudeat , vt rumparis.

Quando ad hanc hæſtam

Tàm multos accedere licitatum videris ,

Fructuoſæ ſcilicet rei emptores ,

Quia artis tuæ perditiffimæ contemptores .

Quid ? prauum & inſcrutabile cor eſt hominis ?

Dæmonis in illo deterrimi

Prauiora conſilia perſcrutatur Ignatius :



## I N S I G N E X X I :

IN MINORESSAE SPELVNCA LATENS AD OMNEM  
SE SE VIRTUTIS PERFECTIONEM IGNATIVS  
EXCOLIT.



Sub sipario statua **CELATUR DONEC**  
**CALETUR**: In Minoressæ spelunca  
latebris omnium remotus ab ocu-  
lis, perfectum virtutis suæ si-  
mulacrum expressit Igna-  
tius.

EPI.

## EPIGRAMMA XXI.

IN VOLUNTARIAS POENAS QVIBVS SE IN MINO-  
RESSAE SPELVNCA AFFLICTAVIT IGNATIVS.

*Cantaber hos Brontes ictus? hos Aetna tonantes  
Hispana è terris mittis in astra globos?  
Fulmina num Cælo cudit noua Mulciber, unde  
Tartareus recidat fractus in antra Gigas?  
Nempe Mimas Erebi tua cernens verbera, & ignes,  
Te Fabrum, Ignati, & fulmen adesse timet.  
Nomen ab Igne trahis, factusque es vulnere claudus;  
Vulcanus veri iam potes esse Iouis.*

## ELOGIVM XXI,

Tellurem sibi totam excussurus  
Cuniculum Ignatius agit in specu.  
Igniarium puluerem  
Nitratum si quæris, & nigrum,  
Mortem illuc intulit meditandam;  
Cuius puluis cum à tumuli nocte sit niger,  
Adhuc salem habet,  
Quia resipiscere docet, & sapere.  
Excussâ tellure Cælum in proximo est:  
Hoc certè non olim gigantes,  
Hoc nunc homines, terræ filij, non intelligunt:  
Terrarum non aggestu, sed deiectu  
Cælum

Cælum inſcendi :

Cui tunc ſcalas admouemus ;

Cum descendimus ad inferna viuentes :

An verò non inſcendit Ignatius ,

Qui Cælum vt iuſto etiam nomine occuparet ,

Cum Dei Filio , hærede Patris nempe legitimo

Inijt Societatem ?

Grates nunc Minoreſſæ antro Societas litet :

Si gratus eſt , litet & Mundus :

Suos Ieſus habuit in antro natales ,

Suos Ieſu Societas

Huic antro refert exortus :

Pari vtrumque in partum horoſcopo ,

Vt & Ieſus , & Socij

Vitam pariter ſuam , & mörtem

In ſalutem omnium deuouerent :

Quid ? portentofa ferarum corpora

Nafcuntur in antris ?

In antris moriuntur


Portenta immania vitiorum .

n quibus cum affectuum feræ cicures fiant .

Homines ipſi mutantur in Deos .

## I N S I G N E X X I I .

LIBELLVM SCRIBIT SPIRITALIVM EXERCITIORVM  
PERMOVENDIS ANIMIS PONDERE, ET ORDINE  
MEDITATIONVM APTISSIMVM.



Mechanici horologij rotas , vt horas æquè partiantur , & indicent, PONDVS, ET ORDO MOVENT. Spiritualia Ignatij exercitia vt animos cum fructu permoueant , præscripto meditationum pōdere simul, & ordine sunt tractanda .

EPI-



## EPIGRAMMA XXII.

IGNATIO LIBELLVM SCRIBENTI SPIRITALIVM  
EXERCITIORVM.

*Pexa Stagiritam commendet barba: tumentis  
Defluat in multam syrma Platonis humum.  
Et macie, et lacero Loyola informis amictu  
Dignius et barba, et syrmatc scribit opus.  
Nempe Deum nactus tacita sub rupe Magistrum,  
Discere nil extra hunc, scribere nec potuit.  
Cuncta alij discant alio à doctore; Magistrum  
Hunc unum, ut discas omnia, scire sat est.*

## ELOGIVM XXII.

Vsq̃ue adeò Magiæ exercendæ, vel bonæ  
Antra fuere semper accommoda.

Deos ex hominibus facturus Ignatius,  
Metamorphosim tantam

Aliâ ne arte, quàm Magiâ efficeret? sed diuinâ.

Proinde non triformem ex Erebo Hecatē;

Sed Augustam è Cælo Triadem:

Non Virginem Lunam, sed Deiparam Virginem,

Potenti verè carmine

Minoressæ deduxit in antrum.

His nimirum Auctōribus

Spiritaliū exercitiorū libellum scripsit Ignatius.

E

An

An verò arcanis refodiendis thesauris  
Has ille paginas exarauit ?

Superstitiosas dicerem ,

Si Lemurum spectra inter , & verbera ,  
Terrarum nos in sepulcra deducerent .

Sed Regnum Dei intra nos esse dum docent.

Ad Sanctitatis thesaurum

Cum Lemurum cruciatu inueniendum ,  
In nobis tantum inquirendo iubent effodere .

Interea litterarum rudis

Libellum hunc scripsit Ignatius .

Tantum sapuit antè , quàm sciret ;

Qui difficillimam omnium

Discere potuit , & docere scientiam ,

Nosse se ipsum .

Et ad arcana clariùs peruidenda

Turbat plerumque mentem scientia multa ,

Dum inflat :

Hic , cognito quisque se se cum detumet ,  
Quæ Dei sunt peruidet , quia sua non ignorat

Adi lector hoc antrum :

Tum ex illo tibi nouum vbi lumen affulserit ,

Veritatis diuinæ Solem

Solitarium sæpe inueniri noueris inter umbras .

IN-

## I N S I G N E   X X I I I .

IN ALTISSIMO MENTIS RAPTU SEPTEM DIES  
PERSEVERAT IGNATIVS,



Auiculam extra caueam volatu conantē, tenuiq.  
ne auolet, filo retentā, an nō suo modulo dicētē  
audis, CVPIO DISSOLVI? In eo septē dierum  
raptu, modicā illā, quæ de vita supererat, circum  
præcordiā, palpitatione, cupere se dissolui ani-  
mus loquebatur Ignatij.

## EPIGRAMMA XXIII.

IN IGNATII SEPTEM DIERVM ECSTASIM.

*Carcere membrorum mens Loyolæ relicto,  
Libera septenos iuit in astra dies.*

*Et potuit credi defuncta hoc lumine, obiret  
Ni circum exiguus languida corda calor.*

*Quid procul à terris egit, si quæris? Iesum  
Dum redit ingeminat: num satis explicuit?*

*Quid? redit à Iesu membrorum ad vincula fruendo  
Sed bona mens didicit; quid sit amare, pati.*

## ELOGIUM XXIII.

Abalienato prorsus à sensibus  
Septem, Ignati, dies potuere tibi præscribere,  
Proinde aliena tamdiù in possessione qui fueris,  
Nunquam te interim repetens,  
Tuus iam ultra non eris:

Et verò, postquam decoctor splendidus  
Amor pectus omne inflammabat Ignatij,  
Bonis suis omnibus videri poterat planè cessisse,

Nisi cordis palpitatione pertenui,

Cum possessione retenta

Excessisse Dominum indicasset:

Qui nempè cum foris tunc maximè ageretur,

Ni-



Nihil planè habebat domi, quod ageret :  
 Quin rerum omnium & summam, & maximam,  
 Animam fortasse tunc egisset Ignatius,  
 Nisi illū nō humana, sed diuina pati voluisset De⁹:  
 Et adhuc, diuina vt post modum ageret,  
 Diuina prius illi dedit hæc pati :  
 Quando Ignatium in eo mentis raptu,  
 Arcano Deus magisterio,  
 Vulgandâ omnibus clā sciētiâ imbuuit diuinorū:  
 Disce, lector, otium sapientis :  
 Viuere benè tunc discit,  
 Cum videri potest planè non viuere.  
 Et sensuum tam longa suspensio  
 Labentis vitæ sic potuit obliuionem inducere,  
 Vt mortuo simillimus  
 Dies tantum deinde vixerit æternitatis Ignatius:  
 Ab omni vacauit opere dies septem :  
 Quales ferias suis ille habebat, in fastis !  
 Vnum adeò Verbum  
 Cum Deum tunc loquentem audisset,  
 Vnum hoc redditus sibi Verbū deinde reddidit,  
 Iesu.

Bonus sanè discipulus,  
 Qui idem, & sentit, & loquitur, quod Magister.

## I N S I G N E XXIV.

INNOSOCOMIO DVM AEGRIS INSERVIT, MVLTORVM CORPORA CVRANS, ANIMOS SANAT IGNAT.



Laceram vestem artificis industria solers DVM  
REFICIT ORNAT. Ægritudine fractos in  
Nosocomijs Ignatius sic curâ reficiebat  
corporum, ut illos cultu virtutum,  
& pietatis ornaret.

EPI.

## EPIGRAMMA XXIV:

IN IGNATIVM NOSOCOMIO INSERVIENTEM:

*Viscera dum febris, sanies dum pascitur artus,  
 Dumque animos scelerum putrida pestis edit,  
 Omnibus appropere fortis Loyola mederi,  
 Et cunctis unus sit panacea malis.  
 Tabentesque animos per hiantia corpora curans,  
 Se domat, & saniem, quam premit, ore bibit.  
 Ore bibit saniem? scelerum nam vulnera sanans  
 Precipit haud virtus pharmaca, sed recipit.*

## ELOGIVM XXIV.

*Purulenta fugentem vulnera  
 Quisquis Ignatium vides,  
 Auspicatò ille medetur inualidis;  
 Qui tam fortis accedit ad curam?  
 Quàm verò profundè hauriat, hinc agnosce:  
 Ore cuti sitienter admoto,  
 Per extima corporis vlcera  
 Pestem exhaurit intimam animorum.  
 Gnarus quantum securæ spei habeat  
 A prærogativo victoria,  
 In Deum ut erigat, stratos inuadit:  
 Nimirum suis corporibus dum metuunt,*

Deum timendo , animis cauere docet ægrotos :

Calore febris scelerum frigus arcet ,

Et inæquales inter commotæ pulsus arteriæ ,

Turbatos sedat spiritus , dum explorat .

In omnium fastidio ciborum

Manna illos , Angelorum panem esurire docet ,

Qui grauiora in sceleribus esculenta cū quærerent ,

Cibum hunc , ideò leuissimum ,

Quia efferentem se supra cæteros , fastidiebant .

An non hoc est, per proxima morti corpora ,

Cadauerum anastasin facere animorum ?

Porrò cum corpore vix vllus ægrotet ,

Sanari qui nolit ,

Quia nolunt, ideò tam multi animo non sanantur.

Vnum hoc , idemque efficientissimum ,

Vt sanari vellent ,

Ægrotantibus animis pharmacum

Præcipiebat Ignatius , & propinabat :

Quantum in illo Deus esset hinc discite .

Curandis animis

Vt se quisquam Galenū vendiderit, & Hyppocratē ,

Huius elementa antidoti

Vnus nouit , & componit Æsculapius , Deus.



MINORESSAE PRAVI AESTIMATORES IGNATIVM  
APPELLANT HYPOCRITAM.



Concauo in specùlo nihil cum fide rer pæsentia-  
rum aspicias : ita illud inuertit stantia, & RE-  
CTA, DISTORQVET. Aliter ne,quàm  
prauè, æstimatores de Ignatio prauì  
ipsi sentirent?

## EPIGRAMMA XXV.

IN PRAVOS AESTIMATORES IGNATII.

*Tota nefas, fomesque mali, sanctum omne profanans,  
 Virtutem improbitas, qua caret ipsa, negat.  
 Maiorem humanis Loyolam, aptumque Tonanti,  
 Vita probat sanctum, liuor at usque negat.  
 Scilicet an calcet gratis humana? superbus  
 Aras ille aximus, dum petit antra, petit.  
 Quid tu liuor edax? tamida nil mente superbis:  
 Vnde probas? aras vertis in antra: probas.*

## ELOGIUM XXV:

Malas habet aures improbitas;  
 Apud quam malè audit, & virtus:  
 Quæ cū tota sit vox, totā habet suauitatē in voce.  
 Malis verò auribus nū habet illa oculos meliores?  
 Sed ipsa iudice sanctimonix gesta,  
 Hoc est lucis opera, tenebræ sunt.  
 Cum suum castigans corpus  
 Non quasi ærem verberans diū pugnet Ignatius,  
 Adhuc leuioribus animis  
 Auram captare videtur:  
 Adhuc ab ignauix fucis  
 Fucum, vel in sanguine suspicantibus  
 Sycophanta creditus, appellatur hyppocrita.  
 Qui

Qui pro solida ipsi virtutē nil darent ,  
Omnia ab Ignatio putant inani dari pro gloria :

Opes, aiunt, opinioni soluit :

Laborum oneribus allaborat honoribus :  
Omnium fugit oculos , vt in ore sit omnium :  
Cultu sordido, gloriæ paludamento lenocinatur :

Perennem laudem esurit longa fames :

Admirationem instant excitare vigilię :

Cōmune demū cū hominibus habere vult nihil,  
Vt credatur esse in communione cum Diuis .

Papæ! quàm probè argutatur improbitas!

Sed , vsque adeò intimè improbi

Nunquam nouere , nisi in cute , Virtutem :

Et cum ipsi se nolint ,

Alios putant erigi ad meliora non posse :

Verùm testimonium par vtrinque Virtuti,

Et cum à laudatis laudatur ,

Et cum improbatur ab improbis .

A quib⁹ nec probari, aut benè velit, aut tutò possit,

Quorum prauitas

Suspicionem possit facere Virtuti non bonam .

Quid iam in Ignatium licet obgannis ?

Audi hoc demum , & rumpere .

Ignatiū ignari tantū improbarūt, aut improbi .

IN



## I N S I G N E X X V I :

MINORESSAE ITEM COGNITA IGNATII NOBILITATE, PRISTINAQVE INTER DELICIAS VITA, IPSIVS VIRTVS IN FAMAM SANCTITATIS ATTOLLITVR.



Confecto iam serico bombycem suo ex ergastulo erumpentem auctum alis an ideò in altum euehit natura volatē QVIA MOLLIA LIQVIT? In sanctitatis famā euect⁹ ab ijs meritò Ignatius est, qui illum Christi causâ domus suæ delicias omnes nouerant reliquisse.

EPI-



## EPIGRAMMA XXVI:

IN FAMAM SANCTITATIS IGNATII.

*Has patria in cautes ? hæc in spelæa penates ?  
 In strata hæc lapidum culcita mollis ijt ?  
 Pædor hic antiqui, maciesque vicaria cultus  
 Horrentem infirmi sædat in ore comam ?  
 Excubie, lacrymæ, ieiunia, verbera, sunt hæc,  
 Sunt ea prisca, sopor, gaudia, mensæ, quies ?  
 Mollia fluxerunt : statuunt iam dura Colossum :  
 Epigraphem inscribat gloria ; Sanctus hic est.*

## ELOGIVM XXVI.

Quæsituri opes

E terris irrumpunt homines, vel ad Inferos ;

Quàm grati sunt Inferi !

Quæsituri homines è Tartaro erūpant in terras,

Porrò si Plutonis diuitiæ sunt, viri diuitiarum

An non feruentium potiatur Pluto virorum,

Qui dominantium est dominus diuitiarum ?

Age iam, &amp; euge Virtus :

Qui ad ipsa vsque Tartara

Opes contemnendo deiiciunt,

Heroas hos in Cælum euehe, vel viuentes :

Nulla non ex parte caducæ illæ sint,

Auidè cum tenentur :

Magnum aliquid, cum dimittūtur, habet æternū,

Con-

Contemptus sui meritum pretiosum.  
 Postquam , & opes fugit ,  
 Et illecebras à se fugauit Ignatius ,  
 Nudisque paupertate iam artibus  
 Calcaria subdidit acutiora poenarum ,  
 Peruagatâ sanctitatis famâ  
 Propositum fortibus  
 Visus est penè comprehendisse brauium ;  
 Qui viribus , & corpore  
 Tàm sæpè inualidus , semianimisq; cū caderet,  
 Erectus ahuc , & animosus ,  
 Ad virtutis metam  
 Tota animi pernecitate currebat .  
 Diuitiarum in molli  
 Rarus adhuc potuit pedem figere non infixus .  
 Duro calle dura virtus incedit ,  
 In quo cum insistendo semel incalluit ,  
 Nullam deinde habet in via moram ,  
 Quando per cænosa quæ declinat, mollia,  
 Via illi planè nulla fit inuia .  
 Porro quid ni supra homines  
 Diuinorum famâ ille feratur ,  
 Qui inter homines  
 Fame non graditur humanorum ?

IN-

## I N S I G N E XXVII.

MORBO LABORANTEM EXTREMO INANIS GLO-  
RIAE TENTATIONIBVS IGNATIVM DAEMON  
AGGREDITVR.



Subiectum in craterem multiplici resiliens Tap-  
su aqua deuoluitur, vt immurmurante cum spu-  
na HABEAT CADENDO TV MOREM Per  
intrectæ vitæ memoriam malus dæmon animū  
leducit Ignatij, vt suarum virtutum gloria tu-  
nentem inani, sic delusum extrema deuoluat in  
ata., EPI.

## EPIGRAMMA XXVII.

IN INANIS GLORIAE TENTATIONES MALO A  
DAEMONE IMMISSAS IGNATIO.

*Singultantem animam suprema Ignatius aura  
Dum trahit, & mortis non procul ora videt  
Daemonis obiectu virtutes respicit, & quæ  
Par Cælo attulerant sortia facta decus.  
Antra, flagella, fames, macies, lacrymaque, precesq.  
Cuncta ibi, quæ sumpsit, quæque reliquit, erant.  
Spectantique, hostis blanda sic voce canebant:  
Euge, io, quantus nomine, quantus eris!  
Non potuit veris, tentauit inanibus hostis:  
Ictus & hic vanus vulnera vera facit.  
Quid Loyola? suæ solidum virtutis in hostis  
Dum clypeum opponit vulnera, vana facit.*

## ELOGIUM XXVII.

Altissimo ex suæ celsitate naturæ Dei Filio  
A suo tentator ortu superbus ausus semel dicere,  
Mitte te deorsum:

Demissioribus ex Christiana humilitate

Hominum filijs

Idem ab initio homicida iterare non desinit,

Attolle te sursum.

Et ille quidem Deo

Cuius solius solidæ omnis potestas est gloriæ;  
Inanem in præcipitio tentauit afflare gloriolam;

De-



Hominibus,

Quorū solidum vnū est fundamētum, humilitas,  
Inani in gloria immane præcipitiū machinatur.

An Acherontis Zoilus,

Solidam in virtutem liuore dum rumpitur,

Rumpere tumore studet inani virtutem?

Hinc porrò sanctiora passim capita,

Vano gloriæ spiritu spiritus nequā afflat, vt inflet.

Morbo laborans extremo,

Capitalem hunc planè ventum

Afflari sibi Ignatius inferno sensit ab Æolo:

Sed importunis afflatibus suū ipse caput eripuit,

Quando, ne de se alta sapiens

Vento quateretur superbiæ in sublimi,

Infra se planè descendit in Tartara.

Igitur corruptæ sordes, & probra naturæ,

Et se in pristina vita respiciens,

Non suo se solū

Sed ipsius planè Luciferi pede calcavit.

Superbi iam hostis, & tume:

En tuos abiectum infra pedes

Inuisum tibi vides Ignatium: quid est super?

Sed quādo illū tibi nō successit efficere gloriosū,

Et hīc, infecta re, tentator abis inglorius.

## I N S I G N E . XXVIII.

SOLA DEI FIDUCIA CONTENTVS EMENDICATAM  
PECVNIAM IN LITTORE NAVIGATVRVS  
ABIICIT IGNATIVS.



Amputatis detónsam ramusculis quis arborem  
miseratur? illa quippe fructuum SPE DIVI-  
TE PAVPER est frondibus: Deo fidens fru-  
ctumque fiduciæ suæ diuinam opem expectans,  
pecuniæ frondes inanes Ignatius contemnit, &  
abijcit:

EPI-

## EPIGRAMMA XXVIII.

IN IGNATIVM PECVNIAM ABIICIENTEM IN  
LITTORE.

*Prodige, pauperies tibi quam mendica parauit  
Tàm modicam, effusam in littore perdis opem?  
Non satis infidum terret te fluctibus æquor,  
Ad breuia allidi nudus ut approperes?  
Sed tamen ipse Deo fretus, non decoquit, inquis;  
Cui pro thesauro est Uberiore Fides.  
Vecto diues iter parat auro? auroque relicto  
Confidens portum à Numine pauper emit.*

## ELOGIUM XXVIII.

Quàm plenus Ignatius est, & plenus Deo,  
In quo locum, ne modicum quidem,  
Mammona iniquitatis inuenit!  
Age nunc: Ignatium qui vehis  
Naulum huic tuo solue nauita viatori.  
Qui pecuniam abiicit emendicatam in littore,  
Seclusis omnibus æris vel tantuli curis,  
Auream certè secum inuehit securitatem.  
Vt tuus caro stet naulus,  
Carior hæc est tua nauigatione securitas.  
Porrò num cautes timeat ille prostrâtes in mari,  
Qui tàm solers in littore  
Tàm latente cavit à scopulo?

Abiecit in arena pecuniam?

Naufragio communi hominum

Dedit Ignatius in tellure naufragium :

In nauium , nauigantiumque pericula

Rarò gratis intumescit Oceanus :

Vel mercem scelerum , vel scelera mercaturæ

Cum inuectis admittens ,

Hoc plerumque pretio naufragiorum artificem

Venalem consuevit habere perfidiam :

Iam verò Carybdim , & Scyllam

Spargat verè aliquis toto mari Neptunus :

Desinent illa protinus esse voracia ,

Cum vacuo in Ignatio viderint

Nihil esse , quod vorent .

Innatent yndis canora monstra, Syrenes :

Suas, licet , habeat sibi ceras Vlysses :

Poterit fanè ille

Crudelem cantus non haurire dulcedinem,

Qui surdum se ad sonum probat esse ,

Vel auri :

Auro non fudit Ignatius?

Nauticam abijce pyxidem gubernator :

Vacua in illius crumena

Tui moderatricem auream inuenies cynosuram:

IN-



## I N S I G N E XXIX.

VARIA INTER PERICVLA PROPE PATAVIVM  
 ANXIVS , AB APPARENTE SIBI CHRISTO  
 DOMINO RECREATVR IGNATIVS.



TOLERATAE PROEMIA NOCTIS

Subiectos in flores matutinus ros depluēs, grātus  
 ijs, & largus suo rependit allapsu TOLERATAE  
 PROEMIA NOCTIS. Varijs Ignatius periculis,  
 noctis, latronum, & viæ prope Patauium cum an-  
 geretur, illum apparens Iesus suauissimè recrea-  
 uit :

## EPIGRAMMA XXIX.

IN IGNATIVM PERICVLIS ANXIVM AB APPAREN-  
TE ILLI CHRISTO DOMINO RECREATVM.

*Aspicias , Ignati , quantus Sol noctis in umbras  
Emicat , utque tibi fit Deus ipse dies ?  
Eſto via licet ignarus , propiùſque latronum  
Inſano graſſans turbine turba fremat .  
Carpe tamen ſecurus iter : non te via fallet ,  
Obuia quando tibi fit via vera Deus .  
Nocte times alta graſſantum examina ? latro  
Non venit ante Deum , ſi venit ante diem .*

## ELOGIVM XXIX.

Age vel infortunio grates , Ignati ;  
Securitatem emiſti periculis .  
Curis anxius cum parturires angorem ,  
Abortum feciſti lætitiæ .  
Intempeſta quamquam nox eſt , meridiare :  
Quando meræ tempeſtate lucis ,  
E' medio umbrarum ſinu ,  
Sereniſſimam in occiduis  
Parit tibi Sol Mundi meridiem :  
Iam , vt omni prorsus aberraris à via ,  
Ieſu ſic inuento ,  
Minus ſanè feceras , ſi non erraſſes :  
Res agens Dei ſolers , ac perurgil

Ani-

Animarum , hoc est, Cæli negotijs  
Nec diù potes indormire , nec noctu :

Pares retulit tibi grates Deus ,

Cuius Sol tanta cum luce

Tuis oculis antelucanus exoritur :

An verò Venalis & Deus est ?

Sed felicitas in illo summa ærumnis venit :

Rerum pretiosissima quàm vili stat pretio!

Et tamen quæ tam facilè sit parabilis

Quæsita semper , tam rarò beatitas inuenitur :

Omnis permanat in homines

Ex vna Dei miseratione felicitas :

Hominum è miserijs

Nascitur miseratio omnis in Deo :

Pro Deo igitur miser esse qui fugit ,

Sui Deum miserentem ille non quærit .

Tu verò viator , Ignati , vacuus ,

Vel coram latrone iam cane .

Lætitiâ certè animo non debes exuere ,

Qui paupertate tam nudus spoliari ultra nō potes!

Tuus est in Cælo thesaurus :

Tu in manibus Iesu es : euasisti .

In tam editum & ærarium , & asylum

Manus appropinquare nequeunt grassatorum?

## I N S I G N E   X X X .

VENETHIS NOCTV SVB PORTICV IACENS, AB AD-  
MONITO DIVINITVS SENATORE IN HOSPITIVM  
EXCIPITVR IGNATIVS.



Quamuis in nube Sol lateat, ab ijs tamen, quæ  
sub illo sunt SENTITVR ET LATENS. Pau-  
peris habitu, vultuque latebat Ignatius :  
eius tamen virtus, vel sic celata, Deo il-  
lam monstrante, se prodidit :



## EPIGRAMMA XXX.

IGNATIVM SVB PORTICV VENETIIS DORMIEN-  
TEM IN HOSPITIUM A VIRO CLARISSIMO  
EXCEPTVM.

*Dum latet, & lucet Loyola, & fulgor ab Umbra,  
Quam patitur, noctis, degener exoritur.  
Sanguine ter clarum intempeſta nocte cubantem  
Excijt Hadriaca Numen in Vrbe Virum.  
Culcita & in molli te nunc ſopor imbuir, inquit,  
Ille meus gelido ſub Ioue membra locat.  
Eripit euigilans ſe protinus ille cubili,  
Loyolamque ſuum quærit in hoſpitiū.  
Sic lucet, Loyola, latens: ſomno excitus ille eſt?  
Attuleras Vigilem Sol nouus ipſe diem:*

## ELOGIVM XXX.

Sapientiam nunc, & vmbatilem, & clamorſam  
In circulis Philoſophi, & ambulatione ſectamini:  
Et in vmbra, ſed noctis: & in porticu, ſed tacente,  
Chriſti Auditor Ignatius  
Sub dio iacens diuinæ Stoæ philoſophiam  
Discit, an docet?  
Sui apud homines Interpretis  
Deus ipſe factus Interpres,  
Clariſſimum ex nobilitate Veneta Senatorem  
Deduxit ad illum, vel atra in nocte diſcipulum:  
Qui & in porticu, & in lapide

Sen:

Sensu tam nullo dormientem vt vidit Ignatium;

Stoicum illum suspicari potuisset,

Nisi quòd non Zenonem aliquem

Suspexit in patientia tanta, sed Christum.

Quantus enim Deus Ignatij exhibat in vultum,

Cuius in cor tantum intrauerat, & tantus Deus!

Num verò miserari debuit Senator Ignatium?

Sed virtute, quam vnicè volebat. plenus,

Nihil propterea mali volens

Omnia tunc apparuit habere, quæ vellet!

Non hoc est esse beatum?

O', & pauperem, & inuidendum!

Iam hìc barbatus dicat ex Lyceo nonnemo,

Lapis super lapidem.

At solidè aliter ædificari non potest.

Hoc proinde lapide super lapidem

Christiana humilitate Virtus

Structuræ suæ posuit in Ignatio fundamentum.

Et hoc Senator demisso suspexit in hospite:

Quando illum supra firmam sanè petram

Tam benè fundatum, aspexit,

Quem suas vt in ædes cum honore deduceret,

Molaris instar lapidis

Àgrè tandem mouere loco vix potuit.

IN-

# INSIGNE XXXI.

91

INVITIS NAVTIS IN CYPRVM NAVIGAT, QVO  
DESTINARAT IGNATIVS.



Vt contraria ventorum flamina concertent in  
flammam, quò minus in Cælum euolet, illam  
VIS NVLLA RETARDAT. Vt impia nau-  
rarum consilia contra Ignatium niterentur, eius  
tamen Sanctissimis aduersari votis minime  
potuere.

EPI.

## EPIGRAMMA XXXI.

IN IGNATIVM INVITIS NAVTIS NAVIGANTEM  
IN CYPRVM .

*In Cyprias Loyola ratem dum dirigit oras,  
Et Cyprio interea deflagrat igne ratis,  
Igne ignes casto impuros extinguere feruet,  
Flammamque mari mergere naufragium:  
Proxima at impellens puppim in desertâ, ferarum,  
Aut famis hunc morsu perdere nauta parat .  
Ventorum aduersis afflatibus obstitit æther,  
Quemque fugit portum nauita, nauis habet.  
Numinis implerat Loyolam spiritus : Una  
Plus multò hæc remis omnibus aura valet .*

## ELOGIVM XXXI.

*Inauspicatò soluis è portu navis ,  
Quæ malè ominosam scelerum mercem vehis :  
Vt æquabile, tutumque sit pelagus ,  
Adhuc scopulis es iniquitatum intuta:  
Vt ferenet Cælum,  
Procellas adhuc scelerum nimbis cies .  
Quin tibi ne spes vlla salutis affulgeat ,  
Vnam quâ in Ignatio habes Cynosurâ, & tabulâ  
Perdita funditus*

Tuum



Tuum moliris perdere seruatores .

Plenis nauigantia sinibus

Vnus in nautarum scelera reffabat Ignatius .

Remis omnibus connitens ad breuia ,

Longum nauigij malum

Vnus idem remora remorabatur Ignatius :

Sed ventum hunc fecundò aduersantem

Dum tota dirarum Æolia nauitæ execrantur ;

Vim illam cum progressu remorantem

Vlteriùs progredi opitulando non ferunt :

Humanæ fidei desertores , & Dei ,

Deserta ferarum in insula

Efferati deferere meditantur Ignatium ;

Tam periculosè semper

Omnis impenditur cura furentibus :

Vt verò furorum maximus , scelus est ,

Sic furentissimus hominum est scelestus :

Verùm perfidiam votorum impiam

Fides elusit , pietasque ventorum :

Nitentibus nequicquam in ventos nautis

Destinatò nauigauit Ignatius :

Et lætari poterat satis nauigio ad Cyprū appulso :

Sed plus satis doluit

Cypri sordibus è nauigio non expulsis :

IN.

## I N S I G N E X X X I I .

SACRA PALAESTINAE LOCA DVM LVSTRAT, INTER  
CHRISTI CRUCIATVVM MONVMENTA DVLCISSI-  
MO PIETATIS SENSV PERFVNDITVR.



Quæ saxosum amat solum oliua , INTER DV-  
RA DVLCESCIT . Per acerba Chri-  
sti cruciatuum monumenta prò quã-  
tum in Palæstina liquidissimæ  
voluptatis , ac dulcedinis  
hausit Ignatius !

EPI-

## EPIGRAMMA XXII.

IN IGNATIVM CAELESTIBVS PERFVSVM DELI-  
CIIS , DVM SACRA PALAESTINAE LOCA  
PERLVSTRAT.

*O mibi amara nimis , nimum quoque dulcis Idume ,  
Que tristi è Domini funere mella liquas .  
Mella sed hæc mortem dura hæc in morte propinant ,  
Inde fruens patior , & patiendo fruor .  
Dulcedo fit amara mibi , fit dulcis amaror ,  
Et mibi amaror amans ut fit amarus amo .  
Sed mibi amara iubes , Iesu , hæc dulcescere : amoris  
Pactus enim dulci est syncope amaror , amor .*

## ELOGIVM XXXII.

Nobilem quisquis artem  
Exercendo discis amandi ,  
Nisi tibi amara dulcescant ,  
Mellitam amoris non expresseris confecturam ;  
Cum patiendi pro Christo votum  
Ignatio penitus abisset in pœnam ,  
Præter votum pœna  
Abiuit illi penitus in voluptatem :  
Sacra inter Palæstinæ loca ,  
Dum in libro vitæ mortis relegit characteres ,  
Barbarisque typis , ex officina Plutonis ,  
Humanissimam hominis Dei membranam  
Litu-

Lituris aspicit vndique deformatam,  
 Ab illo didicit volumine  
 Argumentum omne, & suadelam amoris esse  
 Tàm non molliter viuere, quàm fortiter mori.

Proinde, errata iam, Lector,  
 Quæ terrarum in volumina  
 Hactenus irreperunt, hìc corrige.  
 Index expurgatorius hic est.

Diuinum in hunc Iesu librum intuitus  
 Dedoceberis actutum benè,  
 Quod diù humana legens, & sapiens,  
 Docente Mundo malè didiceras:

Frui scilicet, & pati,  
 Antiquæ bibliothecæ,  
 Hoc est, veteris hominis in codicibus,  
 Legisti hactenus semper antitheta;  
 In noui hominis nomenclatore emendatissimo,  
 Duo hæc ratione inuenies, & experimèto synoni.

Noua lectio, sed probatissima: [ma.  
 Plurimum nempe, vel patiendo fruitur,  
 Qui plurimum patitur, sed amando.  
 Hanc porrò lectionem Ignatius.

Quia tanti facit, intelligit,  
 Quia intelligit, tanti facit:

IN.



## I N S I G N E XXIII.

EX OLIVETO REVERTENS ACERBE A LOCI CVSTO.  
DE ACCEPTVS, CHRISTVM DOMINVM SIBI PRÆ-  
EVNTEM VIDET IGNATIVS.



Iouis satellites , Medicea sidera , quæ prius late-  
bant, optici beneficio tubi patuere VISA  
PER ANGVSTVM. Ab Oliueti Custo-  
de in angustias coniectus Ignatius ,  
Christum sibi apparentem aspexit .

## EPIGRAMMA XXXIII.

IN IGNATIVM AB OLIVETI CVSTODE DV RITER AC-  
CEPTVM, ET AB APPARENTE IESV SVAVITER  
RECREATVM.

*Hic, ubi in astra redux vestigia fixit Iesus,  
Fixerat Ignati lumina longus amor.  
Longus, in obtutu nam quæ sit forma, quis ipse  
Plantarum positus dum pia cura notat,  
Cunctantem increpuit custos, traxitque: sed ipse  
Non aliter tractum spectat ab axe Deum.  
Iam ne oculis ultra Iesu, vestigia seruet:  
Dum patitur, multò plus facit, illa premit.*

## ELOGIVM XXXIII.

Nimirum de Christi vindemia  
Hæc tibi relicta, Ignati, racematio est.  
Palæstinæ vineam frustra non obis,  
Vetus licet illa sit,  
Adhuc tamen est ferax.  
Cruciatuum, & mortis,  
Hoc est, vixæ fellis liberalis olim in Iesum,  
Non est auara nunc  
Labruscæ opprobriorum in Socium:  
Sed insitum oculare nunc vide:  
Suo satori, ac domino vinea in amaritudinē versa,  
Vinitori nunc famulo vertitur in dulcedinem:  
Quan-

Quando syluestri de contumelia vite

Ex oculis apparentis Iesu

Prorumpentem Ignatius vidit

Botrum Cypri planè dulcissimum ,

Quid enim illo dulcius ,

Ex quo dumtaxat viso, tam liquido Cæli nectare,

Tantam Ignatius hausit animo voluptatem ?

Hoc porrò vino ebrius

An non abalienaretur à sensibus ?

Proinde dū in illū bacchanalia lymphatus exercebat

Nec vultum vultuosum ,

Nec manus sensit Custodis immanes .

Quid verò tu , Ignati , explorator intrepide ,

De hac tellure sic perlustrata iam referes ?

Suos ne habitatores solum hoc deuorat ,

In quo nempe vorare tot impia

Ipsa compellitur pietas conuenarum ?

Sed abscissum ad diuini torrentem sanguinis

Dulcissimum voluptatis botrum ,

Tuæ indicem lustrationis , ac testem

In vecte Crucis exprome .

Per ipsa & acerba , & dura ;

Propitiante Pietati Deo ,

Tellus omnis gigantū licet , & monstrorū parēs,

Adhuc amanti fortiter lacte manat , & melle .



## I N S I G N E   X X X V I .

IN MAXIMO FERRARIAE TEMPLO EMENDICATAM  
PECUNIAM IN PAUPERES DISTRIBVIT IGNAT.



Florum inter areolas medium in puteolum a-  
quam Viridarius CONGREGAT , VT  
DISPERDAT . Quam pauper ab alijs  
corrogarat stipem, hanc in pau-  
peres erogavit Ignatius .



## EPIGRAMMA XXXIV.

IN IGNATIVM EMENDICATAM PECVNIAM PAUP-  
RIBVS IN MAXIMO FERRARIAE TEMPLO  
EROGANTEM.

*Exiguam, pauper quam corrogat, erogat idem  
In populi turbas largus egentis, opem.  
Haeret in obtutu Ferraria: scilicet unde  
Arcta crumena est in paupere, larga manus?  
Sunt haec, sunt magnis digna haec miracula Templis,  
Quae Templum attonita maius in Vrbe videt.  
Iam duras occlude fores opulentia: dextram,  
Ad quam confugiat, pauper egentis habet.*

## ELOGIVM XXXIV.

Inepta oneri vera Christi paupertas est :  
Quicquid supra modicum sit, ferre non potest.  
De alieno Ignatius precario victitans,  
De suo alios precatur, vt viuant.  
Vsq̃ue adeò, suo, & modico se se libens exonerat.  
Quid? pauper ille satis est,  
Qui relictis omnibus,  
Ad suam tolerandam vitam rogat, vt corroget?  
Quantò ille pauperior,  
Qui corrogata omnia  
Ad alienam alendam, rogat vt eroget?

Corona circa Ignatiũ fit auida simul , & frequẽs :

Quis, & hunc , & hos pauperes diceret ?

Prodigium hoc tamen vidisti Ferraria ,

Pauperem largientem .

Iam verò quonam singulari se nomine

Diuites vindicabunt à cæteris ,

Si , quod hæctenus opum fuerat , opem ferre ,

In sua sibi inopia commune fecit hoc pauper ?

Sanctus proinde Ignatius audiuit ab omnibus :

Visus nimirum semper

Plus dando , quàm accipiendo lætari ,

Ad Deũ scilicet propiùs accedebat ab homine ,

Cui beatius est dare , quàm accipere .

Quid ? pauperes medicare nõ puduit à tã inope ?

Sed in sanctitate tã diuite ,

Nec censum deesse illi sentire , nec fundum ,

Qui cum tot haberet in numerato virtutes ,

Adhuc stabilia sua , quotquot habebat bona ,

Mutabili nunquam vno fundabat in Deo .

Audite iam, sed procul inuidiã, Cælũ, & Cælites :

In ista diuitum domo , largitatis in gloriam ,

Munificum vobis , dignumque Cælo visum est

Scripsisse pro foribus : Petite , & accipietis :

Ab Ignatio paupere accipiunt , qui nec petunt .

IN-

## I N S I G N E   X X X V .

PRO SPECVLATORE HISPANIS A STATIONIBVS HABITVS, CORAM PRAEFECTO MILITVM, IGNOMINIAE APPETENS, FATVI MORES IMITATVR IGNATIVS.



Incerto actus impetu papyraceus tubus ignem per obliqua circūferens, FVRIT QVIA FERVET. Spiritus feruore succensus, indignatus sibi, quòd imminens probrum meditatus esset effugere, ad accipiendā contumeliam, amentiam simulauit Ignatijs.

## EPIGRAMMA XXXV.

INIGNATIVM IESV APPARENTIS ASPECTV DIGNA-  
TVM, DVM A MILITVM CVSTODIIS INDIGNE,  
VELVT AMENS ACCIPITVR.

*Hoc sapere, Ignati, est? fatuum simulare? sapiisti,  
Si probra, queis inbias desipiendo, voras.  
Non Cyclopæis magis incus duriter antris  
Tunditur, ut fustes in tuat erga sonant.  
Hinc aspernantem famæ te, & dura ferentem  
Audiit, & vidit pronus ab axe Deus.  
Et similem spectans similis spectatur, & ipse,  
Ut tu te possis cernere, fit speculum.  
Lixa time: Loyola subit speculator? in illum  
Quid pecces, Iesus en speculator adest.*

## ELOGIVM XXXV.

Vt errabundi visus est habere vultum Ignatius,  
Speciem stationi prætulit speculatoris.  
Sed quicumque palans errat,  
Illum aliena solum speculari non dixerim:  
Illud affirmare certò non dubitem,  
Aliena solùm qui specularatur, errare.  
Ignatius interim  
In se dumtaxat assuetus inquirere  
Tanquam explorator Præfecto militum  
A cu-



A custodia sistitur agnoscendus :

Et Ignatio quidem tam fordidae notæ ludibrium

Cum maius multò videretur ,

Quàm quod totius vorare posset hiatu virtutis ,

Honestioribus verborum officijs

Contumeliam meditatus est primò redimere :

Brutam deinde meticulosi animi stoliditatem

In hac prudentiæ suæ humanitate redarguens ,

Vt melius sciperet , simulauit insaniam .

Sed in seria scena virtutis ,

Amens in speciem verè vapulauit Ignatius .

Verbis nimirum acribus ,

Dum à Præfecto milites arguuntur , vt stolidi ,

Quippe qui stolidum

Seriò apud se veluti speculatorem arguerent ,

Suam verborum multam

Verberibus sanè multis

Cum scœnore locarunt Ignatio .

Bonus interea negotiator lucra hæc sua

Trapezitæ Dei collocauit in mensa .

Et ille illicò spectans , ac spectatus admisit :

Non hoc est maturos protinus

Ex frenore fructus accipere ?

## I N S I G N E   X X X V I .

ANNOS NATVS TRES, ET TRIGINTA, AD CERTIO-  
REM FRVCTVM SALVTIS ALIENAE PARANDVM,  
PVEROS INTER PRIMA GRAMMATICAE  
ELEMENTA DISCIT IGNATIVS.



Grandiori iam trunco ramusculum quicumque  
inferit, nã ille ad fructum inferit, NON AD  
VMBRAM. Puerilia Grammatices elemen-  
ta in virum iam adultus addiscens, vanas ne  
gloriorum frondes, an solidum salutis alienae  
fructum quærebat Ignatius?

## EPIGRAMMA XX'XVI.

IN IGNATIVM TRICENARIO MAIOREM GRAMMA-  
TICAM CVM PVERIS ADDISCENTEM.

*Disce, rudimenta Ausoniae puerilia linguae  
Disce vir, Ignati, factus amore Puer.  
Hæc disce, & sapienter amans dabis Emmanuelem,  
Quando nobiscum tu dabis esse Deum.  
Omne quin huius Soboles tua nominis, olim  
Grammaticam tradet, tradet & ipsa Deum.  
Quid? latiam solùm tradet linguam Alvarus? Ut sit  
Cum Pueris Deus, hoc inseret Emmanuel.*

## ELOGIUM XXXVI.

Qui pueros inter ut paruulus efficitur,  
Regnum, opinor, Ignatius cæleste vult ingredi.  
Triginta natus annos,  
Litterarum Infans, discit balbutire grāmaticam.  
An librum vitæ cæteris euoluendum,  
Ritè ut ipse prius intelligat,  
Suam incipit euoluere vitam in libris?  
Periculosè quippe docet, qui nō didicit ordinatè.  
Et cum longè aliæ viæ sint hominum, atq; Dei,  
Adhuc diuina, non nisi per humana,  
Fluxu nimirum solito illabuntur.

Scien-

Scientiam, quam in homine Deo suspiciebat,  
 Conſuetum habere ſuſpectam,  
 Pharifæum Mundum eruditurus Ignatius,  
 Litterario ſe ludo volens incluſit,  
 Ne vetus illa, & ſtolidâ admiratio,  
 Quomodo hic litteras ſcit, cum non didicerit?  
 Quemquam vel indocilẽ faceret, vel incredulũ.

Conſilium interea optimum  
 Cum, & ſpes, & ſpecies interuerteret meliorum,  
 Itâ ſe ludi magiſtro tradidit iſtituendum,  
 Vt cui iâ Viro ſeria importunè vellent illudere,  
 Niſi ſatis penſo faceret communi cum Pueris,  
 Cum Pueris veller ſerulam pati communem.  
 Puerile in Ignatio quiſquam hoc reputet?

Virum ſe verè tunc ille probauit,  
 Cum Vir ſerulæ ſe ſubiecit, vt Puer.  
 An verò ex quo tantum virtutis exhibat,  
 Illũ in animũ elementa grãmaticæ nõ intrarèt?  
 Atque hic poſtquam Ignatium non puduit  
 Litterarũ fruſtula ſumere cõminuta cum Pueris,  
 Splendido poſtmodum, & adijciali conuiuiò,  
 Ultrò illi Sapientia omnis  
 Breui ſe tradidit deuorandam.



## INSIGNE XXXVII.

IMPORTUNAS ILLUSTRATIONES MALO A DAEMONE IMMISSAS OBTRVDI SIBI SENTIT, EASQUE REPELLIT IGNATIVS.



Patenti libro impositum accensa cum face candelabrum legenti NON EXPEDIT, DVM IMPEDIT obregedo. Et quæ animû auocarēt à studijs, interiecta malo à Dæmone impedimenta, non collata à Deo munera, importunas repulit illustrationes Ignatius.

EPI.

## EPIGRAMMA XX XVII.

IN IMPORTVNAS ILLVSTRATIONES MALO A DAE-  
MONE INTER STYDIA OBTRVSAS IGNATIO .

*Perdere conuiuas satis Heliogabale non est ,  
Ni specie funus dona ferentis eat ?  
Floribus inclusus mucro est , feritasque timeri ,  
Exitio ut perdat deteriore , negat .  
Grammaticæ Vepres inter , Loyola , quis iste  
Flore voluptatum nimbus in ora pluit ?  
Aspicias , et Stygium sentis in flore Tyrannum ,  
Hoc te , dum mulcet , perdere flore parat .  
Astibus aggreditur ? desperat viribus : offert  
Cur flores ? Vepres nam timet ille tuos .*

## ELOGIUM XXXVII.

*Ità ne verò , sycophanta Tartaree ?  
Quæstionē de re grauissimā facturus in nomine ,  
Vna in voce , verboque verba dabis Ignatio ?  
Amoris nomen nō vis ab illo declinari per casus ,  
Sed per casus omnes illū declinare vis ad amorē :  
Dū amandi verbū nesciat coniugare per tēpora ,  
Tempus omne nouerit amando consumere .  
Hoc est , vt Deū auferas , offers Deum :  
An puerorum illicio , captari dulcibus posse  
Repuerascentem existimas ?*

Tui

Tui proinde poculum amaroris, & odij,  
 Mellita amoris in patera  
 Propinas vltro pincerna veneficus.  
 Grammatices elementa memorię dum mandat,  
 Hoc est, addiscentis pueritię  
 Alimenta dum mandit,  
 Cælestium interiectu cogitationum,  
 Cibo nimirum, & sapientum, & grandium,  
 Mirari cæpit Ignatius  
 Gratis se in Apolline conuiuari tam splendide  
 Sed cum diu studens nihil addisceret,  
 Veri famem ieiunij in mensa sensit umbratili.  
 Euanidis igitur solida ut succederent,  
 Frugalibus splendida permutauit.  
 Grammaticę firmius hæsit, certius ut teneat Deū.  
 Itā suavis amor sæpè decipere,  
 Fortis decipi rarò potest.  
 Et quęsita lenocinatur plerumq; fraudi voluptas,  
 Seruit securitati contempra.  
 Denique dulcia illa bilem Ignatio conciuere:  
 Sed eius vim totam in impostorẽ effudit:  
 Dum, quidquid deceptus hauserat,  
 Eiurando statim euomuit.  
 Disce Lector:  
 Altum ne sapiat, sapere qui vult tutò.

## I N S I G N E X X X V I I I .

OB RESTITVTAM VIRGINVM COENOBIO DISCIPLINAM VAPVLAT A PROCIS IGNATIVS.



Suam incus soliditatem auget validos à Fabris  
 ietus FERENDO, NON FERIENDO. Dū  
 vapulat Ignatius, non impotenter vlciscendo,  
 sed patiēdo fortiter virtutem suam efficit  
 solidiorem.

EPI-



## EPIGRAMMA XXXVIII.

IN IGNATIVM IMPVROS AMATORES , A' QVIBVS  
VAPVLAT , AD DEVM EXEMPLO PATIENTIAE  
CONVERTENTEM .

*Tecta labant , tecta unius , Loyola , pudoris  
Prò quanto impellunt ariete mille proci !  
Nunc suppose humeros , nunc obijce pectus , & una  
Stet fulcro , & vallo te subeunte pudor .  
Ecce ruunt moti dira cum grandine fustes ,  
Totaque in Ignari terga procella tonat .  
Tota tonat , tota in Loyola & detonat , inde  
Fæda lues cecidit fracta , stetitque Pudor .  
Amentum indomitus furor hic resipiscit amantum :  
Fitque ità : sapè alios verbera nostra domant .*


## ELOGIVM XXXVIII.

Murum se sceleri , & arcem  
Obijcere non debebat Ignatius ,  
Nisi sceleratorum vellet verberibus arietari .  
Vehementior nunquam , & ocior  
Assurgat in arma Gradius ,  
Quàm Veneris suæ filio , vel strato in castris ,  
Vel de castris fugato Cupidine .  
Vim tamen hostilem , & verbera  
Nulla sustinent moenia erecta magis , & tuta ,  
Quàm quibus Patientia pro vallo est ,  
Caritas pro structura .

Sacrae pudicitiae labantem arcem ,  
 Excepta verberum grandine  
 Ignatius cadendo suffulsi :  
 Tum hostiles amantium impetus  
 Fractus ipse corpore domuit tolerando  
 Atque ita deiectus , afflictusque solo  
 Caelum integritatis utraque parte  
 Seruauit Virginibus , procis aperuit .  
 Porro Medusæos qui angues  
 In Gorgone gestabant sui liuoris , & odij ,  
 Ut saxea duratum patientia viderunt Ignatium ,  
 Iuuenes ipsi facti planè sunt , admirando , lapides .  
 Quid ? potuit tunc de lapidibus his  
 Suscitare Deus Abrahæ filios ,  
 Quando puriore amplexu Castitatis , & foetu  
 Amentes iuuenes , eiuratis amoribus ,  
 Cum Inferorum luctu  
 Risus Cæli protulit Isaacos :  
 Doluit hic , gemitque lanista Tartareus .  
 An fustuarium Lemurem inuidiâ liuidum  
 Vapulans fecit Ignatius verberonem ?  
 Et nunc neget aliquis viri esse fortis , pati :  
 Sed , in alijs etiam affectuum potentissimum  
 Profanum vincit amorem :

## I N S I G N E X X X I X

SVSPENDIOSVM HOMINEM TAMDIV' A' MORTE  
REVOCAT, QVAMDIV' PER EXPIATA PECCATA  
EIVS ANIMAM SALVTIS, VTI SPES EST, IN LOCO  
CONSTITVAT.



Quem sua stantem in basi obeliscum aspicimus,  
ex alta tellure ERVTVSET ERECTVS est. Ho-  
minem Ignatius, qui in laqueum caput induerat,  
mortis è barathro eruit, vt illum æternam in sa-  
lutem erigeret.



## EPIGRAMMA XXXIX.

IN SVSPENDIOSVM HOMINEM AB IGNATIO  
A' MORTVIS EXCITATVM.

*Indueris laqueum ? sed ius sententia nuper  
Quam ciuile tulit , non capitalis erat  
At pendere libet , quia pendere cogeris aurum ,  
Quo leuis amisso , fit tibi vita grauis .  
Culpa igitur tantum traheret te pondus in Orcum  
Loyola ex Orco sed retrahente redis .  
A' Styge te reuocat : dein ore , manuque Sacerdos  
Absoluit : liber crimine rursus obis .  
Vita grauis tibi nuper erat , quia perdidit aurum :  
Facta tibi mors est , dum dedit astra , leuis .*

## ELOGIUM XXXIX

Postquam lite iam perdita decoctor infelix  
Bonis se vidit omnibus de pauperatum ,  
Omnibus ditandus malis festinat ad Ditem .  
Et viuendi difficultatibus cū vndique vrgeretur ,  
Solutionem iuxta infelicem , & malam ,  
Laqueum excogitauit .  
Argumenti vim malè tentauit  
Insolenti fallacia cauillator eludere :  
Qui suam ne penderet in numerato pecuniam ,  
Pendendo , hominum se se deleuit e numero .

Ità



Ità ære grauis alieno , releuaturus se se

Ipse se sustulit in suspendium.

Ciuilis damna sententiæ

Capitali lucens sua sponte supplicio ,  
Quo haberet in loco mentem ostendit ,

Cuius caput sententia perculit ,

Quæ petebat crumenam .

Hominem verò miseratus Ignatius,

Quem magnis videbat supplicijs

Æterni fore carceris debitorem ,

Apud supremum Iudicem

Caritate locuples vadem obiit pro decoctore .

Nec sponsoris fidem fefellit Deus .

Salutis scœnori tamdiù homini vitæ dedit vsurâ ,

Quamdiù confessione lustrali ,

Et vitam à scelere expiaret , & mortem .

Mētis impos rationes suas quâ malè subduxerat ,

Qui nil reliquum sibi fore cum cerneret ,

Suum inane desperatione tūm supplens,

Apud Plutonem thesauro se malorū impleisset ,

Nisi suspendiosi laqueum expedisset

Ignatianæ funiculus Caritatis .

## I N S I G N E X L.

ARDENTISSIMIS IN PRECIBVS EXCLAMARE PAS-  
SIM AUDITVR IGNATIVS : O' DOMINE SI TE  
HOMINES NOSSENT ;



Cordatus cicadulæ CANTVS AB ÆSTV Solis,  
quo illi pectus incalescit. efficitur. Tàm ex ani-  
mo intimè inter preces exclamat Ignatius, quia  
ab imis præcordijs, ad Solis diuini radios totus,  
dum orat, exæstuat.

EPI.

## EPIGRAMMA XL:

IN IGNATIVM SVAS INTER PRECES EXCLAMAN-  
TEM, O' DOMINE SI TE HOMINES NOSSENT!

O' Domine, ò si homines te nossent! clarus, & ardens  
Loyola ardoris voce loquens ait.  
Non dèr, non ignis obest, non astra Tonantem  
Nosse, nec astrorum carula Templis negant.  
Omnia translucent, transmittunt omnia, nostras  
Et lucès ipsum Numen ad usque ferunt.  
Sed quam supp. suit pedibus natura, profanis  
Nos terram curis in caput efferimus.  
Tellus nos supra, tellus stat opaca: quid ergo?  
Interiecta Deum noscere terra negat.

## ELOGIVM XL.

Leue onus Sanctitatem esse quis neget,  
Quando & corpus in ecstasim à tellure suspensū,  
Ab ipsa leuitatem discens  
Centrum ponderis habet sursum?  
Humo Ignatius relicta, toto corpore ferrur in Cæ.  
Et ne laborem existimes, modulatur. (Iū:  
Quàm porro suaue iugum illud est,  
Quod ferri vel canendo potest?  
O' Domine, inquit, si te homines nossent!  
Tum arbitratus ineffabile

Quid futurum esset inde , reticuit :

Immo & vultu, & toto corpore explicauit :

Ardens quippe , lucensque

Deum, qui ignis est , si nossent homines ,  
Nec ardentem lucem , nec lucentem ardorem

Defuturum ijs fuisse Ignatius loquebatur :

Sed telluris frigidaë filij (lucē:

Adhuc tenebras magis homines amauere , quàm

Qui enim Deum , quem non vident agnoscant ,

Si se ipsos , quos & tractant , ignorant ?

Rursum, vbi Deum

Tàm dissito à terris Cælo eleuatum inueniant ,

Si præter se, aliud in tellure non quærunt ?

Quâquâ in ipso dū & viuim⁹ & mouemur, & su-

Nō longè Deus est ab vno quoq; nostrum, (mus,

Vsq̃ue adeò nec benè nos quærimus ,

Qui nec Deum , qui intra nos est ,

Quærendo nouimus inuenire .

Quantus interim magnes est amor !

Suam vbi vim animo totam affricuit ,

Suum animus secum trahit & corpus.

Sursum cum animo corpus Ignatij fertur orâdo?

Non amat deorsum .



## I N S I G N E X L I .

INFENSUS IGNATIO , QVO DIE ILLVM DIGNVM  
 FLAMMIS APPELLAT , REPENTINO , QVOD SIBI AD-  
 SVI DICTI FIDEM IMPRECATVS ERAT , CREMA  
 TVR INCENDIO ,



Nauim aspicias fatiscentem ad scopulum: in hunc  
 illa cum impetu allidens VERBERE FRACTA  
 SVO est. Suo se maledicto repentinum in ignem  
 egit infensus Ignatio, qui solidam illius virtutem  
 conuicio linguæ tam improbo verberauit.

EPI-

## EPIGRAMMA XLI.

IN HOMINEM IGNATIO INFENSVM REPENTINO  
CREMATVM INCENDIO.

*H à tam feralis festos quis permeat ignes  
Mulciber, ut Dominum flamma inopina cremet?  
Improbis ille, Ignis si non Ignatius, inquit,  
Promeruit, flamma vindice dispaream.  
Sed niveis Lovola esset cum moribus, ignis  
Quamquam erat Ignati in nomine, disperijt.  
Heu miser, Ignati sic tandem in nomine lusus  
Vltima est sacrilegos seria flamma tuos.  
Sit tibi Caucaſeis nomen de rupibus olgens,  
Promeruisse ignem te tua dicta probant.*

## ELOGIVM XLI.

Cui de alijs iudicare sit facile,  
Huic difficillimum sit æstimare se ipsum.  
Pronam scilicet in alios curiositatem  
Nunquam ignorantia nostri supina non sequitur.  
Cum infensus Ignatio  
Tàm illum perperam nosset,  
Quàm nihil ipse se sciret,  
Caput hoc, inquit, igni deuoueo,  
Nisi ignis debetur Ignatio.  
Sed nouerat profectò illum  
Intus, & in cute Vulcanus.

Victi-

Victimam proinde tam grarā sibi, quā debitā  
Eādem, quæ deuota est, die flamma repetijt .

An in homine tam nulla virtute viuido ,  
Quā vitij omnibus arescente ,

Facilem inuenit ignis incendendo materiem ?  
Infelix ! qui supplicio tam funesto , quā iusto ,  
Dum festos ignes alienum accendit in plausum ,  
Ignarus æquē , ac emeritus

Improuisum sibi rogam extruxit in funus .  
Infelix iterum !

Qui & solatio caruit misero pereuntium ,  
Vt nec satum potuerit impurare fortunæ ,

Quando se dumtaxat Iudice ,  
Adhuc & carnifice cremabatur .

Clarissimum interim de Ignatio tulit & flāma  
Quæ dum conuiciantē impium [suffragium:  
Damnāt iustē , cum cremat ,

Audientem pium cōsecrāt sanctē, dum vindicat.  
Time iam , scelus :

Vt alijs nonnunquam possis officere ,  
Nunquam ipsum te planē non conficis .

Secura virtus esto :

Tuta tibi profectō sunt omnia ,  
Quando nihil est scelerei non timendum .



## I N S I G N E XLII.

A' QVO PECVNIA SPOLIATVS FVERAT, AEGRO-  
TANTI IMPLORATVS AB EO ADEST, AC  
MEDETVR IGNATIUS.



Inclusum cortici suo balsamum per eius incisuram effundens salubris Arbor NVDATA MEDET VR. Quàm veram sanctimoniam bonus Christi odor olet Ignatius, qui, à quo pecunia spoliatus fuerat, ad eum, ut ægrotantem curet, imploratus appropere!

EPI



## EPIGRAMMA XLII.

IN IGNATIVUM INGRATO SODALI, A' QVO PECV-  
NIA SPOLIATUS FVERAT, AEGROTANTI  
MEDENTEM.

*Passus ab ingrato furtum Loyola Sodali  
Ferre aegrotanti prae pes adurget opem.  
Vnio sic fluidus, rosa sic consumpta medetur,  
Vomere sic frugem scissa rependit humus.  
Fur exposcit opem: spoliatus praestat: amorem  
Demere nec tantum dempta crumena potest.  
Magnus es, Ignati, praestas qui hac munera furi:  
Maior es, à te quòd fur tuus illa petit.*

## ELOGIUM XLII.

Opem fur ab Ignatio, quem spoliavit, efflagitat  
Tacere ille de morbo, quo correptus est, potuit:  
Quæ aegrotanti vel insaniam attulit,  
Vel abstulit memoriam,  
Febrim illam acutam esse quis nesciat?  
An verò compos ille sit mentis,  
Qui, quem furto inopem effecerit,  
Ab eo fur opem expostulet?  
Sed raptorì pecuniæ quid famam ipse suffuror,  
Dum ratiocinando sic perperam  
Benè factum ex merito non interpretor?  
Furis animo furoris vim morbus eripuit:  
Cum

Qui cū intellectu reddidit resipiscenti memoriā.

Proinde acutior Caritatis febris

Dudum Ignatium exæstuarē cum meminit,  
 Illa, cum sapiente phrenesi, censuit ipse benè  
 Nullam constare iniuriarum posse memoriā.

Et Ignatius quidem

Cum perægrè à morbo adhuc haberet,  
 Ad ægrotatē, valida caritate, protect<sup>9</sup> est peregrè.

Oppressus à furto miserè,  
 Ad furis releuandas misérias festinauit.

Vsque adeò

Nec viaticum ynquam, nec vires defunt amanti.

Te verò, quando pro furto fecisti iam satis,  
 Tui fur, sceleris plena manu largus absoluo.

Nihil iam vltra restituere teneris Ignatio,

Qui eius virtutis opinione tam rara,  
 Plus illi multò, quàm pecuniæ furari potueris,  
 Boni nominis elargiris.

Quanta interim opulentia Caritatis illa est,  
 Quæ in suarum iactura rerum detrimēta nō sēt?

An verò detrimenta Caritas sentit Ignatij,

Qui raptâ sibi pecuniâ,  
 A' raptore rapi finit & se se?

## INSIGNE XLIII.

IUVENEM AMORE LUDI CAPTVM , AD LVDEN-  
DVM AB EO INVITATVS, ET VICTOR AD MELIOREM  
FRVGEM TRAHIT IGNATIUS.



Viridium illicio ducta , visco hæret auicula SV-  
IS CAPTA DELICIIS. Iuuenem Ignatius trudi-  
culis ludere cum voluptate consuetum , ignarus  
ipse ludi vicit , illumque spiritalibus suis medi-  
tationibus exercitum , à Mundi ludis meliorem  
docuit referre victoriam .

EPI.



## EPIGRAMMA XLIII.

IN IGNATIVM OCCASIONE LVDI SIBI AD EAM  
DIEM IGNOTI NOBILEM IVVENEM AD ME-  
LIORA TRAHENTEM.

*Res est quandoque & ludus non ludicra: nostis  
Seria vos etiam ludere, tridiculi.*

*Loyolam Iuuenis dum certat vinceye, sentit  
Arte suos pelli dexteriore globos.*

*Sponsum ergo obsequium victori praestat; & omnis  
Formandæ in vitæ seriæ ludus abit.*

*Inde voluptatum subiit fuga; laudis, bonorum,  
Mundi contemptus clarior inde fuit.*

*Et noua, Loyola, huic ludo est tua dextera? quæ scit  
Totum Orbem globulis trudere, dextra noua est?*

## ELOGIVM XLIII.

*Interitum aucupio vanitatis Iuuenem*

*Obsequio veritatis vt manciper,*

*Seriâ meditans, aggreditur ludum Ignatius.*

*Et nouus ipse cum veterano concertans*

*Conditionem non veritus est deteriozem,*

*Qui animo luderet meliori.*

*Opum proinde pauper, cum quid spódeat de suo*

*Ipsum se opuletus virtute paciscitur. (nō habeat,*

*Tūc spósiōne mutua inter ludētē virūq; cōuenit,*

*Vt victori victus octidui præstet obsequium*

*Et*



Et suo felix infortunio

Callidus ille Ignatio cecidit ignaro victoriam.

Aut iusto tractu

Ter medium per annulū prior direxit Ignatius ,

Hoc tunc ipse agebat ,

Vt qui longè aliò , quàm quò debuerat ,

Collineare aberrans institerat ,

Illum recto postmodum vitæ ductu,

Spei bonæ aurea planè fronte

Æternitatis annulum intrare compelleret:

Aut suis erroribus Ignatio reliquit ille victoriam,

Suos inde maioris sanè momenti [res:

Apud victorē hūc deponere ausp̄ icabatur erro-

Victum igitur , octiduo spiritalibus exercitijs

Nobilem Ignatius Gallum instituit :

Et qui sub rerum vanitate, ac se se peribat,

Illum rerum omnium victorem fecit , & sui :

Num verò leue hoc fuit , aut tenue ?

Sed soliditatem mundi homini primò condere ,

Terrarum in Orbe ludenti

Ludus olim Deo fuit , atque deliciæ:

Homini deinde Mundi vanitatem eripere,

Terrarum in Orbe patienti

Auctori eidem sudore fletit , & sanguine.

## I N S I G N E X L I V .

SVMMA HYEME GELIDO MERSVS IN STAGNO IUVENEM AD IMPVROS AMORES PROPERANTEM ARDENTISSIME INCRÉPAT, ET A' MEDITATIS ABSTERRET IGNATIVS.



Accensum inter nubila fulmen, contrarijs inter se se pugnantibus, INTER FRIGIDA FERVET Quid gelidum contulit Ignatio stagnum? Illum nempe, ad perditum insanis amoribus Iuvenem absterrendum, accendit in fulmen.

EPI-

## EPIGRAMMA XLIV.

IN IGNATIVM GELIDO MERSVM IN STAGNO, EX  
EOQVE IUVENEM AB IMPVRIS AMORIBVS  
RETRAHENTEM.

*Ardeat ( Ignatî nescis ? ) orator oportet ,  
Inflammare alios si velit eloquio .  
Tu tamen è stagno gelidus glacianti peroras ,  
Teque illinc alios urere posse putas .  
At potes ; infami Iuvenem quando igne calentem  
Accendi casto protinus igne iubes .  
Frigida sint igitur de stagno membra ; loquentis  
Cor flagrasse , Venus frigida facta probat .  
Credo , recepturus totum sub corde calorem ,  
Extima debueras cingere membra gelu .*

## ELOGIVM XLIV.

Piscatorem hominum  
Inficiare iam te , si potes , Ignati .  
Qui nimirum aquas  
Et noctu , & hyeme algentes ingressus ,  
Vel ipsis amoris perditî hærentem in cassibus ,  
Iuvenem currere consuetum ad dulcia ,  
Adhuc tuorum capis illicio tormentorum .  
Neque illum eripere tibi potuit  
Infantiæ suæ aut altum , aut imum :  
Subiturus nempe & illuc in prædam

Piscator simillimus pisci , merfariis .  
 Quid verò Iuueni immerfisse te profuit ?

Emerfit :

Quid illius ardori te sic alfisse ?

Refrixit .

Stimulos, quibus ille fodiebatur , carnis  
 In duratæ clypeo patientiæ retudisti .  
 Auram illius animo iam pereunti vitalem  
 Media de glacie , de finu mortis afflasti .

Tàm cœcum

Nox potuit illuminare tàm alta :

Tàm perditum ,

Tàm propè , Ignati , pereundo feruasti .

Et increpante te altiùs

Occupatis iam auribus non cerâ , sed tonitru ,

Suam vltra non audiit ille Syrenem .

Agite nunc , & Delphinum hunc melius ,

Ignatium nempe, vos inter, astra, recipite .

Praui amoris, hoc est, sui crudelitate remigis

Ad cædem amens ille petebatur in iugulo :

Vt de fuorum affectuum infania

Nouo dithyrambo caneret epinicium ,

Suo hunc penè dorso exceptum Ignatius

Gratum Deo munus seruauit Arionem .

IN-



## INSIGNE XLV:

ARTE, AC DEXTERITATE PERQVAM SVAVI MVLTOS AMORE VIRTVTIS, AC VITAE SEVERIORIS OBLECTAT IGNATIVS.



Artificioſo notarū nexu, cū modulamur duriūs, PER DVRIORA DVLCIOR concentus efficitur. Sanctitatis harmoniam ſic modulabatur Ignatius, vt in illa quæ aeciderent duriora, dulciſſima ijs, quos ipſe inſtituebat, efficeret. Canendæ porrò muſicæ verba lemmatis aptabuntur.

## EPIGRAMMA XLV.

INIGNATIVUM SVAVI DEXTERITATE AD VITAE SE-  
VERIORIS AMPLEXVM ALIOS ALLICIENTEM.

*Humani, Circeæ iubent medicamina, vultus  
Cedite, & in fœdas protinus ite feras.  
Monſtroſi, Loyola iubet, diſcedite mores:  
Viuat & humanus, qui fera vixit, homo.  
Vt iuſſere ambo, euenere: veneficus inde  
Dictus hic eſt, Circe ecû maga vera fuit.  
Quis neget eſſe homines igitur portenta, ferasque,  
Si Magus eſt, homines qui verat eſſe feras?*

## ELOGIVM XLV.

*Suaue, Pietas, nomen, & blandum;  
Rarò tamen à crudelitate non incipit:  
Eſſe propterea pium in Deum, ac fœuû in ſe ſe;  
Non res eſt diuerſa, ſed formula:  
Neminem fanè Deo parentem inuenias,  
Qui fortiter non imperet ſibi;  
Neminem imperantem ſibi,  
Qui duriter ſe ſe non domet:  
Magnos nimirum itura virtus in hoſtes,  
Ne à tergo ſibi latronum relinquat inſidias;  
Suum incipit fœuire primû n in terguſ.  
Scabram verò ſuâ iam corruptelâ naturam  
Ad*

Ad integritatis læuorem

Non nisi per ictus , & incisuras expolias :

An prima semper incrementa

Fiunt in virtute, demendo ?

Demere verò sine vulnere quis nam possit ?

Dulce tamen discite prodigium.

Suâ Pietas manu dum premit,

Ex acerbitate ipsa pœnarum

Dulcedo voluptatis exprimitur .

Flagra licet in artus tonent,

Sanguis è membris pluat ,

Adhuc supra & tonitrus , & procellas ,

Olympo serenante animi, innube Cælû frõtis est.

Dura iam , & aspera vltro sumite , & amate

In amplexu virtutis ,

Ignatio scilicet

Commouente vos , & commutante , cardiaci .

Cum pium nihil sit , & non calidum ,

Quæ sine pietate sunt amara, dum frigent,

Amoris ad ignem calefacta dulcescunt.

Actium vt sit verbum , res est, amare, passiuæ;

Agere nihil otiando se reputer,

Quisquis, verè cum cæpit amare ,

Non amat pati .

## I N S I G N E X L V I :

SVIS E' PRIMIS SOCIIS ALIQVOT AD SE PETRI  
FABRI OPERA TRAHIT IGNATIVS,



NON SINE FABRI SPIRITV vitra formantur  
ad ignem . Vt instituti sui Socios , vasa  
electionis Christo conficeret , suo  
Igni spiritum , operamque Pe-  
tri Fabri adiecit Ignatius.

EPI-



## EPIGRAMMA XLVI:

IN PETRVM FABRVM PRIMVM IGNATII SOCIVM.

*Nomen ab Igne Parens flagrando, & prima Parentis  
 Se Fabrum soboles adificando probat.  
 Hinc Structura suum fert à pietate calorem,  
 Fert & Structuram de pietate calor.  
 Væ tibi perfidia: hic Faber hoc te destruit Igne:  
 Te hic Ignis Fabro hoc extruct, euge Fides.  
 Sed Faber aut condât, vel destruat Ignis; Uterque  
 Pro Roma, & Calo quid facit? adificat.*

## ELOGIVM XLVI:


*Nouæ domus, compaginandæ moli  
 An non calcem parari iam autumem,  
 Quando in Ignatium Petrus incidit,  
 Hoc est cecidit in Ignem Petra?  
 Et quidem viua,  
 Quæ scilicet diuino viæ spiritu agebatur?  
 Et hoc vel glutino, vel cæmento  
 Strues Loyolæi ordinis primò coaluit:  
 Quin hoc vno in Primogenito  
 Magnum & opus Ignatius sortitus, & operam,  
 Vt, quod meditabatur, extrueret,  
 Petram simul inuenit, & Fabrum.*

Hic

Hic porrò Petrus ille Faber est ,  
 De quo breue Ignatius cecinit ,  
 Sed grande præconium :  
 Faber inquit , omnia ædificat , destruit nihil.  
 Et rimatus altè Fundator prudens ,  
 Quid Petrus in se potius haberet ,  
 Quàm Faber in suis ,  
 Solidæ vt illum mentis agnouit ,  
 Contempto natalium , quo carebat , ornatu ,  
 Aptissimum suo censuit fundamento .  
 Quamquam ornatus illi petræ non decrat ,  
 Quam omnium anaglypto virtutum  
 Suo in primis cælo Câritas figurauit .  
 An verò opus erat in illa vulgare ,  
 Circa quam magnorum sanè Artificum ,  
 Cum admiratione factus est ætus ,  
 Quando è primis etiam Socijs aliquot ,  
 Petri huius Fabri operâ ad se traxit Ignatius ?  
 Et primogenitus hæreditatē Patris vel viuētis a-  
 Qui tã penitus eius in se virtutes expressit , (diuit ,  
 Quàm omnium , & proximus , & primus accepit .  
 Lector: Gloriam Parens hic profundit in Filium ?  
 Gloriam hic Filius refundit in Patrem .

# INSIGNE XLVII.

DECEM PATRIBVS, QVORVM PRIMVS FVIT IGNA-  
TIVS, SOCIETAS IESV PRIMO COALESCIT.



In arithmetica EX figurarum 1, & 0, CO-  
NIVNCTIONE PERFECTIO numeri  
coalescit. Primi Socij in tantum vir-  
tutis perfectæ creuerunt, quia v-  
nū in Societatis corpus coniun.  
ctis animis coaluere.

EPI-

## EPIGRAMMA XLVII.

IN PRIMOS DECEM SOCIETATIS IESU PATRES.

*Nil recti toto Mundi stat in orbe, rotundo,  
 Ni nota recta praeit, quid sit ab orbe? nihil.  
 Nimirum toto quid sit, nisi crimen in orbe?  
 Hoc Unum infelix, hoc sit in orbe nihil.  
 Hoc, mala dispungens Ignatius omnia, certus  
 In bona virtutum vertere cuncta nihil,  
 Consilij socios dum deligit, ante rotundum  
 Rectam orbem adnumerans prae notat ipse notam.  
 Disce, hieroglyphico Soboles quo constet Iesu;  
 Perfecto est numero condita? perficiet.*

## ELOGIUM XLVII.

Elogiū Heroi maximū, quod breuissimū, Nomē:

Accipite sic vestrum

Primi Societatis Parentes elogium.

Laude tantū digna gessistis?

Nominabo vos igitur, &amp; laudabo.

Franciscus Xauerus, miraculorum Parens,

Quantum Parentis miraculum fuit Ignatij!

Nomen Petrus Faber impleuit,

Tām solidæ in se Petra virtutis,

Quām Faber in alijs ædificandis excellens.

Iacobum Lainium Sapientia clarauit, &amp; Virtus:

Quos



Quot illum hinc Vrbes, quot Sacra Cœcilia demi-  
Quati fecere Simonē Rodericiū Lusitani! (ratur !

Ex ipso nimirum , atque Xauperio  
Apud illos Apostoli nomē in Socios permanuit;  
Alphonsum Salmetonem

Plus ne tot scripta ab ipso volumina,

An magna pars Orbis

Ipsius gestis inscripta deprædicant ?

Claudij Iaij præconium esto Rex Ferdinandus ;

Quem ille suspexit

Sacras Infulas æquè promeritum, & recusantem;

Quid Ioanni Codurio sit præclarius ,

Quam quòd ipsius animam vix extincti

Cælo receptam vidit Ignatius ?

Paschasius Brœtus an supra hominem erat ;

Qui ab Ignatio

Angeli in Societate nomen accepit ?

Nicolai denique Bobadillæ

Strenuos pro re Christiana labores ,

Lauretana Virgo suam morientis ad Ædem

Extremâ pietatis in se laureâ coronauit :

Primis hisce Societatis membris

Caput fuit Ignatius .

Quantis in membris , quantum caput !

IN-

## INSIGNE XLVIII.

IGNATIVS CVM COLLECTIS SOCIIS VOTO SE AD  
PROCVRANDAM ANIMARVM SALVTEM  
OBSTRINGIT.



Vistorium Speculum radios Solis omnes vnum  
in punctum COGIT VT CREMET. Ad  
Orbem totum diuino spiritu incen-  
dendum, ardentem in se, socijs  
que virtutem obstrictam  
voto còegit Ignatius.

## EPIGRAMMA XLVIII.

IN IGNATIVM VOTO SE CVM SOCIIS AD PROCV-  
RANDAM ANIMARVM SALVTEM  
OBSTRINGENTEM.

*Non patera humanum circumtulit atra cruorem ,  
Vt coniurantum fœdera potus alat .  
Nec sibi iam Puero iuratum excindere Romam  
Effracta Pœnus durior Alpe probat .  
Pro Cælo Ignati iurat , coniurat in Orcum ,  
Non poto , effuso sanguine , lecta cohors .  
Alpe tua obduresce nefas : patiëre domantem :  
Pœna tibi hic Ignis , hic tibi Pœnus erit .*

## ELOGIVM XLVIII.

Quantus adolescens is fuit ,  
Qui sua morte Manes placaturus immanes ,  
Tantum Romæ telluris hiatum  
In illum ruens se se vnus impleuit !  
Curtius hic est Romanus Eques ,  
Cuius nomen vorare tempora  
Nec potuere , nec poterunt :  
Quando in hac tanta voragine  
Omnes illis cum gutture dentes elisit !  
Sed immortales & famam , & gratias  
Incolumis Roma suo debeat assertori .  
Perenniores Ignatio Mundus debet .  
Nun-

Nuncupato cum Socijs voto ,  
Nisi alienam quærendo

Suam non vult Ignatius inuenire salutem.  
An non hoc est in barathrum ire præcipitem ?  
In tam prisca , immanique scelerum voragine ,  
Cum tam recens in Luthero , & altus

Ad Strygem vsque pateret hiatus ,  
Quantus laborum , malorumque gurgēs [dus!  
Oppleto nunquam, aut fesso erat pectore deuorâ.

Et illum Ignatius , ac Socij deuorarunt .  
Lustra Hæresum interim lustrantes , & Tartara  
Quinâ Leones & Cerberi rãtos Hercules nõ sesc.

Cum elisis, quã rugitibus, quã latratibus, re?

Et spolijs detractis , & extractâ prædâ ,

Securus vt in terris regnaret ,

Vero protulere scilicet pacem Ioui ?

In Ignatio rursum , & Socijs ,

Mutium , Romanamque pubem

Tartareus Poisena

Coniuratos in se norit , & timeat :

Quid in illos possit ipse , vel paret ,

Quibus, dum Mundum vindicent in salutem,  
Malorum vltimum, volorum est primum mori?

Fortitudinẽ manu probauit Mutius patiẽdo?

Et patiẽdo probarunt Iesu Socii , & agendo .



## INSIGNE XLIX.

IN PATRIAM VALETVDINIS CAUSA REVERTENS, MI-  
LITIAE PRIMVM, TVM CLERI OCCVRSV IGNA-  
TIVS EXCIPITVR.



Languentes in nocte flores, auiculasque silentes,  
Aurora cum primùm affulget VNA EXCI-  
TAT OMNES. Ignatij patria tantum virtutis  
Solem oboriri sibi suo in alumno cum vidit, in  
plausum excita, lætabunda prodijt in occursum.

## EPIGRAMMA XLIX:


IGNATIVM MILITIAE, CLERIQUE OCCVRSV, DVM  
IN PATRIAM REDIT, EXCEPTVM.

*Sine sagum, Loyola, tigram siue aspicias, ordo  
Quantus, io, patria, quantus ab Vrbe venit!  
Murorum cinctu haud capiuntur gaudia, plausus  
Obuius inde tibi mœnibus egreditur.  
Et tu, cum tua non caperet te Patria, magno  
Maior Alaxandro manibus exieras.  
Nunc patria à proprio incrementum sumpsit Alumno:  
Scis quantum? quia se non capit, egreditur.*

## ELOGIVM XLIX:

Subsiste, Ignati, & caue:  
Tua te Patria,  
Vel victimam odorata, vel prædam,  
Hinc Sacrorum Ministris,  
Hinc tibi occurrit ordinibus armatorum.  
An potius non te aræ,  
Sed aram tibi admoturi Sacerdotes,  
Castra tibi, non te Castris milites deuoturi,  
Ideò te pro Numine consecrandum putant,  
Quia profana omnia vincere visus sis,  
Cum vnum te tam sanctè potueris expugnare?  
Et calcata olim à te Patria


Meritò nunc te suspicit ,  
 Quæ tuos se aspicit infra pedes ,  
 Quæ verò tanto subsilit motu ,  
 An non persuadet concepisse se spiritum ?  
 Et Ignatij certè spiritum ,  
 Qui ex humilitate  
 Vel infra tellurem latere cum vellet ,  
 Alijs Virtus sic inclusa vim inculit ,  
 Quæ excelsa cum esset , in loco erat ibi non suo.  
 Vno implendæ nunc hospite ,  
 Suis se domesticis domus omnes exhauriunt ,  
 Augustæ virtutis viro locū omnē angustū ratiæ ,  
 Qui , per casus omnes declinatis honoribus ,  
 Adhuc tamē cū tāto veniret nominis incremēto.  
 Perge nunc , Ignati , & ægroto corpori  
 Salubre quære Cælum in Patria .  
 Modicam à Cælo vt capias ,  
 Multam solo dabis natali salutem .  
 Neque animos multo negotio præsens expurges ,  
 Quos absens  
 Tām facilè potueris commouere , vel famâ :





## I N S I G N E L.

CONCIONANTIS IN CAMPO VOX IGNATII, A' CONFERTA PATRIAE SVAE MVLTITVDINE AD TRECENTOS PASSVS AVDITVR.



Explosa murali è tormento glans cum vi festur,  
& impetu IGNE PROCVL MITTENTE.

Diuii Spiritus, quo flagrabat Ignatius ardor,  
& vis, concionantis vocem tam  
procul in aures audientium impellebat.

IN-



## EPIGRAMMA L.

IN IGNATIVM CONCIONANTEM IN CAMPO AD  
CCC. PASSVS AVDITVM.

*Vnde Periclæo tonat ore, & fulgurat? unde  
Fulminat hic, nouus hic Iuppiter eloquij?  
Effusa ad passus audit conferta trecentos  
Turba, et ab orantis tam procul igne calet.  
Scilicet in sola non est facundia lingua,  
Cuncta sed officium membra loquentis habent.  
Ille horrens oris pædor, pudor ille modestus,  
Frons ea virtutis nobilis, eloquium est.  
Rhetorice hæc vera est: vis cominus, eminus omnes  
Verba diserta clement? audiat illa oculus.*

## ELOGIUM L.

Dei Verbo, gladio armatus ancipiti,  
Certam pugnaturus in victoriam  
Patentem prodit in campum Ignatius.  
Tanti auditorium populi nō capiebāt angustia,  
Verius Oratorem:  
Rursum, nec populum,  
Quī magno Spiritu voce implendus orantis,  
Maior ibi non potuisset capī,  
Quò minor intrasset.  
Interim miraculo multitudini fuit,

Vox ad trecentos passus audita :

Prodigium videri maius illi potuit ;

Quòd vocem tunc videret potius , quàm audiret.

Totus vox , totus Echo diuinæ vocis Ignatius ,

Dei Verbum integrum in se certè reddebat ,

Qui plenis integritatis operibus ,

Gratiæ respondens , nihil mutilabat in se se :

An messem futuros

Suos Ignatius colonos eduxit in campum ?

Aspeithiæ certè solum , nunquam aliàs visum est

Adeò vber , & properum ,

Quàm cum , iactò vix semine ,

Matura statim messe

Frugem plerique dedere centesimam .

Cuius planè bonus , & hæres frugi ,

Vnius vix horæ negotio , tam cultis noualibus

Suæ auxit Patriæ patrimonium .

Quæ , ne veluti mobilia vsus attereret ,

In Cælo , hoc est , æterno in fundo

Superum commisso fidei

Firmis ipse precibus stabiliuit in Domino.

In mores iturus alios , aliud in solum abiuerat :

An , mutatis alibi moribus ,

Redit nunc , vt mutet & solum ?

IN-

## I N S I G N E L I.

MALOS SPIRITVS OBSESSIS A' CORPORIBVS SÆPE  
 CRVCIS SIGNO, A' LAVRETANA PATRVN SOCIE-  
 TATIS DOMO, MISSA EPISTOLA FVGAT IGNATIVS.



Tristes, ac inauspicatas volucres, & animantes  
 noctu suo aut volatu, aut excursu Cælum, ac  
 terras infestantes matutinus Sol AFFVL-  
 GET, ET FVGAT. Coram Ignatij Sole  
 infernæ noctis aues, mali spiritus co-  
 gebantur effugere.

## EPIGRAMMA LI.

IN MALOS SPIRITVS AB IGNATIO FVGATOS.

*Siue characteres , signum seu grande salutis:*

*Exprimit Ignati plena Tonante manus ,*

*Stigmatica inferna fugiunt ergastula noctis ,*

*Et chartam , et dextram cedi flagra torta pauent .*

*Dextra subhastauit , proscripsit epistola laruas .*

*Hinc homines illa , hinc deseruere domos .*

*Loyola haud unquam potuit simul esse , lemurque:*

*Inde similtates ergo habuere simul .*

## ELOGIVM LI.

*Vsq̃ue adeò , cruciarie Dæmon ,*

*Tua Ignatius Crux est :*

*Vides illum , & fugis .*

*Stabulatus in hominibus*

*Residem in ijs belluam calcitrosus agebas?*

*Sed pati verbera ab Ignatij scipione consuetus ,*

*Eius nunc manu vel tantùm motâ te commoues:*

*Nimirum aërias Ignatius potestates ,*

*Expresso in aëre Crucis signo ,*

*Armis in ipsarum castra illatis aggreditur ;*

*Tum quæ obsessis in corporibus*

*Solidæ suæ fecerant improbitati præsidia ;*

*Vir-*



Virtute sua solidiore depulsas

Suum redire compulit ad inane : (mitur,  
Vsq̃ue adeò nō vanū ab illo signū Crucis expri-  
Qui suis in membris Crucē Christi circumfere

Neque baculum rotans in spiritus

Aërem dumtaxat is verberat ,

Qui suum antea corpus

Redegit verberibus in seruitutem ?

Iam & Lauretanum Societatis Collegium  
Contubernio suo infestabant , & spectris .

Sed malus Erebi negotiator ,

Qui cum Ignatio ex asse decoxerat ,

Occupatis iniquè bonis

Cedere compulsus est illicò :

Cum datæ ad Socios epistolæ chyrographo ,

Nullâ factâ induciarum veniâ ,

Illum ex ædibus Ignatius iussit excedere ;

Ità qui ambusto verberoni ,

Et Crucis signo ardentia verbera ,

Et Ignis nomine verberantē minabatur ardorē ,

Parenti mortis perditissimo ,

Salutis , & vitæ Filius

Plurimam, cum scripsit Ignatius ,

Dicere illi , & dare potuit calamo calamitatem .

IN.

## INSIGNE LII.

IGNATHI VITA, QVAM, VT MINVS AVSTERAM SOLITARIVS CONTÈMNEBAT, AB APPARENTE ILLI CHRISTO DOMINO, VT SALVTI PROXIMORVM ACCOMMODA COMMENDATVR.



Vt faciliùs feriat, altiùsque, perpolito artificis manu gladio DAT ACIEM LAEVOR. Ignatij vita, & si minus in fronte aspera, vt virtutem in animis proximorum insigat, sua ipsa læuitate altiùs insinuando se penetrat.

EPI-

## EPIGRAMMA LII.

IN IGNATHI VITAM HOMINI SOLITARIO AB APPARENTE ILLI CHRISTO DOMINO COMMENDATAM.

*Quòd neque de Scythica pendentem rupe , sepultum  
Nocte nec horrenda cernis hiantis humi ,  
Loyolam spernis , nemorum vetus incola , Virtus  
Iudice quo tantùm quæ fera , vera quoque est.  
Iudice sed Cælo errasti: Loyola sub illo ,  
Quem spernis , multum parturit ore Deum .  
Quæ nota sit , quæris , Virtutis ? blanda , vel horrens ?  
Non facit illa feras , sed facit illa Deos .*

## ELOGIUM LII.

*Virtutem ne credas ingenuam ,  
Quæ extimo tantùm dignosci possit ex habitu :  
Quacumque illa gradiatur in veste ,  
Cuius semel vsum ceperit ,  
Illi statim conferet honestatem :  
Diuina res est , quam certè non capit ,  
Qui nesciat omnia posse facere illam , & fieri .  
Ut duris gaudere sit solita ,  
Si qua tractare sit tanti ,  
Ipsius durantur in manu vel mollia :  
Tunc se duriorum etiam probatura ,  
Quando nec inter imbellia enervatur .*


Boni, certè Lycei Philosophus, sed angusti,  
 Solitariam sectam in Erema sectatus,  
 Virtutem, cauernâ tantùm, & asperis,  
 Non Vrbe, ac lenioribus definiebat.  
 Minus proinde vt horrentem aspexit,  
 Vt minus Sanctum despexit Ignatium:  
 Ratusque pronam adeò in alios curam  
 Incuriam sui esse supinam,  
 Conscientiæ fortassis, virtutisque suæ periculo,  
 Illum credidit malè sibi sufficere,  
 Qui tantùm de se alijs impertiret.  
 Sed docente Deo tunc didicit,  
 Spiritus quâdoque fortes sic stare molli sub frõte,  
 Vt mollis animus  
 Duram non rarò cutem effœminat:  
 Iâ verò Puero in senectâ tot sæculorum Mundo,  
 Sanare illum qui velit,  
 Nisi dulcibus oblitum,  
 Pharmacum medicus ne propinet.  
 I nunc, & Ignatij vitam liuor improba;  
 Sed Deus hanc probat.





## INSIGNE LIII.

SOCIUM MORTI PROXIMUM LABORANS IPSE  
FEBRI SANAT AMPLEXV,



Tractorium organum pertenui funiculo lapide  
grandiorem attollit tanta: IN TENVI VIS est  
Ignatium imbecillem fecerat ægritudo: Ea ta-  
men erat ipse virtute, vt grauissimo laboran-  
tem morbo æger erexerit, & sanarit.

EPI.

## EPIGRAMMA LIII.

IGNATIO P. RODERICVM MORTI PROXI.  
MVM AMPLEXV SANANTI.

*Mortis in amplexum properat Rodericus, at illum  
Loyola amplexu mortis ab ungue rapit.  
Auferrī prædam sibi mors in frenduit: Ultra  
Et puduit, prædam quodā rapit inualidus.  
Nempe laborabat febri Loyola, ruentis  
Cum Socij tantum à morte recepit onus.  
Rumpere iam Mors: quid contra te credis in illo  
Debile, si tantum vel febris ipsa valet?*

## ELOGIUM LIII.

Vitæ fructu an vllus est melior?  
Melior igitur nec arbor est vlla,  
Quàm quæ proferat fructum vitæ.  
Dum morbus Socio maturat interitum,  
In Ignatij brachijs præcoci fœtu  
Festinata salus autumnat.  
An quia Christi Crucem  
Suo Ignatius in corpore dum circumfert,  
Mortem vt arceat,  
Hoc habet in Paradiso gratiæ lignum vitæ?  
Et hoc virtutis est contagium, sed salubre;  
Per inualidum febri corpus

Atta-

Attactu suo affricare ægrotanti salutem .  
 Tangi non potest Ignatius , quin ab illo virtus  
 Tanta Deum cum fide tetigit , (excitat  
 In quem tanta cum virtute Deus intrauit .  
 Nemo dat , quod non habet , sit Naturæ  
 Totus Ignatius Gratiæ est ,  
 Qui & hoc dare potest alteri , quod non habet  
 Febri nempe laborans  
 Socium sanat proximè moriturum .  
 Sed , monentem audio Pharisæum ,  
 Medice cura te ipsum :  
 Quæ , cum indiget , à se non incipit ,  
 Perfecta non est , quia non est Caritas ordinata .  
 Apage : statura pusillus es , Pharisæe ,  
 Qui Caritatis non vides ordinem altiorem ;  
 Dum se totum alteri prodigit in salutem ,  
 Ne quærat , quæ sua sunt ,  
 Ità Deus ordinavit in Ignatio Caritatem  
 Qui Parens cum sit , Tunc gisse  
 Relatium se factum ut vidit ,  
 Suum esse totum pertinere putat in alios .  
 Quantum hic ignis valuit Caritatis !  
 Sensus in Socio iam sepultos ,  
 Ut sentirent vitam ,  
 A' veterno mortis excussit .



## I N S I G N E L I V.

BAIVLANS CRUCEM IESVS IGNATIO APPARET,  
EIQVE ROMAE SE FORE PROPITIUM POLLICETVR.



Vestigium Templi aspicias Crucis formà descri-  
ptū: Crux illa Diuos inter in Cælo receptis, hîc a-  
pud nos in terris FASTIGIA SIGNAT HONO-  
RVM. Neq; aliam, nisi Săctitatis, & gloriæ aream  
Ignatio Iesus oblata descripsit in Cruce, quam  
baiulans, illi se Romæ dixit fore propitium:

EPI-



## EPIGRAMMA LIV.

IN APPARENTEM IGNATIO IESVM, EIQVE SE BA-  
IVLATA CRUCE ROMÆ PROPITIUM FORE  
PROMITTENTEM.

*Nempe solacismum Patris Sapientia gestu,  
Cui non concordant edita verba, facit?  
Mollia si sunt verba, Crucem cur gestat Iesus?  
Durus non gestus mollia verba decet.  
Celi an Grammatices non antiquanda figura  
Cruce est, qua Numen, quos amat, alloquitur?  
Gratia enim Celi quæ nam est, & Numinis? Una hæc?  
Omnia pro Cælo, et Numine posse pati.  
Ergo solacismus gestus non vocibus aptus  
Esto: solacismo hoc candida lingua Dei est.*

## ELOGIVM LIV.

Vaticinari de te libet, Ignati:

Crucem quæris:

Nec me fallunt diuinantem auguria.

Apparens tibi Iesus,

Quæ tua sint vota, palam facit:

Crucem humeris gestat,

Et Romæ tibi fore se propitium pollicetur.

Tāto iā fratræ suffragio, an nō securæ spes æbiant?

Te nimirum ut efferat,

Tibi suum gestat Iesus in humeris Principatum.

Porro, quo Deus tuam habet in loco virtutem,  
 Qui vel inter beneficia tibi Crucem adnumerat?

An verò diuinæ litteraturæ  
 Abecedarius adhuc Ignatius est,  
 Qui, dimidium vt facti habeat,  
 Benè profectò iam incipit,  
 Quando bono discendi ordine,  
 Non sine præposita Cruce  
 A simul indigitat, & Ω?

Immò mētis ille potius est magnæ Philosophus,  
 Qui ex profundiore Cæli doctrina

Difficilia captu

Effata hæc sibi propugnanda assumit, & probat.

Diuina non est Virtus, quæ non est fortis.

Virtutem Tolerantia fortem facit.

Denique propitiantis Dei tantum omen

Ruinoso Ignatius capit in Templo:

Metuere de illius perennitate iam posset,

Nisi fundaretur in Cruce.

Ità quicquid, vt recreet, molle Iesu fluxit ex ore,

Hoc, vt perennet, Iesu duratur in humeris.

Gregales in Urbem milites

Admittat semita venientes angustior:

Ignatius regiâ in Capitoliū viâ Crucis inuehitur,

Triumphabit:

IN-

## I N S I G N E L V .

IGNATIVS SE SE CVM SOCIIS SVMMO PONTIFICI AD  
OMNE RELIGIONIS VOVET OBSEQVIVM.



Nuda in tabula , parataq; picturæ , QVÆ FOR-  
MA PLACEBIT , hanc poterit ex libito Pi-  
ctor exprimere . Vt in obsequium Religionis,  
& Fidei se se Ignatius, Socijque deuoeant, Pon-  
tifici summo animis in omnia paratis , ala-  
cribusque se sistunt ,

## EPIGRAMMA LV.

IN IGNATIVUM, ET SOCIOS SUMMO PONTIFICI  
SE SE IN OMNE RELIGIONIS OBSEQUIUM  
DEVOENTES.

*Mitte; Meduseos vis demetat Hæresis angues?  
Vis proturbet humi sana profana Iouis?  
Perfidiaque gelu, et scelerum procul exulet aethus?  
Floreat hinc Pietas? plena sit inde Fides?  
Loyolam, et sobolem Loyolæ, Maxime Mundi,  
Quæ potiora iubes, in loca mitte Parens.  
Tunc te aliquis regnare neget pro Numine: per quam  
Cuncta potes, soboles te probat ista Deum.*

## ELOGIUM LV.

Inficiare si potes prodigium,  
Materiem inueniri facilem, & cælestem.  
Ignatij soboles imbuta Deo tam altè,  
Vt à Caritate Christi  
Illam separare quisquam haud possit,  
An non formam habet in se se cælestem?  
Et adhuc facilis est,  
Quando Molitoris summi Vicario  
Materiam offert se se paratam ad omnia.  
Iam Cælum Philosopho ideò sit incorruptum,  
Quia cum optimam habeat,  
Formam in se aliam nec appetit, nec admittit,



De Cælo enim intra Physicam ,  
De Ignatij sobole disputandum est altiùs .

Supra naturam Virtus est .

Ac nihil appetens , apta omnibus inuenitur .  
Vsq̃ue adeò hac omnium vacuitatè votorum  
Suam approbavit Pontifici capacitatem :  
Minimã iam, Ignati, tuã hanc Sodalitatẽ appella-  
Granum hæc est minimum , sed sinapis :  
Cuius in ramis verè Cæli volucres habitabunt ,  
Quando ipsius inhabitaturi ramos ,  
Ex terrenis cælestia sapientes ,  
Homines mutabuntur in volucres :  
Quàm porrò futurũ acre sit granũ hoc minimũ ,  
Ostendet profectò non semel  
Aduersis ictibus contrita Societas ?  
Lacrymas laceissentibus , sed salutares eliciet ,  
Vt, & qui frigida iam caritatis in hyeme  
Scelera grauiora deuorant , conterantur .  
Denique Ignatij , Sociorumque vota  
Romanus Pontifex , vt impleret ,  
Iis pro Cælo , & Roma  
Omnia & agere dedit , & pati :  
Dixissẽ ex his alterum erat satis !  
Pro Deo enim nemo agit , qui non patiatur ,  
Nemo patitur , qui non agat .

## INSIGNE LVII

PAVLVS TERTIVS LECTO SOCIETATIS INSTITV-  
TO, DIGITVS, INQVIT, DEI EST HIC.



Miram hanc mundi molem intuerere : an non  
structurâ suâ INDICAT AVCTOREM? Di-  
gito Dei scriptas esse Societatis Constitutio-  
nes, postquam eas legit, Paulus Tertius vi-  
cario Diuinitatis oraculo affirmavit.

EPI-

## EPIGRAMMA LVI.

PAVLO TERTIO, LECTO SOCIETATIS INSTITVTO,  
DICENTI, DIGITVS DEI EST HIC.

*Legit ut Ignatij leges Farnesius Orbis  
Paulus Romulea summus in Vrbe Parens,  
Hic, ait ille, Dei est digitus : scripsisse Tonantem  
Forma characterum Numine plena docet :  
Spiritus hanc vnus membranam permeat: vnus,  
Qui hæc scripsit digitus, Spiritus ergo Dei est.  
Quid? nihil hic est Ignati? sed ab æthere leges  
Dictabat Deus, hic amanuensis erat.*

## ELOGIVM LVI.

A secretis nempe cum Deo Paule, communicas,  
Qui scribentis Dei notas intelligis tam furtiuas :  
Immò tam claras ; sed conscio diuinorum :  
Libellum legis legum Ignatij ,  
Et , Digitus , inquis , Dei est hic :  
Surdus iam porrigat aures Mundus :  
Digitum hunc Dei, vt benè possit audire ,  
In aures sibi non detrectet immitti .  
An verò Cæli voluminibus  
Similem , Paule codicem cum videres ,  
Illius artificem  
Non nisi Deum credere potuisti ?

Et verò Poëma Dei Cælum est,  
 Voce tam intenta, vt Dei gloriã semper enarret,  
 Eloquutione tam ornata,  
 Vt totum sit sideribus figuratum .  
 Scriptorem nempe tantum , atque tam clarum,  
 Nec papyrus angustior ,  
 Nec nota decebat obscurior .  
 Quid ? negabit aliquis similem hũc Cælo librũ ?  
 Sed qui Ignatios , qui Xaueros ,  
 Qui tot formabit Heroas ,  
 An non micaturas perpetuò stellas dabit ?  
 Quid si & Cælo liber hic præstat ,  
 Quia præstat Cælum ?  
 Iam verò ex apparentibus notarum sensis  
 Arcanus , Paule , digitus tibi patet Dei .  
 Patentibus olim digitis ,  
 Regem impium notarum sensa latebant .  
 Et inuentus ille minus habens  
 Regnum protinus amisit , & vitam .  
 Cum te in confirmata Societate Iesu  
 Plus satis habentem Deus inuenerit ,  
 An non cum vita tibi  
 Regnum ille firmarit in Cælo ?



## I N S I G N E L V I I .

S. FRANCISCVM XAVERIVM IN INDIAS AB VRBE  
MITTIT IGNATIVS.



Festis ignibus **VNVS NON SVFFICIT** orbis  
quando geminus ita globus aptatur, ut postquam  
alter conflagrauerit, papyraceus tubus ferreo filo  
ad alterum incendendum excurrat. Nostrum hunc  
Solis Occidentis Orbem non satis Ignatio fuit incen-  
dere: Ad Solis Orientis orbem alterum inflammandum  
misit Ignatius ab Urbe Xaverium.

## EPIGRAMMA XXXII.

IGNATIO S. FRANCISCVM XAVERIVM IN INDIAS AB  
VRBE MITTENTI.

*Prodige, Xauerium, Ignati, dum mittis ad Indos,  
Quæ nullo redimas tempore, damna subis.*

*India sed census fiet Romæ: ipse cadentem  
Sol oriens Solem cernens ante cadet.*

*Qui sua dilapidat patrimonia prodigus, cui  
Dura laborantis tempora ducat inops.*

*Tu dans Xauerium, te, Romam, et sidera ditas:  
Fecisti, Ignati prodige, prodigium.*

## ELOGIVM XXI.

*Vt longissima, Xaueri, nauigatio tua sit,  
Adhuc tamen non sufficiunt tantæ siti tot maria.*

*Ærumnarum Oceanum propinante Deo,*

*Quanto ultra sitires ardore,*

*Plura, Domine, plura ingeminans, approbasti,*

*Æthiopem atrum æquè, grauemque*

*Visus tibi es baiulare per somnium:*

*Tàm candida mente inuigilas Deo vel dormiēs:*

*Tàm vera tibi dormiēti Deus immittit & sōnia:*

*Perge iam, & veterum in oras fabularum*

*Nouam institor mercem importa prodigia.*

*Illud interim miraculorum primum esto,*

*Quæ*

Quæ videri possit fabularum esse nouissima :

Rei dumtaxat alienæ causâ ,

Potuisse tantum ab homine nauigari !

Tum, vt ostentum ostento rependerent ,

Quando , ad exhumandum apud Indos aurum ,

Viuus infra tumulos

Xauerius non descendit in Tattara ,

Xauerio tumuli excitata ab Inferis

Victura rursus reddidere cadauera :

Quid ? alterum altero maius

Non putauere Indi prodigium ,

Hominem scilicet tam peregrinum aspicere ,

Et viuis aurum, animam alteram non rapientem ,

Et mortuis cum aura, vitam alteram restituentem :

Iam verò tam multis à te in Cælum inuectis ,

An non Hercules, Xaueri, es ,

Quem Leonis Inferni spoliū tantum insignit ?

At suis subeuntem laboribus

Eoi te Cæli columen diuinus Atlas agnoscit .

Denique Mundum alterum implente Ignatio ,

Necesse fuit in alterum mitti Xauerium .


Vsq̃ue adeò , Parum est Regnum ,

Nec Mundus hos capit duos :



## I N S I G N E L V I I I .

SOCIETATIS IESV PRAEPOSITVS GENERALIS  
ELIGITVR.



In stillatoriæ machinæ fornacula medius ignis  
inclusus dispositis circum vitris SATIS OMNI-  
BVS VNVS est. Ut distillatis sudoribus ipsi se  
in salutem eliquent proximorum, ab vno Ignatij  
igne, quem supremo Magistratui admodum sibi  
medium statuere, Socij omnes calorē accipiunt.

EPI.



## EPIGRAMMA LVIII:

IGNATIO SUMMVM MAGISTRATVM GENERALIS  
PRAEPOSITI DETRECTANTI.

*Es, Loyola, Parens; parens tamen esse laboras:  
Vis longum ut sit onus, vis brevis ut sit honos?  
Nempe alijs, inquit, praeam? Vitaque prioris  
Desicis ad claudum lumina prona pedem.  
Sed caput haud reputas quanto dein robore Virtus  
Imbuit, hinc te alijs posse praeire negas.  
Claudus es? exemplo tamen, imperioque praebis:  
Hac capite, Ignati, sit via, non pedibus.*

## ELOGIUM LVIII:

Maximum Virtuti sapere est, se nescire r  
Mereri proinde ita sciat ingentia,  
Ut vel minima mereri se nesciat. (meretur,  
Nemo certè formam honoris pulcherrimã tam  
Quàm qui materia eius maxime cum sit capax,  
Adhuc tamen illius possit esse non appetens.  
In supremo Societatis Magistratu dicendo  
Cum omnes vni suffragentur Ignatio,  
Vnus omnibus Ignatius refragatur.  
Et Crucem ille quidem,  
Sed non in capitis gestare ambit ornatu,  
Humeros illi forti patientiã consecrauit.  
Fun-

Fundatorem Ordinis cum se sciret ,  
 Infimum sibi, hoc est fundamenti locū optauit:

Sed , qui se ipsum reprobareret lapis ,  
 Hic ab ædificantibus in caput anguli factus est .

Et adhuc suffragijs victus , & argumentis ,  
 Cum causâ extimo caderet Sociorum in foro ,

In intimo animi tribunali

Spiritalem Ignatius appellauit ad Patrem .

Qui ne sibi & ipse tantum honoris imponeret ,

Pristinæ vitæ suas apud illum sordes  
 Generali rursus exhomologesi deposuit .

Vsque adeò quæ diuina sunt intelligens ,  
 Christiana Humilitas , quæ sunt humana, nō per.

Dum tanto Magistratui [cipit .

Suas Ignatius sordes reputat indecoras ,

Tanto illas cum sensu expians ,  
 Non aduertit facere se sibi decorem ex sordibus .

Denique utroque victus in foro ,

Cum quò vlteriùs prouocaret, haud esset ,

Paruit , vt imperaret .

Quam iustè sunt hæc in Ignatium lata suffragia :

Debuisse cogi , probat eligi debuisse .

## INSIGNE LIX:

RELIGIOSAE VITAE VOTIS ROMAE IN D. PAVLI  
 TEMPLO SE SE CVM SOCIIS DEVINCIT IGNATIVS,



Ne inanes in frondes liberiùs arbor duffusa luxu-  
 riet , ligneis retinetur circulis , ijsque fit VIN-  
 CTA FOECVNDIOR. Hoc Religioſæ vitæ vo-  
 ta Ignatio , Socijsque præſtitere ; Ijs devincti  
 cumulationem bonorum fructum operum pro-  
 tulere :

EPI-

## EPIGRAMMA LIX.

IN IGNATIVM RELIGIOSAE VITAE VOTIS IN D. PAULI  
TEMPO SE SE CVM SOCIIS DEVINCIENTEM.

*Disperges cum Sole manus, Loyola, retentas  
Cur in Vincla Volens induis ergo manus?  
Carceris impatiens Amor est, neque longius vsquam,  
Si quo ducit amor tramite, fallit iter.  
At tibi Pauperies tamen, Integritasque Vouetur,  
Acceptaque gradi lege iubentis amas.  
Tum magis à Vinculis raperis pede prapete: fræna  
Hæc in Virtutis tramite calcar habent.*

## ELOGIUM LIX,

Vasa Caritatis: & Sanctimonix tam electa  
Quo melius auspice, quàm electionis Vase,  
Diui Pauli consecrarentur in Templo?  
In Euangelium pacis  
Præparatos pedes vt habeant,  
Vincula sibi vitæ Religiosæ votis innectunt.  
An quia in via virtutis, & Dei  
Magnum iter, & ptoperum,  
Non gradiendo vbique,  
Sed nusquam aberrando conficitur?  
Porro nè quis malè gradiatur, aut deuiet,  
Primæ votorum pedicis habendæ sunt grates:  
Qui



Qui suæ affixos Parenti terræ filios ,  
 Terrenorum mole graues affectuum  
     Meliozem ad Patrem ,  
 Ad Deum homines meditarentur attollere ;  
 Gnari triplicem difficilè rumpi funiculum ,  
 Illum sibi voto triplici compararunt .  
 Iam verò vt tergeminus in nos hostis  
     Armatus pugnet , & fortis ,  
 Nusquā illi irrita sine vulnere iacula magis vo-  
     Quàm vbi diriguntur in nudos : [lant,  
     Immò ne telo sit locus ,  
 Et Paupertas vestes , & Castitas corpus ,  
 Et Obedientia animum, dum vouentur, eripiunt.  
     Tum verò , vt nusquam sit tutus ,  
 Triplicem hostē tergemina vbiq; Virtus inuadit.  
     Auidum Ditem Paupertas in Inferis,  
     Sordidum Leuiathan Castitas in tellure ;  
 Tumidū Luciferū sternit Obediētia, vel in Cælo.  
     Sed vobis omen rursum, Patres, à Paulo .  
     Nomen Iesu coram Gentibus, Regibusque  
     Sine viatico non feretis .  
 Cum vobis, quanta pati oporteat, Deus ostēderit ,  
     Ibitis sanè annonæ tantæ securi ,  
 Cuius nimirum plena horrea inuenietis vbique.

## I N S I G N E L X:

GENERALIS PRAEPOSITVS RENVNCIATVS AD  
 INFIMA STATIM DOMESTICI SERVITII MVNE-  
 RA SE SE DEMITTIT IGNATIVS.



Insignem in excelsitatem postquam lilium ex-  
 creuit , collo tum languido CELSV M RES-  
 PICIT IMA. Ad summum in Societate  
 Magistratum euectus Ignatius , vltro se  
 domi ad ima deiecit officia .

EPI:

## EPIGRAMMA LX.

IN IGNATIVM SVMMO IN MAGISTRATV AD INFI-  
MA DOMESTICI SERVITII MVNERA SE DEMITTEN-  
TEM.

*Iussa suprema tuum, Loyola, est tradere : sed tu  
Iussa ministerij protinus ima capis :  
Nempe, quia imperium tibi detrectare negatum est,  
Pares vel minimo maximus ipse Parens.  
Et lacero lances inter deiectus amictu,  
Tàm vilitu te pendere lance potes.  
Quid reputem? iniuste facis hæc : Loyola; sed inter  
Iura humilis Virtus, ius sapit ista suum.*

## ELOGIVM LX:

Præstare alijs, & sibi constare,  
Quàm sit arduum, vel hinc disce.  
Cælū ipsum in summo naturâ positū, nō fortunâ,  
Adhuc tamen vertigine trepidando laborat.  
Æternum sanè, ac euidens  
Celsioribus aut documentum, aut conuicium,  
Quo intelligant, hæc duo  
Nisi cum insania coire non posse;  
Celsitudinem, & securitatem.  
Nemo proinde attentius oculos demittat ad pe-  
Quàm, in alto qui graditur, [des,  
ubi magnū sēper heret errori, vel paruo periculū.

Humiles habeat oculos Fortunæ superbia,  
 Quā humilē efficere statim possit superbia ocu-  
 Fiducia nempe si qua esse potest excelsis, [lorū.

Illa vel sola esto, vel prima,

Si, dum ab alijs efferuntur,

Non ipsi se efferunt :

Hoc est omnem ad sublimia vim

Ambitiosi non faciunt, sed modesti patiuntur.

Ad Magistratū in Societate summū euectus Igna-

Puerorum in Templo Magister, (tius,

Minimorum minister domi,

Fidei Christianæ illos elementa docebat,

Sodalibus suis parare ab his alimenta discebat.

Et nitorem utrobique curans,

Illic animorum, hinc lancium,

Quām dignus Iesu Sodalis in Templo visus est,

Tām bonus Christi odor fragrauit Ignatius in

An illū humana vnquā cecitas inuenisset, (culina,

Quæ caput omnium

Omnium infra pedes quærere debuisset?

Hic tamen quicumq; aspicit Ignatium, suspicit :

Vsq; adeo alios supra sursum virtus incedit,

Cum graditur, vel deorsum.



## I N S I G N E L X I .

S. FRANCISCVS XAVERIVS FLEXIS GENIBVS AD  
IGNATIVM SCRIBIT EX INDIA.



Oriëntem Solem cetera dum moriuntur astra ,  
suo occasu INCLINATA COLVNT . Cum  
se Xauerius vel animo tātum Ignatio prēsentem  
sisteret , ad illum scribens , tamquam homini ,  
Parentique suo Sāctissimo reuerentiam flexis ge-  
nibus exhibebat .

## EPIGRAMMA LXI.

IN S. FRANCISCVM XAVERIVM FLEXIS GENIBVS  
IGNATIO, SCRIBENTEM EX INDIA.

*Quem tibi tot dirimunt terra, Loyola, tot undæ,  
Te coram hac sistit pagina Xaverium.*

*Scripta genu inflexo est: qualem tibi pagina, quantum  
Inflexo hac sistit poplite Xaverium!*

*Nosce characteres, te sic docuisse Magistrum  
Scribere, plus docet hic, quàm manus ipsa, poples.  
Tantus, tam pronus? cuius sit epistola dextra?  
Inflexo scripta est poplite? Xaverij est.*

## ELOGIVM LXI.

In aras Diuorum, & titulos  
Cæsarum inuade superbia, sed cum metu.  
Quid? adorari simul, & timere non còeunt?

Si cultus ille esset,

Quem, aut adulatio præstat, aut metus?  
Dominum licet populus præsentem adoret,  
Illum non rarò libentiùs, quàm illi litaret.  
Ignatio certè negare quisquã apotheosim haud

Quem viuentem adhuc, [possit,  
Xaverij sanctitas vel ex India consecrauit:  
Minor genibus Mundus est ante Xaverium:  
Xaverius etiam non ante Ignatium,

Illi

Illi dum scribit , minör est genibus :

Quantus ille est , quo tantus est minor !

Hic verò Xauerium ne magis mirer

Cælestis pondere sanctitatis libratum in aere ,

An Christianæ humilitaris hac ecstasi

Inclinatum in genua ?

Sed qui post tam alta prodigia

Tam demissus apparet ,

Post tam demissum

Altiora illius incipiunt apparere prodigia :

Vsque adeò abundas , Xaueri , miraculis :

Cum ex ijs tam multa dispergas in Indos ,

Adhuc suppetūt, quæ mittere possis, & Romam .

Ignatij chyrographum

Sacra inter lyptana

Gestari à te suspensum in pectore ;

Te adoratum ab Indis flexo genu ad Ignatium

Quanto facis ista prodigio ! (scribere,

Et tibi tantum itinerum , & gestorum

Nihil tantæ potuit demissionis atterere ?

Quid ? hoc fuit in Ignatium Xauerij ;

Hoc in Xauerio miraculum fuit Ignatij .



## INSIGNE LXII.

SACRAMENTORVM FREQUENTIA ROMÆ AB IGNA-  
TIO RENOVATA FERVOREM PIETATIS INDVCIT.



Bacchi, Cererisque potus, & esca à brutis DIS-  
CREVERE FERIS HOMINES, qui cū feris an-  
tea & gelidā potabant, & glandibus vescebantur.  
Diuini frequentia epuli, quam Ignatius Romæ  
primū inuexit, feruorem pietatis inducens, ho-  
mines à brutis ferarum moribus vindicauit.

EPI:



## EPIGRAMMA LXII.

IN SACRAMENTORVM FREQUENTIAM ROMAE AB  
IGNATIO RENOVATAM.

*Sancta Ceres, diuina Ceres, atque ubere quamuis  
Promptam manu, nunquam non pretiosa Ceres.  
Annonam Loyola tuam si rursus in Orbem  
Intulit, & larga dideris usque manu,  
Non unquam tu vilis eris, sed sparsa per omnes,  
Conuiuis pretium tu pretiosa feres.  
Languebat Pietas? nempe hoc penuria fecit:  
Quid Cereris fecit copia? conualuit.*

## ELOGIVM LXII

Vitalem necesse est calorem minui,  
Vbi vel nimia sit abstinencia cibi, vel horror;  
Porro frugis diuinæ cibum  
Non nisi Pietatis appetit calor;  
Et hic rursus cibus  
Non nisi calorem appetit Pietatis.  
Vt tam inuenire non sit,  
Qui hunc non sumat, & caleat,  
Quàm qui caleat, & hunc non sumat.  
Veteris proinde malitiæ fermentum abijcere  
Nemo facilius possit, & citius,  
Quàm qui frugi se dederit Eucharistiæ tam bonæ:  
Ne-

Nemo etiam se certiùs approbet  
 Dignum horreis Cæli frumentum ;

Quàm in quo probata satis

Plena Deo inueniatur hæc Ceres .

Vt sibi constent , non impetrabunt homines ;  
 Nisi vino hoc se inebrient virgines germinante.

Pocula Cæli omnia , vel nectaris ,

Tamdiù erunt amara potantibus ,

Quamdiù ab hoc vitis fructu verè dulcissimo  
 Gustare non incipiunt,quàm suavis est Dominus.

Porrò ad hoc Ignatius iuge conuiuium

Sodales acciuit

Pij feruoris inuitamento frequentes .

Inde expiatis animæ sordibus ,

Cum à pastu homines pecudū brutarū horrerēt ,

Splendidè conuiuantibus

Nitorem etiam adiecit in mensa .

Ab Ignatio enim nitere ornatius ,

Ornari nitidiùs & Tempia ceperunt,& aræ.

Hunc Iosephum, sit licet Phærao, Mundus colat :

Voluntaria in fame populi perire ne pergerent ,

Vberis hic vsum dedit annonæ .



# INSIGNE LXIII.

LYTHERIANI RABVLAE DISSEMINATOS IN CON-  
CIONIBVS ERRORES ROMAE DETEGITE OS QVE  
REPELLIT IGNATIVS,



Edita de turri accensa fulgēns lucernā scopulos  
in circumfuso mari prostantes DAT VITARE  
DVM DAT VIDERE. Scopulosam Lutheriani  
affectu doctrinam dum Romę detexit Ignatius,  
illam vt populus cuitaret, effecit.

## EPIGRAMMA LXIII.

IN IGNATIVM LVTHERIANI CONCIONATORIS ER-  
RORES DETEGENTEM, EAQVE PROPTER ININVI-  
DIAM ADDUCTVM.

*Dum Lutheriacus, dente infrendente, Quiritum  
Mordet in attonita Cerberus Vrbe Petrum.  
Approperat, monstri compescat ut ora trifaucis,  
Pro claua, Ignati spiritus, igne domans.  
Inde reluctantis, latebrasque, Umbraeque tenentis  
Perfidæ Romana perculit ora die.  
Inuidia hic contra Loyolam est orta: Tonantis  
Hunc prolem, hæc Iuno, hic Cerberus ergo probant.*

## ELOGIVM LXIII,

Gratis nunquam gratum se præstat scelus.  
Alienam in perniciem  
Sua scænerat nocitura, cum placet.  
Præiuit nimia cum libertate licentia?  
Tyrannidem expecta cum seruitute pedissequa.  
Hæresim porrò nemo facis exhorreat:  
Et auro, & dulci Babilonis hæc mulier  
Malis confusum artibus,  
Venenum impium propinat errorum.  
Et fraudibus illa suis  
Cum diem veritatis extinxerit,  
Tunc scelerum latrocinij adonitur in nocte:  
Dum



Dum Romanus abest ab Vrbe Pastor,  
 E' Lutheri lustris in Christi ouile  
 Romam lupo ingreditur.

Et quidem Religiosæ vultu, habituque familiæ,  
 In ouis pelle ingreditur lupo rapax.

Tum sacris è suggestibus rabula  
 Cum, quæ placerent auribus, loqueretur,  
 Sacerrimis suggestionibus

Persuadere cæperat animis, quæ nocerent.

Rumore interim ad se rei perlato,

Noluit excitare turbas Ignatius.

Adit priuatim ingenuus sycophantam.

Sed, alios dementare qui veller,

Saniora ad resipiscendum

Noluit furens Ignatii audire consilia.

Quin Instructori bono malorum instructor;

Flammam in Ignatium

Communis exciuit inuidiæ. (dicitur.

At innoxium sæper igne adamantina Virtus ingre-

Contra improbus ille scelere iam deprensus,

Vt publici fori se se flammis eriperet,

Aquilonarum plagæ redijt fugitiuus in glaciem.

Quam interim nō mercenarius Petri Ignatius est.

Cuius pro grege ponere sic animam est paratus.

IN-

## INSIGNE LXIV.

EX OBJECTIS FALSO' CRIMINIBVS, MIRABILI RATIO.  
NE ROMÆ IGNATII SANCTITAS APPARET.



Falsam rebus vel minimis magnitudinem microscopium dum affingit, illarum figuræ apparet ignorata VERITAS EX MENDACIO  
Conficta in Ignatium crimina hoc illi profuere; cum de ijs iudicio quæritur, mirabili ratione vera Ignatij Sanctitas apparet.

EPI:

## EPIGRAMMA LXIV.

IN IGNATIVM FALSORVM CRIMINVM ACCERSI-  
TVM, EX IISQVE RATIONE MIRABILI ABSOLVTVM.

*En cui tam crebrò squallens in carcere pædor  
Perfidia infecit facta luente genas .  
Haud unum impostor fidei Minoa, nec una  
Ignemque, & meritam fugit in Vrbe crucem .  
Loyolam agnoscat Mundi arbitra Roma: tot Vrbes  
Quod nequiere, potens obruat ipsa nefas .  
Insimulator, ades: cognoscit Roma; sed ecce  
Roma reum absoluit: Roma tibi imposuit:*

## ELOGIVM LXIV.

*Telluri quandoque profune, & fulmina:  
Quæ sterilis putabatur intacta,  
Aut gemmis, aut auro detectis,  
Scissa vulnere patuit pretiosa.  
Bilinguium inuidorû linguis plusquàm trifulcis  
Romæ fulminatus Ignatius,  
Facto velut in tellure cordis hiatu,  
Thesaurum illicò probitatis ostendit.  
Seù testibus tempus,  
Seù tempori accusationem accómodans,  
Calumniæ telam,  
Quam denso textu implicarat improbitas,  
Por-*

Porrento retexens rariore Deus explicuit .

Ità Ignatij vitæ , morumque

Iudices alibi , Romę testes adhibuit :

Qui ad diuersa quisque negotia cum venissent ,

In hoc omnes ,

Vt cum laude testarētur de Ignatio,conuenere .

Doli cuniculum vbi rimata veritas est ,

Vi astus omnis in auras efflatâ per rimas ,

Plausum fragor ille innocenti edidit, nō ruinam.

Et rumpi tunc debuit liuor ,

Dum constantiam nequijt virtutis effringere.

Sectis ità capitibus, contra obtreçantium virus

Hædemū viperæ in elemētū antidoti trāsierūt .

Tum à quo pestilentiâ velut afflato ,

Calumnia morbosa cum glisceret ,

Horrebant scelerum plerique contagium ,

Perspiciuâ deinde veritate ,


Ab eo sanandis animis

Parauere sibi morborum omnium panaceam.

Tàm prouidè cum virtute Deus agit , & benè :

Ne non sit vbique semper intrepida ,

Tutissima illi conflât , vel ex hoste præsidia.





## I N S I G N E L X V.

IGNATIVS, ET SOCII IN INVIDIAM ADDUCTI, ET  
 LATERE ALIQVAMDIV COACTI, PERSPECTA  
 INNOCENTIA, CVM PLAVSV TANDEM  
 ERVMPVNT.



Quos vimineâ clausos in theca sēpore inclemen-  
 tiori seruamus, POST EXACTAM HYEMEM  
 flores ex illa effracta pandimus erūpētes: Igna-  
 ium, & Socios continuerāt aliquandiū domi ex  
 iuore confictæ calumniæ: Virtutis suæ florem  
 palā deinde exactâ illâ tempestate protulere.

N

EPI-

## EPIGRAMMA LXV.

INIGNATIVUM VNA CUM SOCIIS AB INVIDIAE PRO-  
BRIS CUM GLORIA ERUMPENTEM .

*In tua , liuor edax , vèrtes iam viscera dentes ,  
Loyola irritat cum tibi fama famem .  
Exiit è latebris , & falsas exuit umbras  
Spectatae Virtus cyclade lucis ouans .  
Eripe te Cælo , Stygÿsq; immitte cauernis ,  
Turbatamque fremens nocte repende diem ,  
Immò mane , nullam tibi iam Styga deprecor : omnem  
Loyola sortem videris , hoc satis est .*

## ELOGIUM LXV ,

Time diem , scelus ,  
Tunc maximè , cum opertam tenebris  
Latere compuleris in nocte virtutem .  
Bellua , liuor , immanis , patique manum infueta ,  
Cum tam metueret cicurari , quàm nollet ,  
In quas ipsa conijci debuit ,  
Humanitatis Magistros penè egit in caueas .  
Nil profectò Roma magis præposterè factū vi-  
Quàm cum innocentiae agnis (dit ,  
Obscratae domunculæ inclusis ergastulo ,  
Toto in Urbis theatro  
Calumniantium lupi liberiùs ferocirent .  
Vsq;ue

Vsque adeò arduum est virtuti stare ,  
Cum ab illa ruinam timet improbitas .

Verùm erecta demum virtute

Vitium nunquam stetit .

Nullo licet illa verberare

Scelere compactos Iericunthinos muros arietet ,

Clangente famæ tuba

Illos vel sono virtus euertit .

Iesu Socios , angusta pectora ,

Domus arctant angustiae ?

Time iterum , scelus :

Magnum in te virtute agis arctatâ cuniculum :

Vt illum scintilla vel tantula

Veritatis attigerit ,

Tuarum in te fraudum arces quatiendo disijciet :

Ne presso tellus àèri pondus fiat :

Per excussos ille demum vel montes exiliet :


Supra & àèrem levis ,

Et ignem ardens est Virtus ,

Suum illi , suū hæc sibi locū quærit , & vindicat :

Vt scias , huor , quàm deprimas periculosè virtus

Debitus illi locus , est Cælum . (tem :





## INSIGNE LXVI

COLLEGIUM ROMAE GERMANICAE, ET HUNGARICAE IUVENTVTIS INSTITVIT IGNATIUS.



Dispositis ex arte, firmisque surgens propugnaculis Arx, suum habet A FORMA MVNIMEN: Ut ad Romanam propugnandâ fidem Germanica, & Hungarica Iuventus valeat, Collegium illi Romæ Ignatius optimâ formâ litterarum, & pietatis instituit.

EPI-



## EPIGRAMMA LXVI.

IN GERMANICAE, ET HUNGARICAE IUVENTVTIS  
COLLEGIVM ROMAE AB IGNAT. INSTITVTVM.

*Sparsit Hyperboreis glaciale in montibus Arctoa*

*Canitiem, & pigra torpuit Iſther aqua;*

*Addis caluitium, Caluine; et transfuga Luther;*

*Et centum adiicitis sordida monſtra lutum;*

*Casarea soboles Aquila germana, periculum*

*Romani ad Solis lumina ſume tui.*

*Ne glaciem, aut ſordes habeas, te Ignatius arſit;*

*Hoc tibi ab Igne calor: hoc tibi ab Igne decor.*

## ELOGIVM LXVI.

*Lernæ monſtrum capitale Hydra,*

*Quàm multis te capitibus Hæreſis impiat,*

*Aquilonaris plaga!*

*Hoc interim te portento, ſuo vt expiet Igne;*

*In Germanica, & Hungarica prole.*

*Ad ardua quælibet fortes, & alacres*

*Hercules Ignatius Romæ inſtituit dõmitores.*

*Profunda Iunionius ille Tartara*

*Vius penetrarit in fabulis:*

*Et illuſtris pompâ mendacij*

*Trementem Cerberum*

*Soli potuerit oſtentare pallenti:*

## .I.V.X Verum in historijs

Tuum erit, Iuuentus Germana, præconium,

Quæ non medicatis frugibus offa,

Sed ingenuâ veritate

Tria guttura latrantis impietatis oppleueris.

Immanique porteto, nō sopore strato, sed funere,

Ad inferos ne trahantur,

A' ferali animorum interitu.

Tâm multos vitæ iam afferas, & saluti.

Interim altrice Româ

In hæc portenta virium adulta grandescis:

Ignatij animata calore

Secura vitæ es,

Quæ exculta virtutibus;

Tandiu animorum distas à funere,

Quandiu vitiorum non torpes à frigore.

Litteris etiam, ac disciplinis imbuta

Romanum Cælum, & mores

Sic iam fer tecum, vt transferas:

In hoc enim te Roma educat, edocetque;

Vt hanc demû discas facere de ipsâ metaphorâ:

Nihil enim tuo ex instituto propriè magis effe-

Quâm cum hoc feceris,

(cêris,

Româ: tecum tuas in oras inuectâ translatum.

IN.

## INSIGNE LXVII.

CONSTITVTIONES SOCIETATIS AB IGNATIO SCRIPTAE FREQUENTIBVS DIVINAE TRIADIS, ET DEIPARAE APPARITIONIBVS COMPROBANTVR,



Solis ac Lunæ ALTERNO MVNERE VISA  
tutò via inceditur. Religiosæ. perfectæque vitæ  
semita an non clarè pateret Ignatio qui, de illa  
Constitutiones dum scriberet, & Diuinam Tri-  
dem, & Deiparam Virginem sibi habuit afful-  
gentes?

N 4

EPI.



## EPIGRAMMA LXVII.

IN IGNATIVM SOCIETATIS CONSTITVTIONES FRE-  
 QVENTIBVS DIVINAE TRIADIS, ET DEIPARAE  
 APPARITIONIBVS CONSCRIBENTEM.

*Quàm pleno ( Loyola vides ? ) in lumine Virgo !  
 Quanta tibi rupto fulget ab axe dies !  
 Dignum nocte sua quid vana lucerna Cleanthem ,  
 Doctasque eloquij laudet in arte moras ?  
 Dum scribenda facis , scribis facienda , lucerna  
 Ignati , et Mariae , et Numinis illa probat .  
 Perge Parens : Iesu trahis hae in luce Sodales ?  
 Qui sequitur te non ambulat in tenebris .*

## ELOGIVM LXVII:

Ne Spartam desideret aliquis in Societate  
 Vel Romam ,

Ad propugnandam fidem ,  
 Et pectora Socij pro mœnibus habent ,  
 Et Pietatis cultu Religionis Arcem edificant.

An Legislatore in Ignatio  
 Meliorē fortiti sunt Socij & Licurgū , & Numā ?  
 Et illorum alter fortibus ab Apolline ,  
 Pijs alter legibus ab Aegeria fidem adsciuit :  
 Quid Ignatius ?  
 Augustioribus tantò , quantò & verioribus  
 Vtrumque superavit auspicijs .

Supra



Supra barbaram Spartanorum ,  
 Supra Romanorum impiam ,  
 Piam fortitudinem , fortem Pietatem  
 Suis Ignatius legibus Socijs imperauit .  
 Interim pro tripode Apollinis, Solis diuini Tria.  
 Pro falso Ægeriæ Numine, (dem ,  
 Veram Deiparam coram habuit approbantes :  
 Quid ? suę hypostasim voluntatis  
 Cum Iesu fecit Iesu Societas :

Hinc vnum est vtrique  
 Pium ex equo votum , & forte ,  
 Aliorum in salutem & viuere , & mori .  
 Effectus eiusdem causę sunt eadem ?

Hinc corporibus  
 Iesu , ac Societatis Iesu formandis  
 Deus pariter , ac Deipara conspirarunt .  
 Securo iam animo , constanti & manu  
 Scribe leges , Ignati .

Tuam in istam paginam  
 Quæ nã è terris irrepere vmbra possit erroris ,  
 In quam Parens ipsa Veritatis  
 Tanta se cum luce fundit è Cælo ?  
 An lituram illi quisquã audeat Censor inducere ?  
 Sed scripta hæc omnia Palatij Magister ætherei ,  
 Et Summus idem Pontifex approbauit , Deus :

## EPIGRAMMA LXVIII.

HONORES IN SOCIETATE ABIGNATIO REPELLUNTUR.



Elegantes, proceraeque lauri si vineam ambiant,  
 opportuno ad fructum negato illi Solis aspe-  
 ctu, ORNANT, SED IMPEDIVNT:  
 Consitæ in fructum Societati ne dignitatum  
 honores obessent, illos ab ea exclusit Ignà-  
 tius.

EPI-

## EPIGRAMMA LXIII.

IN HONORES AB IGNATIO IN SOCIE-  
TATE REPVLSOS.

*Seù tumet in Tyrío pretiosum syrma ueneno ,  
Aula uel à Phrygia barbara fulget acu ;  
Seù graue gemmato caput à diademate multum  
Inter adoratum pondus Inanis habet ,  
Esto procul , speciosa oculos non figis honorum  
Vmbra : nec in nostra quæritur umbra die .  
Vrere decretum est Socj's ; nemo efferat ignem .  
Vi flamma vrendi , cum tenet alta , caret .*

## ELOGIVM LXIII.

Nunc verò Insulæ Ignatium accusate superbiæ :  
Crimen diluere certè non poterit ,  
Qui vos, nuncupato etiam voto, nolit admittere.  
Sed illum tamen absolute :  
Cum reuerentia omnis ,  
Velut à longinquo, sit maior ,  
Vt vos colat impensiùs ,  
Aditu vobis in Societatem obstructo ,  
Procul vos decreuit aspicere .  
An verò Societas illa  
Longum syrma trahere possit à tergo ,  
Quæ lesum in fronte gerens,

Ex

Ex instituto debet succincta lumbos incedere ?

Depositura venis sanguinem,

Quid humeris ostrum ambitiosum imponat ?

Quæ verò Societatis ambitio est,

Labores suos

Sanguinis habet, non purpuræ candidatos.

Quem cum omnem exhaustâ vitâ persoluerit,

Tunc vnum illum pileum sumat,

Quo in libertatem asserta filiorum Dei,

Manu vel atrâ mortis

Transcribatur in album cœlestium Purpuratorû.

Porrò Societatem Iesu

Filiam suam, non mercenariam

Pastor hinc Petrus agnoscat :

Vt pro Christi ouibus ponat animam,

Non vt Christi oves denudet in pretium,

Hoc vno diuino affectu Vaticanî seruit imperio,


Quæ humanis affectibus se maior nouerit impe-

Tu verò hic, Sodalis Iesu, te proba : [rare.

Lineamentis huiusce consimilem

Vultum animi si non habeas,

In ingenua sobole te ipsum time degenerem.





## INSIGNE ALXIX.

IGNATIVS SIBI SOCIISQUE TESSERAM FACIT; AD  
MAIOREM DEI GLORIAM.



Planetarum orbibus, qui proprio motu in occasum feruntur ab ortu, inscriptum est, RAPIMVR MAIORE, quia maioris Cæli motu ab occasu rapiuntur in ortum. Sua, & Sociorum vota, Ad maiorem Dei gloriam, motu hoc supra cæteros celsissimo, rapi voluit cælestis impulsu virtutis Ignatius:

EPI.

## EPIGRAMMA LXIX.

IN IGNATII, ET SOCIORVM TESSERAM A.M. D.G.

*Siue molenda Ceres vento est, Operatur in alto,  
 Fortia ventorum quæ mola flabra petit.  
 Siue ingens ratis æquor habet, luviat ire per altum  
 Nec pigra telluris radere littus amat.  
 Siue tenebrarum pelluntur ab Orbe phalanges,  
 A maiore oritur sidere vecta dies.  
 Spargere sic iubar, Ignati sic uela per æquor  
 Tendere, sic Cererem ferre salutis amas.  
 Ergo sola tuum diuina est gloria uotum,  
 Maior & est uotum gloria sola tuum.  
 Esse tibi uanum quis dicat nomen ab Igne?  
 Qui nunquam dicit sufficit, Ignis hic est.*

## ELOGIUM LXIX.

Tàm sanam esuriem, & tantam  
 Non nisi benè valenti exercitatio iugis irritat.  
 Fortia & agens, & patiens  
 Calorem stomacho Ignatius cōcepit immodicū.  
 Parasitator proinde nobilis  
 Immensam dumtaxat ad mensam  
 Maiorem Dei gloriam opsonatur.  
 Porrò fluxere ludibria,  
 Quando Ignatius totus sudat in gloriam,  
 Quam

Quam caducam ne reputes , Dei est ,

Ne vanam , fatagit pro maiore .

Mare iam in Ignatio nosce , vel Solem .

Vt probrosa in ipsum flumina deuoluat inuidia ,

Suum nomen hoc amittent in pelago .

Vt labes illi aspergere conetur improbitas ,

In lucem hoc degenerabunt in Sole .

Et Iesu Societas

Diuinæ gloriæ syncategorema infinitū amplexa ,

Laborum , facinorum

Nec Isthmo territa , nec immensitate perculsa ,

Nullum sibi Herculem ,

Nec ab alio passa est obijci , nec à se se .

Termini proinde tam impatiens , quàm ignara ,

Diuinæ gloriæ facturas vbique basim ,

Suas vltterius propulit columnas , & protulit ,

Gloriosiore dignas epigraphe ,

Quia maiore Dei gloria inscribendas :

Dignum sanè Ignatio votum ,

Quia Ignis celsitate digna superbia :

In Cæli tantum sublimi Ignis ,

Diuinæ solum in summo gloriæ quiescit Ignatius .



IN.



## I N S I G N E L X X .

OBEDIENTIAM PROPRIVM SOCIETATI CHARA-  
CTEREM PACIT IGNATIVS.



Teneriores cum ex arte flores inteximus , eorum  
facili A FLEXV FORMA quævis effingi-  
tur . Ordinis sui Socios in omne Maiorum  
imperium , & nutum non aliter Ignatius pro  
indito Iesu nomine voluit esse flexibiles .



## EPIGRAMMA LXX.

IN OBEDIENTIAM PRO CARACTERE SOCIETATI  
TRADITAM AB ICNATIO.

*Texat equo thoraca Cilix, villosa det Vrsus  
Strata alijs, patriam Caucasus, antra lares.  
Sunt, quibus est pulchrum per Tartara querere Cælum,  
Et quibus æternum vita sepulta mori est.  
Sit Socys, Loyola inquit, parere, character:  
In meriti & grande hæc tessera nomen eat.  
Victor habet palmas, qui paret, & imperat astris:  
Parere imperijs, imperium parere est.*

## ELOGIVM LXX.

*Cum Cæli, & via, & ianua sint angustæ,  
Citiùs vtramque, ac certius  
Nemo possit inuenire, quam cæcus:  
Sed qui suis quidem pedibus  
Oculis tamen ambulet alienis.  
Sphyn gem dedi, & Oedipum dabo?  
Vir obediens hic est:  
Qui membrum cum sit Christi, non monstrum,  
Oculos suo tantum habere debet in Capite.  
Ita quod illi, aut dirigendo vident,  
Aut indicant imperando,  
Cæcus ipse sequitur diligendo facilis,  
O Pa-*

Parendo fortis exequitur ?

Quid ? militia est vita hominis ?

Vt Ordinis sui militia obediens

Victorias loqui posset in Cœlo ,

Militarem illi Obedientiam

Ignatius imperavit in terris .

Profanæ olim accensus amore militiæ .

Militiam postea diuini amoris instituens ,

Hostem illi non mentem mutauit armorum .

Filios proinde lucis in Principē instruēs tenebra-

Sua vt tela certos semper in ictus dirigant; (rū,

Illos Obedientiâ prorsus excœcat :

Porrò si iubentis in capite

Noster oculus Christus est ,

Quàm nobis totum corpus lucidum erit ;

Quorum oculus nequam esse non potest !

Denique cum æquè monstruosum sit,

Aut truncum , membra omnia sine capite ,

Aut hydram, omnibus habere caput in membris,

Suum Ordinē, formæ corpus præstâtis, vt faceret,

Membris omnibus vnum caput imposuit .

Factus est obediens ad vsque mortem Iesus :

Vitæ nostræ factus est , obedire , character :

An Iesu non sit socius , qui Iesu sit similis ?

IN-

## I N S I G N E LXXI.

CATHECHISMI PVERIS TRADENDI MOREM INSTI-  
TUIT IGNATIVS.



Suis in nido pullis mater auicula apta deferens  
alimenta, **MOLLITA DAT TENERIS.** A-  
lendis, imbuendisque Christiana pietate Pue-  
ris, fidei nostræ elementa in Cathéchismi  
tradendi forma, eius moris Ignatius institutor emollijt.

## EPIGRAMMA LXXI.

IN CATHECHISMI PVERIS TRADENDI MOREM AB  
IGNATIO INSTITVTVM.

*Nempe rudimentum linguis infantibus hoc est,  
Quod nullo euoluent sine Lycea satis?  
Aetheris arcanum, Triademque, hominemq; Tonantem  
Infanti infandum hoc audeat ore Puer?  
Balbutire Deum scis infans lingua? diserta es:  
Altior hac Unquam non tibi gymnas erit.  
Eloquū sileas tua numina, Roma: disertas  
Infantum linguas qui facit, hic Deus est.*

## ELOGIVM LXXI.

*In hoc tenui, sed non tenui cum gloria  
Magnus sudauit primò labor Ignatij:  
Vt odorem diu,  
Quo semel imbuta fuerit seruatura,  
Benè pueritia imbuatur.  
Iesu proinde pigmentarius  
Puerorum in vascula  
Diuini nominis oleum,  
Hoc est, Christianæ balsamum pietatis infudit.  
Ipso statim initio, suo de fine  
Aetutulam rudem noluit ignorare.  
Vsq; adeò illam sapere docuit ante, quàm scire,  
Iam*



Iam verò qui, ad se vt venirèt, paruulos inuitaret,  
Christum vicissim

Libenter venire ratus ad paruulos,

Per fidei & documenta, & opera

Simul Christum ad Pueros,

Simul Pueros deducebat ad Christum.

Ituris naturæ prauitate in obliquum stirpibus,

Ne in dirigendis adultis

Labor olim conaretur inanis,

Teneris adhuc, regulâ vitæ morûq. rectâ applicuit.

Iam verò Gentium auctore Magistro,

Opera quæ nesciat, mortua Fides est;

Ergo viuere Christum in illo quis credat,

Qui & Christi Fidem, qua credat, ignorat?

Mammilla Regum hæc est:

Huius concupiscite lac, Infantes!

Quo benè quisquis alitur,

Ne cum terræ filijs volutetur in fordibus,

In Cœli porphyrogenitum educatur.

Agite iam, prolem quicumq; benè amatis, Patres,

Sinite paruulos ad Iesum ire per Socios:

Hoc nempe, votum Iesu, quod fuit,

Ambitionem fecit Ignatius Sociorum.

## INSIGNE LXXII.

SOCIETATI PRAECIPVVM STATVIT MVNVS IGNA-  
TIVS, IVVENTVTEM IN SCHOLIS INSTITVERE .



Citrium malum suo inclusum continemus in  
modulo , DONEC FORMETVR in ipso  
iam adulto moduli continentis imago . Et  
Scholas instituit Ignatius , vt ab earum mo-  
dulis , litterarum , & pietatis imaginem in-  
clusa Iuuentus accipiat ,

EPI.

## EPIGRAMMA LXXII.

IN BONARVM ARTIVM SCHOLAS AB IGNATIO  
INSTITVTAS.

*Cude numisma, Puer, sed imagine cude Tonantis,  
Ex auro mentis cude numisma, Puer.*

*Iunge bonis discendo bonas virtutibus artes:*

*Scire, hoc est hominis; sed bene scire Dei.*

*Non secus ex Pueris Loyola numismata cudit,*

*In quibus et Pallas iungitur, et Pietas.*

*Exige, cui Domino hoc solues, Libitina, tributum?*

*Hac duo quod cudunt signa, numisma Dei est.*

## ELOGIVM LXXII.

*Vt pretiosior sit auro scientia,*

*Adhuc non est sine igne Caritatis obriza.*

*Adhuc sine oleo Pietatis,*

*Cum vili ferro à rubigine non est tuta:*

*Quam à scelerum attactu cum contrahit,*

*Tunc sæpiùs quàm ferro aurum,*

*Ignorantiâ fit scientia ipsa nocentior.*

*Nam quando cuique non præstitit*

*Carere scientia, quàm abuti?*

*Bonis artibus cum Scholas Ignatius aperiret;*

*Aditum malis obstruxit astibus, ne subirent.*

*Ad quos eliminandos sæuire cum vellet,*

*Ipso in limine frontem statuit Pietatis:*

O     ↑     Tan-

Tantulis proinde in Pueris ,  
 Quanti & Steropes educantur , & Brontes !  
 Atque hi non sub ignis Deo Vulcano ,  
 Sed sub igne Dei Ignatio,  
 Vera fulmina vero procudant Ioui .  
 Monstrosiſ terre filijs  
 Gradus olim in Cœlum , Pelion , Oſſa :  
 Nefarijs inferorum aſſeculis  
 Fraudes , ſcelera , montes in Superos .  
 Triſulcis ignibus vindicatum eſt de Gigantibus :  
 Pijs litteris de rebellibus triumphatur .  
 Iam , inueſtigare de Mundo  
 Hæc homini occupatio data ſit peſſima :  
 Cum in uſus tam bonos illa conceſſerit ,  
 Melior hac homini occupatio dari non poterit .  
 Denique , ut ſis ad ſobrietatem ſapiens ,  
 Miſce meram Pietate Scientiam :  
 Ut ſis ad Sapientiam ſobrius ,  
 Meram miſce Scientia Pietatem ?  
 Pietas tibi ;  
 Etiam alijs te Scientia præſtat bonum :  
 Macti , Iuuenes : Serpens liuore iam rumpitur :  
 Pijs his artibus malum , bonumque  
 Reprobare , & eligere cum ſciatis ,  
 Verè eritis ſicut Dij .



## SIGNI LXXIII:

SOCIETAS AB IGNATIO TOTO TERRA-  
RVM ORBE DISSEMINATUR.



signiferi Orbis, & vrsæ sidera vides exprella: Ver-  
tente se breui ambitu frigidâ circa Polum Vrsâ,  
Zodiaci sidera FERVIDIORA LATIVS pro-  
uehuntur. Quam Dei, Fideique causâ suam  
voluit ardere Societatem Ignatiûs, hanc vbique  
diffusam in Mundum omnē voluit disseminari.

EPI-

## EPIGRAMMA LXXIII.

IN SOCIETATEM TOTO TERRARVM ORBE AB  
IGNATIO DISSEMINATAM.

*Orta recens, et adulta breui, numerosa per Orbem  
Brachia, Loyolæ porrige lecta cohors.*

*Hesperus haud noctis, neque vultus terreat umbris  
Fous; flamma Sirius, Vrsa gelu.*

*Tu Zephyris vinces Austros, ardore Triones,  
Et cadet ante tuum quælibet Umbra iubar.*

*Metatibi haud Cancer, neq; sit Capricornus: ut omnes  
Irradies, Tropicus Solis ubique tui est.*

## ELOGIUM LXXIII.

Quanto serbuit calore Parens Ignatius,  
Qui sparsos vbique filios

Membra sua potuit animare tam diffusa :

Totius Mundi hospita

Futura Romæ Iesu Societas,

In totum terrarum Orbem

Suas deducit ab Vrbe colonias.

Et nunc pulchri pedes euangelizantium pacem

Tartareo prædone depulso,

Positione sui

Cælesti pro Domino adeunt possessionem :

Horreis daturus messem æternis,

Vbi-

Vbique seminandum censuit bonus Agricola :  
 Porrò bonum hoc semen , mala omnia pati ,  
 Et suis , & Sociorum humeris  
 Securam farcinam consultus Parens iniecit :  
 Docuitque melius exemplo , quàm verbis  
 Barbarorum terras desertas , & steriles  
 Ad bonam , vberemque frugem  
 Immitia ab ijs omnia patiando mansuescere .  
 Atque hìc caritatis , lector , alchimiam  
 Vel intellige , vel mirare .  
 Populos tam multis in regnis tam innumeros  
 Vt ab interitu vindicaret in salutem ,  
 In terras omnes , & maria  
 Suo Socios Ignatius misit è coetu tam paucos ?  
 Sed homines in hac humana cõpage vix homi-  
 Quia agente Deo penè iam spiritus , (nes,  
 Suum Ignatius ad ignem planè fecit empiricos .  
 Quicquid enim de se aspergerèt ipsi vel modicè ,  
 Tartara licet saperet ,  
 Virtutis illicò redolebat empyreum .  
 Vsq; adeò verum in omnes diffúdi vult bonum :  
 Et omnia vel vnus implet ,  
 Vnus quem implet Deus .





## INSIGNE LXXIV.

SOCIORVM VULT ESSE VOCATIONIS IGNATIVS,  
ANIMARVM CAUSA DIVERSA LOCA PE-  
RAGRARE.



...irrequieta circumaguntur in Cœlo sidera ;  
rebus subiectis omnibus sua VERTIGINE  
PROSVNT . Vni loco suos socios noluit  
Ignatius affigi , quos Dei gloriæ , & proxi-  
morum salutis ergo ad terras omnes , & ma-  
ria obeunda voluit expeditos .

EPI-



## EPIGRAMMA LXXIV.

IN SOCIETATEM DIVERSA LOCA EX PROPRIAE  
VOCATIONIS INSTITVTO PERAGRANTEM.

*Damnante an Cælo ritu Scythæ barbarus omni est?*

*Barbarus anne vagam fertque, refertq; domum?*

*Ire iuuat, Socij, ritu hoc: quacumque vagantes*

*Vectare, et nulla figere sede lares.*

*At, sibi quò profit, mutet Scythæ barbarus oras,*

*Vos uariante alios, ite, iuuate domo.*

*Tunc Scythicum, vestrumque hominum ne credite morē:*

*Ille feras deceat, sed decet iste Deos.*

## ELOGIVM LXXIV.

*Cui solum omne patria est,*

*An non tottem Societas Iesu se probat?*

*Amplius etiam;*

*Cui nulla tellus est patria;*

*An non se probat Societas Iesu fortissimam?*

*Ecquid illa sit fortius,*

*Quæ nusquā per vim potest nec tenceri, nec pelli?*

*Vnde autem pellas, quæ ita vbique ciuis est,*

*Vt exul vsquam esse non possit?*

*Vbi teneas, quæ ita vbique exul est,*

*Vt patriam nusquam habeat nisi in Cælo?*

*Sui tandiū secura census, quandiū corde nō caret,*

Supellectilem omnem non supra humeros ;  
 Sed intra pectus Iesum quòquò vehit ,  
 An non omnia bona sua secum portat ?  
 Suum statuens in labore brauium ,  
 Comprehensura currendo , quiescit in motu :  
 Quem vt in se possit experiri perpetuum ,  
 Salutis alienæ calcari se commouens ,  
 Per omnium patientiam ærumnarum ,  
 Nec otij patitur carceres , nec quietis .

Arbor fanè bona  
 Bonos datura fructus vbique ,  
 Translatitia veluti planta ,  
 Nullam , vt frugifera sit ,  
 Certam suæ deposcit radici tellurem .  
 Sanguine , quem Societas in venis ,  
 Deo , quem gestat in corde ,  
 An non fata omnia  
 Et fecunda , & felicia possit efficere ?  
 Alia alio in solo poma  
 Veneno exuto mansueuerunt :  
 Societatis fructus est , Christo insito ,  
 Vel infectis terrarum campis ,  
 Virus omne superstitionis auferre .

## INSIGNE LXXV.

SOCIOS IIS SAEPE VERBIS HORTARI CONSVEVIT  
IGNATIVS, ITOTE ET OMNIA INCENDITE  
ET INFLAMMATE .



Horridum vepretis informibus agrum ; vt frugi  
sit , INCENDERE PRODERIT . Scelerum  
dumis cum Ignatius mundum omnem hor-  
rentem aspiceret , illum , ad bonam ferendam  
frugem , vt feruore spiritus incenderent , So-  
cios hortabatur .

EPI.

## EPIGRAMMA LXXV.

IN IGNATIVM SOCIOS IIS VERBIS ADHORTAN-  
TEM, ITOTE, ET OMNIA INCENDITE, ET  
INFLAMMATE.

*Qua niue, quo Borea, quo pigro afflata Boote  
Tota sub aeterno frigore torpet humus?  
Ferte citi flammæ, Mundaſque reſurgat ab igne,  
Cui longum eſt funus, funus, et Urna, gelu:  
Igneus hæc Socijs paſſim Loyola; præfari  
Non aliter poterat lingua; cor Ignis erat.  
Ignis erat cor? cor dederat Loyola Tonanti;  
Cordis et Ignati cor Deus Ignis erat.*

## ELOGIUM LXXV.

Mundo tot ſæculorum ſenio laboranti  
Quid antiquius,  
Quàm calor refrigeſceret caritatis?  
Tanto proinde ſeni, & tam frigido  
Quæ nam ad fouendum ſufficeret Sunamitis?  
Ieſu inuenta Societas eſt,  
Quæ bonorum operum amplexu feruenti  
Caſtè ſe Mundo iungeret in ſalutem.  
Ex ſuo laborantem ſæculo Phænecem Mundum,  
Ut viundam reuocaret ad Iuuentam,  
Strue hac verè odorata Caritatis,  
Suis à filijs iuſſit illum Parens incendi,

An



An potius , arida omnia cum videret in terris,  
Nihil habuit aliud ,

Quod illis voueret Ignatius , nisi flammās ?  
Et vndis vltoricibus

Cum abluere olim Deus

Mundum ad munditiam nequiuisset ,

Ignibus nunc beneficis

Illum expiare tentat Ignatius ad splendorem :

Postquam diuinæ legis immemores ,

Obluionis in puteum

Ignem homines Caritatis abiecerant,

An non ille à scelerum corruptela

Crassam ibi transfret in aquam ?

Adhuc tamen nouus Elias, Ignatius

Homines Deo consecraturus in victimas ,

Ignem illinc feruidæ pietatis accendit :

An quia, indignationis qui latebat in nubilo ,

In mera sudæ Caritatis die

Per Iesu Socios Iustitiæ Sol refulsit ?

Age iam :

Vt faustè diem summi Iudicis vltimū anteuertas,

Has in te flammās terrarum Orbis admitte.

Non erit olim, cur vltor in te ignis ille descendat,

Si hoc ab incendio, scelerum sublata materie ,

Quid in te possit vrere , non habebit .

## INSIGNE LXXVI.

INSTITVTIS IGNATII, SOCII OMNES IN LVSITANIA  
APOSTOLI NVNCVPANTVR.



Granis eodem sub cortice punici mali contentis ,  
ab imposita verticis corona HONOR OMNI-  
BVS IDEM est . Vlyssipponenses eos omnes ,  
qui institutæ ab Ignatio Iesu Societati nomen  
dedissent , specioso Apostolorum nomine co-  
ronarunt .

EPI-

## EPIGRAMMA LXXVI.

IN LVSITANOS, QVI IGNATHI SOCIOS APOSTOLOS  
NVNCV PARVNT.

*Magnanimi, & Solis Soles Orientis, & armis  
Lusiada, & magni ter pietate Duces,  
Loyolæ socios quo nomine fertis? Iesu  
Qua tituli clarus laude Senatus erat.  
Non est desidia, non nomen, Apostolus, Umbra est:  
Et vos Sol vocat in prælia, Lusiadæ.  
Hoc eat armato armatus cum milite miles,  
Et labarum labaro firmet uterque suum.  
Ne pereat, vincatur Eos: vos prælia vestro  
Marte, at nos nostra vincere morte iuuat.*

## ELOGIVM LXXVI.

*Natantes vrbes, tua nauigia,  
Votis Vlyssippo tam varijs  
Inscendi aspicias, & impleri?  
Desinat, iam tibi esse miraculo;  
Quòd perituræ opes  
Per tanta quæri possint pericula pereundi.  
Prodigiosius aliquid iam mirare,  
Quòd per opum omnium contemptum, & sui,  
Pericula quærant, & funera perituri:  
Iam, quæsituris omnes, omnia qui reliquerant,*

Nomen olim fecerat Iesus Apostolis:

Et quos Iesu Socios

Instituta fecerunt Ignatij,

Hos Lusitani salutauerunt Apostolos :

**A**n quia, ad Christi lucra vt omnes adijcerent,

Cum relictis suis omnibus,

Et ipsi se se relinquebant in pretium ?

Magnanimi porrò Lusitadæ

An in eos magni nominis largi non essent,

Quos in se animæ tantæ

Videbant esse largissimos ?

An verò Apostolorum vultus

Vel à pedibus agnouere,

Quibus ideò pulchris,

Quia in pacis Euangelium expeditis,

Iesu vestigia tam & propè, & plenè calcabant?

An quia, vt Apostolos in terras è mari,

Ità in mare Socios vocabat Iesus è terris,

Vt ipsos non hominū modò piscatores efficeret,

Sed vt ex barbaris, hoc est brutis,

Homines efficerent ipsi piscando ?


Verùm cū Lusitanis quid vltra moror in titulo?

A quibus accepit rerum tam larga præsidia,  
Debet ijs Societas plus sanè multò, quàm nomē.



## INSIGNE LXXVII:

VARIOS IN SOCIETATE GRADVS APTE IGNATIVS  
DISTINGVIT ET ORDINAT.



Varia columnæ segmenta seorsim elaborata vsuū  
tunc erunt, & ornatui, cum ORDO DABIT  
FORMAM. Vt aptè Societas virtutem, Fi-  
demque suffulciat, suos in gradus ab Ignatio  
distincta, & ordinata ab hac forma fortem  
vsuū accipit, & decorem.

## EPIGRAMMA LXXVII.

IN SOCIETATEM VARIIS GRADIBVS DISTINCTAM  
AB IGNATIO, ET ORDINATAM.

*Cur Phlegetontæus nigro cum milite Princeps  
Nil plusquam Ignatî nomen, & ora timet?  
Principis Inferni cur castra vicaria terris,  
Hæresis hoc odit nomen, & impietas?  
An quia militiæ prudens Loyola Magister  
Cuique arma in castris dat sua, cuique locum?  
Formidet Stygiæ confusio noctis: Iesu  
Hoc Erebo est acies ordine terribilis.*

## ELOGIUM LXXVII.

Maeste sub Ignatio Duce, miles Iesu:  
Certam ille victoriam  
Tuis dedit in manibus,  
Qui tam benè tuos pedum incessus  
Ad secura certamina ordinavit:  
Suo timeat capiti Cæli transfuga,  
Cum pedes pro Deo pugnantium  
Mouere loco non potest.  
Qui nisi perturbando non vincit,  
Hic à seruante ordinem milite profligatur.  
Et nunc sanctior aliquis,  
Quàm seductus ille, seductorque Vates  
Ten-

Tentoria hæc ex alto despiciendo suspiciat:  
Iustorum fato misceri se cupiens

Exclamet hic etiam ,

Quàm pulchra sunt tentoria tua Israel !

Fortitudo nempe Dei

Verè in terris est illa militia ,

Per quam fortiora Deus inferre certamina ,

Victorias referre non desinit clariores ,

Hesperij , immò ætherij Gedeonis

Time iam, inferne Madian ,

Has Ignatij tubas , & lampades :

Errorũ agmina doctrinæ tubis fugare quos iubet ,

Horum in manibus ,

Claro vitæ sanctioris exemplo ,

Ardere dedit lampades inextinctas .

Tu verò, Iesu Sodalis ,

Fidum , germanumque Imperatoris tui militem

In ordine semper stando te proba .

Stabis verò, si ad rerum fluentia labentium ,

Modicissimo illarum haustu ,

Erectus , ut Vir , non pronus , ut verna ,

In siti vel summa

Tibi fortiter noueris imperare :





## I N S I G N E LXXVII:

ANIMARVM CAUSA MVNERIBVS OMNIBVS AB  
IGNATIO SOCIETAS APTATVR.



Varijs aqua siphunculis maioribus, minoribus-  
que profiliens, FORMAM SE FINGIT  
IN OMNEM: Vt proximorum sa-  
luti proficit, Ordinem suum Ignatius  
cuiuscumq; generis omni  
planè aptat obsequio.

EPI.



## EPIGRAMMA LXXVIII:

IN SOCIETATEM AB IGNATIO ANIMARVM CAUSA  
MVNERIBVS OMNIBVS APTATAM.

*Siue Lycæa docent, Academia, Porticus, Vmbra;  
Siue profana tenent, & sacra rostra tonant;  
Aut Mystæ in Templis populum expiat: aut lare cætus  
Priuato cogens, efficit arte pios.  
Vrbibus, aut Villis, fora per lustrata, forisque  
Prædam astris Iesu miles ab hoste refert:  
Cuncta suæ iussit Loyola hæc munera prolis  
Esse: suum Proli num dedit esse Parens?*

## ELOGIUM LXXVIII.

In vberem animarum Autumnum  
Sanctiorem Pomonam Societas castè deperiens,  
Quid mirum, si, omnem se cōmutās in formam,  
Agit planè Vertumnum?  
Oleum effusum, Iesu nomen  
Quàm benè huic aptatum est Ordini!  
Qui nempe funditus se fundens in alios,  
Suis in muneribus formam sic aliorum induit,  
Vt liquidorum naturâ  
Termino tantùm terminari gaudeat alieno.  
Et adhuc charactere amoris indubio,  
Cum ità ex nomine fluat, vt influat,  
Nul-

Nullis infracta iactibus ,

Constantiâ sic duratur , vt ster.

Antiquũ hostẽ suis omnibus è stationibus depul-

Tentat illum , & inuadit vbique. (fura,

Amantem sordes

Inducto nitore fugat ex aris .

Hominũ animos, hoc est Dei fana, profanata scele-

Frequentiâ consecrat Sacramentorum. (ribus,

Aérias in potestates

Cum potestate tonat & fulminat è suggestis .

Pios Sodalitatum cœtus

Concilijs obijcit impijs Tartarorum .

Et gladio pugnanti errorum, & fraudis,

Tanquam in campo , apertis iugulat in Lyceis .

Iam, vt omne illi asylum eripiat ,

Urbanis , paganisque , castrensibus, & naualibus

Expeditionibus palam vbique palantem petit.

An verò morborum horrore, vel compedum

In Xenodochia recipiat se tutò, vel carceres?

Sanandis, soluendisque animis ,

Caritatem suam antidotum infert, & libertatem:

Omnia in hũc Ordinẽ mala machinare iam, Plu-

Tua vt scelera omnia, te perduto demoliatur. (to:

Omnia hic Ordo in ões cogitat, & molitur bona.

IN-

## INSIGNE LXXIX.

IGNATIVS A' MVLTVS VISVS, ET DICTVS EST LO-  
QVI TANQVAM POTESTATEM HABENS.



Vi, manuque Artificis percussum pariter, & directum IMPRIMIT QVOD EXPRIMIT in marmore scalprum. Non auribus tantū loquebatur Ignatius, sed ea, quæ vocibus ederet, tanquam potestatem habens cordibus infigebat,

EPI.

## EPIGRAMMA LXXIX.

IN IGNATIVM EA, QVAE DICERET, CORDIBVS  
IMPRIMENTEM.

*Omnia non Zephyri, non aure uerba uolantes  
Aufertis prædam per leuis arua Iouis.  
Verberat Ignatî uox auras, uerberat aures,  
Verùm hæc & cordi uerbera uerba ferunt.  
Eloquitur? penetrat: dixit? persuasit: & ore,  
Tàm fluit ex illo dicere, quàm facere.  
Irrita uerba uolant, leuitas queis subiicit alas:  
Loyole non sunt irrita? pondus habent*

## ELOGIUM LXXIX.

Cum Dei sermonem Ignatius,  
Gladium loquatur ancipitem,  
Ingenuâ veritate  
Tam per aures recta cor petit,  
Vt quibus incolumitas falsa esset exitio,  
Vulnus ijs certam inferat in salutem:  
Et cum, persuadendi vi, facere videatur attonitos,  
Adhuc in audientibus, ad agendum,  
Principium commouendi se se fit stupor.  
Quâtò iam melior hæc diuinæ Gorgo est Palladis,  
Quæ non homines, humana ne sentiant,  
Obdurat in lapides;

Sed



Sed ad cælestia percipiēda obduratos cū lapides,

Emollic in homines?

An verò simulacra Memnonis

Sua cū luce Sol verberaret Ignatij,

Voce in se se per illum excitâ,

Virtutis edebant suauissimum Deo concentum?

Tuum hunc saluta iam, Roma, Periclem,

Et mirare.

Tonitrus nimirum perorando ciet Ignatius;

Sed quorum fragor, ac vis

Christi ouibus, fœtus pietatis excutit,

Non abortus.

Læuum diceres intonuisse semper hunc Iouem,

Tâm dextera eueniebant cuncta loquenti.

Iam verò, habeat meritò vox illa sepulcrū in auri-

Quæ cunas habet in lingua: (bus,

Dicentis in corde, principio vitæ quæ nascitur,

Illâ stabili melioris vitæ cum fructu

Et audientium dicta,

Et dictis obedientium, perennat in cordibus.

Interim familiaribus alloquijs, & priuatis

Tanta hæc conſequebatur Ignatius.

An ne, mallei sonitu nec audito,

Veræ Sapiētiae Templâ Deo condit hic Salomon,

## I N S I G N E LXXV.

OBSTINATVM IVDAEVM AD CHRISTIANAM FI-  
DEM CONVERTIT TRIBVS HIS NON AMPLIVS  
VERBIS, MANE NOBISCVM ISAAC.



Affixa naui remora, piscis tantulus, illam, ne  
moueri loco possit, tenet NON MOLE, SED  
VI. Qui obstinatum Iudæi animum tribus  
non amplius verbis mutare potuit, quantam  
in ijs vim habebat Ignarius!

EPI-

## EPIGRAMMA LXXX.

IGNATIO TRIBVS VERBIS OBSTINATVM IV-  
DAEVM AD CHRISTIANAM FIDEM CON-  
VERTENTI .

*Perfidia Hæbræum antiquæ cum flectere nemo  
Posset adhuc (teuebris , & cute tantus erat )  
Nobiscum maneat Isac, Ignatius inquit,  
Nec plura his, uerbis mansit at ille tribus .  
Totus amans, totus sapiens, tria uerba locutus,  
Quod sequitur, totus debuit esse potens .  
Tàm subito fecit, quàm dixit? tota Tonantis  
Indiderat uerbis se tribus ipsa Trias :*

## ELOGIUM LXXX.

Suis à natalibus surdum ,  
Quia suis à Maioribus perfidum ,  
Hæbræum Ignatius veræ fecit Fidei audientem ?  
Occlusas duri cordis in aures  
Digitum immisit & ipse , sed Dei :  
Quando verborum triadem elocutus,  
Quod nec perfidus ille crederet,  
Nec surdus veller audire ,  
Nostræ Fidei arcanum , & altum  
Verbum , mysteriumque Triadis persuasit .  
Rationum nemo quærat seriem , & momenta :  
Tota fuit in imperio suadela :

Ma-

Mane , Ignatius ait , nobiscum , Isaac :  
 Et mancipium aliàs perfidiæ fugitium ,  
 Dedititium nunc vltro libertum Fidei  
 Vnius imperij manicis mancipavit .

Manfit ergo sic Isaac ,  
 Vt, qui & gēte, & nomine filiū se Abrahæ diceret,  
 Factus hærendo penè fit lapis :  
 Quem tamen Phidias melior , Ignatius ,  
 Fidei formatum cælo  
 In Dei filium tunc animavit ,  
 Cum, inhalato animi sui spiritu,  
 Viuam credenti , Dei filij dedit imaginem .  
 Vt magnis in hunc alij connisi essent ardoribus ,  
 Gelu obstinati cordis soluendo tam duro,  
 Igne non minore opus erat Ignatij .

Quo præfente ,  
 Cum antea in Aquario hyemaret ille perfidiæ,  
 Caritatis illicò æstuarè potuit in Leone .  
 O' nauum hominum, piscatorem,  
 Qui tam facilè prædam posset  
 Tam in alto, & gelu piscari! (cebat,  
 Et tam prodigiosè Ignatius facere potuit, quæ di-  
 Qui tam sanctè , quæ posset dicere, faciebat ;



## I N S I G N E LXXXI.

AETERNA CONTEMPLANS IN NVLLA RERVM VO-  
LVBILIVM ACQUIESCIT IGNATIVS.



Accipitri prono capite in somnum conuiuenti,  
versatilis fulcri ADIMIT VERTIGO QUIE-  
TEM. Et hac ille cruciatus infomnia, pati ma-  
num discit, & obsequi. Quæ æterna non  
sunt omnia cum conuersa mutantur, in ijs  
propterea non acquiescit Ignatius :

Q

EPI-

## EPIGRAMMA LXXXI.

IN IGNATIVM NIHIL IN HAC VITA DVRVM, QVIA  
BREVE CENSENTEM.

*Res, quandoque pati, dura est, durissima, semper:  
Tota pati vita est? est quoque, tota mori.  
Heu durum vita genus hoc, Loyola tot annos  
Tu tibi producta morte superstes ages?  
Hac ille attonitus cum secum uolueret, an non,  
Stare inquit, dum nos credimus, effluimus?  
Per momenta omnis vita ecce liquatur in urnam:  
Et cuiquam durum, quod fluit, esse potest?*

## ELOGIVM LXXXI.

Stare Cælum, terramque moueri  
Auditor Christi verè Christiana dicat in Ethica,  
Quod audacior aliquis falsò pronūciauit in Physi  
Aeternum scilicet naturâ suâ stat tellus: (ca.  
Virtutibus, & gratiâ Cælum dūtaxat æternū stat.  
Proinde ut veluti se se  
Constantia sustulit felicitatis in Cælum,  
Ità commutantis se se fortunæ  
E Cælo vertigo defluxit in terras.  
Quid hoc tamen est, quòd in terris homines ac-  
Vsq; adeò defecta in senectute (quiescunt?  
Infantiæ Mundus arguitur,

Qui

Qui somnum capere quietis haud possit,

Nisi infantium more

Commouentium se terrarum agitetur in cunis :

Quantò Ignatius sensit, egitque virilius !

Nullum in illo locum,

In quo hæreret Mundus inuenit ?

Locum in Mundo nullum,

In quo quiesceret inuenit Ignatius .

Hinc porrò vox ipsius illa tam frequēs, & nitida :

Heu quàm sordet tellus, dum Cælum aspicio.

Tantum nempe Mundi corpus, atq; tam varium

Sordesne agendo, patiendoque non gigneret ?

Hæ proinde in ima defluere cum deberent ,

Iacentes altè confluxerunt in terras .

Denique veteri Archimedis effato

Aut inuidiam Ignatius abstulit, aut superbiam :

Extra telluris ambitum figere si pedem posset,


Terras òes suis ille moturū se machinis gloriaba

Solido. Ignatius in Cælo virtutis (tur.

Extra telluris ambitum pedem fixit .


Mutatis, euectisque in altum hominum moribus,

Hac nimirum Metonymia terram mouit .



## I N S I G N E L X X X I I .

INTER ARDENTISSIMAS PRECES EX IGNATHIOCV-  
LIS VIS INGENS EFFLUIT LACRYMARVM.



Inclusa intra mathematicam amphoram aqua  
instar fonticuli de syphunculo DVM CA-  
LET EXILIT. Calorem cum concipe-  
ret inter preces Ignatius ex oculis vber-  
rimo latice lacrymæ protinus e-  
rumpebant.

EPI



## EPIGRAMMA LXXXII.

IN IGNATIVM ARDENTISSIMAS INTER PRECIAS  
AD ASPECTVM SIDERVM LACRYMANTEM,

*Dum despectat humum Loyola, et suspicit astra,  
Et simul hinc sordes aspicit, inde iubar,  
Lacryma ceu uultum, pectus sic permeat ardor,  
Et quantum spectans hinc calet, inde gemit.  
Hæc quàm sordet humus, dum Cælum spectro, profatæ,  
Atque aufert dictis protinus ipse fidem.  
Omnia nam lacrymis tergens Ignatius, igni  
Vrens, quæ fuerat sordida, terra nitet.*

## ELOGIUM LXXXII.

In amoris diuini symposio,  
Vt liquida inebrientur voluptate carissimi,  
Potus, lacrymæ delictum est.  
An veriùs, arcanum gaudiorum merum  
Propinanti nobis Deo lacrymâ respondetur?  
Et ille quidem tam hilariter se se  
Nostrarum hoc mero miseriarum inuitat,  
Vt factus potando sui penè iam impos,  
Suam in nos omnem  
Inclinari sinat, & excuti commiserationem.  
Iam verò pretium tunc habere cor incipit,  
Cum thesaurum promit gèmarum in lacrymis.

Q 3

Qui

Qui quanti sit faciendus, hinc æstima:

Lacrymarum vnâ venalis est Deus.

Vt iam vel in probrum Cleopatrar, vel inuidiam,  
Non vnum liquata Deo hæc gemma imperium,

Sed totum æquet empyreum.

Soluere nimirum se ingenuas in lacrymas corde,

Nullus cuiquam amor propinauit augustius.

Sed cordis sanguis lacrymæ sunt:

Vulnus in corde igitur

Quam altum accepit Ignatius, quam perennè,

Qui turgentibus oculis

Tàm largè, tàm iugiter lacrymatur!

Rursus, naturæ argumentum est lacryma imbecille?

Ergo quæ Ignatij potest exprimi è corde tàm forti

Quam non leuem manum arguit illa prementem?

Denique nulla tàm altè sorder Aegyptus,

Vt expiare illam

Nilus hic purior nequeat lacrymarum.

Quid? lacrymâ citius nil arefcit?

Sed ingenua cum fuerit,

Nihil illa felicius


Cordis agrum virtutum irrigat in sæcūditatem.

Vsq̃ue adeò

Lætas Cælo segetes tristis hic imber alit.

# INSIGNE LXXXIII

ACCEPTVM A' DEO LACRYMARVM DONVM  
NOVO DEI MVNERE IMPERIO TEM-  
PERATVR IGNATII.



**DA VENIAM, ET VENIAM**, inscriptum a-  
quæ est, quæ, obducta claue retinetur quò mi-  
nus in craterem erumpat. Paratas sic habuit  
lacrymas semper Ignatius, vt illas posset pro  
imperio, libitoque, vel fundere, vel con-  
tinere.

## EPIGRAMMA LXXXIII.

IN ACCCEPTVM A DEO LACRYMARVM DONVM  
NOVO DEI MVNERE TEMPERATVM IGNATIO.

*Parce, ah, cur tanto ex oculis, lacryma, effluis, amne,  
Vt lux ex oculis, dum fluis ipsa, fluat?  
Scilicet astrorum munus sum, dicis: & astra  
Dum lacrymas donant, lumina surripiunt?  
Sidera sed præter nil Loyola aspicit; an non  
Surripiant lucem, quæ rapuere oculos?  
Ecce sed, hæud rapiunt; nam paret nata Parenti:  
Hoc rapiunt oculi sidera prodigio.*

## ELOGIUM LXXXIII.

Summa sine Fortitudine  
Eniti nemo possit  
Summæ Temperantiam voluptatis,  
Virtutis amore concepto,  
Fœtus hos animus non nisi geminos dabit.  
Porrò accensa penitus Caritate flagranti  
Lacryma refrigerante quid dulcius?  
Et cum corde tantum amator incaleas,  
Tantam, Ignati, imperare potes oculis siccitatem?  
Eat nunc aliquis, si potest, inficias,  
Herculeâ tibi adoleuisse in pectore Fortitudinem,  
Quando coæua illi, & par

Affe-



Affectuū in te omniū Tēperātia tāta grandescit!

Quid? parientium in interitum oculorum  
Cum proles tibi nasceretur nimia lacrymarum,

Ne despectis terrarum sordibus  
Ornatum Cæli spectare non posses,  
Illorum amore orbium

Oculorum horruisti perpeti orbitatem:

Iam verò, vt rerū naturā contēplaretur attentius,  
Æris fulgore candentis

Derisor omnium se se Democritus obcœcarit.

Tu, supra naturā, videre qui cupias per naturam,  
Totus ignis, ne tibi lucem extinguant,  
Latices vetas, & obstruis lacrymarum.

Interim Cæli donū tuas esse lacrymas sic probasti.

Naturam scilicet beneficiorum sequutæ,

Quæ non conferuntur inuitis,  
Tunc se dumtaxat tibi fundebant;  
Cum illas in oculos inuitares.

Alij denique lacrymis Deum placent:

Quantò pulchrius est illud, & grandius?

Ignatius suis annuente votis

Lacrymas placat Deo:

## I N S I G N E LXXXIV:

DVM SACRIS OPERATVR SVpra IGNATIJ CAPVT  
INGENS FLAMMA CONSPICITVR.



Solis lux ideò in altum reuerberatur à speculò;  
quia INCIDIT IN PVVRM. Flam-  
ma visa est supra caput Ignatij? di-  
uinum fulgorem tam clarè,  
sanctimonia vitæ re-  
percutit.

EPI-

## EPIGRAMMA LXXXIV.

IN FLAMMAM, QVAE VISA EST SVpra CAPVT  
IGNATII SACRIS OPERANTIS.

*Victima sacrandus Cælo an faciente Sacerdos ?  
Ille est, cui tanto fulgurat igne caput ?  
An, cor secreta dum flagrat amoris in ara,  
Expirat magni pars levis illa rogi ?  
An titulum inscribit, luditque in nomine Cælum,  
Et sacram Ignati nominis Igne notat ?  
Quo res acta die fuerit, non scribitur: ignis.  
Sed Pentecosten, ni fuit, iste facit:*

## ELOGIVM LXXXIV.

Qui & pro Deo toti,  
Et totum Deum arderent,  
Ignis litantibus vel prodigiosus,  
Nec Ignatio deesse potuit, n c Elia:  
Mutavit tamen ostenta Cælum:  
Suo quondam igne sacra,  
Nunc verò corripit Sacerdotem?  
Ostentum iterum in ostento:  
Illicium portentoso Igni fit humor.  
Ità in victimā ab Elia olim aquā perfusam  
In Ignatium nūc sparsum lacrymis operantem  
Ingens pariter, & subita

E Cæ-

E Cælo flamma delabitur:

An Ignatium Deus lacrymis madētem intuitus,  
 Odoratus in Sacerdote victimam,  
 Innoxia supra verticem demissa flammâ,  
 Arcanis incendijs  
 Cor ipsum pascendo immolat immolantis?  
 An potius Caritatis initiandus Antistes,  
 Operari qui debeat infulatus,  
 Coronariam accipit cœlesti ex igne Tiaram?  
 An serenante Gratia Cælo  
 Cum grauida cordis è nube  
 Pluvia per Ignatij oculos defluat lacrymarum,  
 Prodigijs cordatus æther, & prodigus  
 Sua continere non potuit meteora?  
 Demisit proinde fulmen, at innocens,  
 Ignis enim in igne quid mutet?  
 Mutuis proinde osculis  
 Flammæ se libauerunt innoxia.  
 Ominosum iam  
 Princeps Mundi Cometem hunc timeat:  
 Ipsius in iædas funeris hoc portentum acceditur.  
 Regnatore Deo per Ignatiū in terras oēs inuecto,  
 Ipse iam, potestatis antiquæ depulsa tyrannide,  
 Eijciatur foras.



## I N S I G N E L X X X V .

REDDITAS EX HISPANIA INTER ORANDVM EPI-  
STOLAS CREMAT IGNATIVS.



Flagrat in aris victima? Ne polluantur sacra,  
PROCVL ESTE PROFANI. Agentem  
cum Deo Ignatium cum interpellarent hu-  
mana, ne ardorem precum importunè re-  
stinguerent, illas ardere iussit in igne:

EPI-

## EPIGRAMMA LXXXV.

IN IGNATIVM REDDITAS SIBI INTER ORANDVM  
EX HISPANIA LITTERAS CREMANTEM.

*Scilicet accedis, cum te charta esse profanam  
Noris, et ardentis nil tibi ab igne times?  
Tentas orantem? Urentem experiere, profano  
Tàm tu digna, sacro quàm calet ille rogo  
Hac censens, et succensens Loyola, papyri  
Succense vindex multat in igne nefas.  
Oras Ignati? absisto, sum nempe profanus:  
Immo accedo; tuo quid facis igne? sacras.*

## ELOGIVM LXXXV.

*Quàm in se Ignatius orando non friget,  
Qui totus est ardor in suos!  
Et, proxima quæ fuerint,  
Dum flagrat, ignis incendit.  
Affinibus verò quid cuiquã magis est proximũ?  
Horum proinde litteras  
Inter orandum redditas importunè,  
Proximi vsus opportunitate ignis,  
Iussit Ignatius in illo statim ardere.  
Vide nunc, quàm vigilem  
Sopita nunquam Vestalis hæc melior  
Suum ignem Pietas seruet Ignatij.*  
Fer-

Fervorem intimum in corde ne minuat :

Halitum terrarum omnem

Arcet peregrinum , & gelidum .

Sed cum mortis, frigus, origo vitæ sit, calor,

Quàm simul & mors , & vita non coeunt ,

Tàm reciprocari nequit spiritus Terræ simul, &

An doctus pro malis bona rependere , (Cœli.

Diurnæ obicem luci

Suo facere interiectu tentantibus ,

Flammarum luce litteras donavit Ignatius?

Nimirum quem à divinis

Voluisset deflectere ad humana ,

Per flammam sese in sublime ferentem

Incensam paginam è terris evexit in Cælum .

Quanto interim Dei amore dignum existimem

Odium tantum , & suorum , & sui !

Tabellario igne

Bonum hunc nūcium Ignatius misit ad Superos,

Malle se omnia semper ignorare de suis ,

Quàm à Deo se momento vel vno nesciri .

Vos interim, quamquam in igne arsisitis ,

In igne tamen non peristis, epistolæ.

Ad perpetuam rei memoriam,

Cœli vos in tabularium

Ignatius retulit incendendo .

## I N S I G N E L X X X V I .

SINGVLIS HORIS SVAM CONSCIENTIAM SEDVLO  
EXAMINE RECOGNOSCIT IGNATIVS.



Tonsis viridibus opere topiario auis simulacrum  
à Viridario affabrè concinnatur: tum frequenti  
castigatur forfice, atq; ità SERVAT SOLER-  
TIA FORMAM. Ne deformitatem vllam suc-  
crescere in animo pateretur Ignatius, frequenti  
examine singulis horis in se ipsum aduertit.

EPI-



## EPIGRAMMA LXXXVI.

IN IGNATIVM SVAM CONSCIENTIAM SINGVLIS  
HORIS SEDVLO EXAMINE RECOGNOSCENTEM,

*Quis tibi, Loyola, instantem Minoas seueri  
Admonet hac tanta mole supercilij?  
Hora monet, mora nulla, in ius reus ipse citaris,  
Horaque, cum possis vix reus esse, citat.  
Tu reus, et Minos: insons, crudelis et idem es.  
Nemo tibi veniam non daret, ipse negas.  
Est tamen hac pietas: quæ ne sententia damnet  
Semper, sæpe tui te facis ipse reum.*

## ELOGIVM LXXXVI.

Spectantis oculo Domini  
Pingüescit solum?  
Quàm vberem sui agrum animi habebit Ignatius,  
In quem horis singulis  
Herus ipse, colonusque tam sedulus intuetur!  
Bona cum fruge zizania ne succrescerent,  
Iis superferendis  
Desidem somnum, opportunitatem scilicet  
Vigil Homini ademit Ignatius inimico.  
Quærite iam, an tempus ille fallat,  
Qui nec tempus sibi permittit errandi.  
An verò tempora multa non explet Ignatius,  
R Qui

Qui fugientes horas

Vel minimis vindicans ab erroribus,  
Tempora consummat veriùs, quàm consumit?  
Bonum in Ignatio virtutis horologium,  
Cum carere dentibus videretur,  
Quando animum conscientia nil mordebat,  
Adhuc horarum ictum sic iustè semper exclusit,  
Vt suis horis

Includi nihil pateretur iniustum.

Hic porrò dies vnquam ne vergat in noctem,

Qui tantum semper habet lucis,

Vt Iustitiæ Solem sequens

Ne minimi quidem ambulet erroris in tenebris,

Quem simul, & in quem protinus non aduertat  
Ignatius?

Tempore alijs fugiente,

Contractæ culparum fordes

Diù plerumque in ipsis cunctantur, et hærent.

Vt fordes vel à se fugiant, vel fuget à se se,

Fugientia Ignatius tempora

Cunctanti examine reprehendit.

Quàm porrò ille quieta dignus æternitate est,

Qui tam instans, & sedulus sibi viuit in horas!

## I N S I G N E LXXXVII.

VNIUS ANIMAE SALVS MVLTIS DIV LABORIBVS  
AB IGNATIO QVAERITVR, ET PARATVR.



Graue seù columnæ, seù epistylj pōdus, tractorij  
organi NON VNO ATTOLLITVR ORBE,  
sed illud necesse est diù, sæpiùsque circumagi:  
Proximorum salutem tam graue negotium la-  
boribus omnibus, & patientia curare, maximum  
operę pretium existimauit Ignatius.

## EPIGRAMMA LXXXVII:

IN IGNATITM VNIVS IN SALVTEM ANIMAE DIV.  
MVLTVMQVE LABORANTEM.

*Dum fugit, & sequeris prædam Loyola: nec illa  
Ludere desistit vincla, nec ipse sequi.  
Tendere te casses incassum dixerit, artem  
Venandi quisquis nesciat esse tuam.  
Ipsa fatigatur fugiendi præda labore,  
Dumque fugit casses, rete fit ipse labor.  
Rideat ergo tuos quis iam tot in orbibus orbes,  
Vnus si prædam ex orbibus orbis habet?  
Circulus esto Sophis vitium: sed crimina soluens  
Circulus, Ignati, non vitiosus hic est.*

## ELOGIVM LXXXVII.

Cæli magnetem Deus  
Ignatij cordi plus fatis affricuit.  
Nisi salutis cynosuram inuenerit,  
Ignatius non quiescit.  
Sui propterea penè impos  
Tandiù se circumagit,  
Quandiù errantes in circuitu impios  
Ipso figat in centro virtutis.  
Vsq; adeò, vt impios doceant recta gradi,  
Ambulare in circuitu possunt & pij.  
Per-



Perditis cum fœminis perdere visus operam ,  
 Quãquam illæ constantiã amitterent benè agēdi,  
 Non dimisit ipse, iuuandi .

Quanti Deum faceret , palam fecit :

Ne mortali quisquã crimine vel semel auderet in  
 Laboribus vitæ omnibus (Deum,

Mortē hãc vnam animi benè censuit propulsari ;  
 Interim cum circumiens totus flagret ,

Ixionem Ignatium dicerem in hac rota :

Nisi quòd illum damnatos inter reorum manes  
 Tormenta sua miserrimum ,

Hunc inter asserendas saluti animas

Sua facit sollicitudo beatum .

Quid ? relabentium muliercularum

Grauis idem lapis, & lubricus

Laborantem sæpiùs eludit hunc Sysiphum ?

Parricidæ aliorum , & sui

Sacra suadelæ flumina excipiunt cribro Danaides ?

Suum Ignarius habet vel apud Inferos Cælum ,

Cuius nimirum infelix nunquam est labor ,

Qui satagit pro virtute :

Nunquam inanis ,

Qui plenus est Deo .

## I N S I G N E L X X X V I I I :

SALVTIS SVAE PRAESENTIS SECVRITATEM LABO-  
RIOUSO ANIMARVM LVCRE POSTPONIT IGNATIVS.



Tutum est frumentum in sacculo: campus tamen  
si suppetat, messurus cum scœnore, frumento in  
sementem effuso, SPEM CREDE LABORI. Fe-  
licitatē Ignatio in præseti Deus promittat indu-  
biam: dum proximorum possit scœnerari salu-  
tem, illam sibi vel ancipitem certis pro labo-  
ribus malit vltro differri.

EPI-

## EPIGRAMMA LXXXVIII.

IN IGNATIVM SALVTIS SVÆ PRÆSENTIS SECVRITATEM LABORIOSO ANIMARVM LVCRO POSTHABENTEM.

*Vel Cælo, Ignati, iam nunc potiere: vel ultra  
Terrigenis dubio est sine paranda salus:  
Dat Deus hanc veniam, spondetq; utrumne præoptas!  
Elige, signatum ex æterè chyrographum est.  
Haud, inquis, moueor, liceat dum quærere terris,  
Quod Deus in terris quæsit, haud moueor:  
Non Cælum maiora paret mihi gaudia? Cælum,  
Quo Deus in terris gaudeat, ipse paro.*

## ELOGIUM LXXXVIII.

Iam tuo, Ignati, Magistro,  
Amori nempe plus satis inuideo:  
Cui cum te totum exsolueris in pretium,  
Adhuc tanta mercede  
Nihil te sapere docuit.  
Factâ tibi vel præsentis in Cælo potestate gloriæ,  
Vel in terris, animarum causâ, laborum,  
Eligendum, inquis, si detur alterutrum,  
Animarum causâ pati dum liceat,  
Animi causâ frui Deo non libet.  
Et sapere hoc est, Ignati?  
Dignû te probas tamen Magistro tuo discipulû;  
R. 4 Docuit

Docuit nimirum ille te plus satis amare :

Amare verò , & sapere ,

Si vix vni Deo conceditur ,

Quis hoc requirat in homine ?

Vt proinde tam amet parum, qui nimium sapit ,

Quàm minimum sapiat, qui multum amat :

Quid ? alta olim amoris in ecstasi

Quicquamne Patris Sapientia sapere visa est ,

Quæ Paternæ gloriæ cum sit splendor ,

Sordes complexa est hominum, quos amabat ?

An verò aliud ab humano est

Amare diuinum , & sapere ,

Quando contra quàm sapiunt homines,

Sapientia Dei est, causâ animarum pati ?

Tibi verò , si omninò non desipit ,

Nihil non debeat Mundus omnis Ignari :

Quantum enim ipse pro causa vreris aliena ,

Tantumdem pauci pro sua ipsa vix calent.

Stultitiâ sit hæc apud humana sapientes :

Nemo apud Deum sapit,

Nisi qui sic stultus sapit :

Rursum: longâ, obstinata inq; Mundi phrenesim

Feliciùs nemo curet , ac citiùs ,

Quàm qui non sapiat, quæ sunt Mundi !



## I N S I G N E LXXXIX.

INSECUNDIS, ADVERSISQUE REBUS EAMDEM VVLTUS, ANIMIQUE CONSTANTIAM SERVAT SEMPER IGNATIVS.



Medio inter aquæ cráterem, & malleum adamanti adiecta epigraphe est, NEC MOLLIOR, NEC FRANGOR. Quem non secunda mollirent, nec aduersa frangerent, an non Ignatius idem semper, sibi que similis animum verè habuit, adamantem?

EPI.

## EPIGRAMMA LXXXIX.

IN IGNATIVM SECUNDIS, ADVERSISQVE IN RE-  
BUS EAMDEM VULTVS ANIMIQVE CON-  
STANTIAM RETINENTEM.

*Seu Zephyros pellant Cauri, nubefue serenum,  
Siue, ubi ridebant æquora, turbo fremat,  
Stat Cautè immota tamen, stat Olympus eodem  
Vertice, & ut certent tristitia, leta supra est.  
Stat liber Loyola inter magis arcta, catenas  
Sortem, vinciri dum nequit, ipse trahit.  
Quid Fortuna moues? Unam alto in pectore mentem  
Quisquis habet, vultus non habet ille duos.*

## ELOGIVM LXXXIX.

Miser humanis esse ille non potest,  
Beatus qui esse nolit humanis.  
Cui gaudium nascitur introrsum in corde,  
Illius in vultu indigena serenitas est & domestica;  
Non incerta viatrix, & aduena.  
Porro vno se contentum esse, Dei est:  
Accedit ad Deum proximè,  
Cui & Deus, & ipse sibi sit satis.  
Tacenti sub Lunâ Mundo cõmutabiles, variosq;  
Ominetur dies Astrologus:  
Qui supra Lunam se se vindicauerit altiùs,  
Diebus singulis constanti adscribat à Sole,

## Serenat .

Quid ? stultus ut Luna mutatur ?

Sapit igitur , qui cum Sole semper est idem .

Tot inter variantia constanti semper vultu ,

Nunquam Ignatius visus est sibi dissimilis .

Referre quis hunc in album dislerat Sapientum ?

Mouere in illo

Nil potuistis aëriæ Potestates :

Solido nempe virtutis in Cælo fixus

Inane iam excesserat ille Fortunæ .

Contrariarum rerum

Cum animo totum aliquādo nomenclatorē euol-

Quo commoueri posset, aut tristari, (ueret,

Ne vnum quidem in illo nomen inuenit .

Vsque adeò fortis non erat ille discipulus ,

Qui omnia discendo legerat in Virtute .

Mea, inquit, æternum Societas si soluatur,

Pars horæ vix quarta

Animum mihi , gaudiumque recolliget.

Neque cordi vnquam absit, ac fronti serenitas,

Quandiu mihi soli, Soli adsim & Deo .

Agere qui sic potuit fortiter ,

Fortiter quid non posset hic pati ?



## I N S I G N E X C.

AFFECTIONES ANIMI OMNES RATIONIS IMPERIO  
MAXIME OBSEQUENTES HABET IGNATIUS.



Horologij throclem circumducto funiculo rotis  
itâ dispositis continemus . ut eius attemperata  
vi ACCIPIANT VIOLENTA MODVM .  
Impulsus à natura Ignatius acceperat vehemen-  
tes : itâ illos virtutis exercitatione repressit , ut  
habitudine postmodum , vel ex ipso sanguine  
languidâ videretur .



## EPIGRAMMA XC.

IN IGNATIVM AFFECTIONES ANIMI OMNES RA-  
TIONIS IMPERIO SVBICIENTEM.

*Qualis adusta Leo Lybie quem misit, ouantis  
Carpentum docili nobile fronte trahit;  
Ille sui patitur Vocemque, manumq; Magistri,  
In tanta & feritas uix super vlla fera est.  
Pectoris arcanum talis Loyola leonem  
Imperij domitum mandere fræna iubet.  
Ingenio, calidoque ferox Leo sanguine: uultu,  
Cordeque tam facili mox, uelut agna, fuit.  
Quod fera monstra parit, monstrosa sit Africa: mites,  
Plus facit ille, suas qui iubet esse feras.*

## ELOGIVM XC.

Quod inanimis est repugnans,  
Iuri suo, ditioniq; cedere, homini non sit ægrum?  
Ciet illicò natura tumultus,  
Cum aliquid fuerit in loco non suo.  
Et, solida licet,  
Suis tamen labat tellus mota cardinibus,  
Dum subterraneis inclusus carceribus  
Inanes aër eluctetur in campos.  
Pacē miratur aliquis in Ignatij corde tam altam?  
Sed sua in animi Republica,  
Quod suum est, cuique iustè cum reddat,  
Materiem omnem abstulit simultatum.

Verùm & suum habet

Pax in Ignatio tam alta miraculum .

Quando affectionum plebem ,  
Turbas semper alieni cupiditate cientem ,  
Imperata pace suo cœgit esse contentam .

Naturâ olim acêr , ac vehemens ,

( Vsu ne , an portento virtutis ? )

Habitudine plusquam facili , & cunctante,  
Vel ex ipso sanguine potuit apparere .  
Tâm altè insita illi viuendi ratio virtus erat ,

Quæ in ipsum vitæ principium,  
Penitus se se penetrarat in sanguinem .

Porrò quàm Regius ille sanguis est ,

Qui seruire sic vlli non patitur ,

Vt & sibi valeat imperare ?

Iam verò nihil non pacatum in nobis est ,

Cum ipsi nos


Nostris in nos tumultibus non rixamur :

Paradoxum, lector, aut ænigma iam solue.

Quia illud est, quo nihil nobis est magis in mani-


In potestate nil minus ?

(bus,



## I N S I G N E X C I .

QVOVIS TEMPORE AD RES QVANTVMLIBET AR-  
DVAS, DIVINI OBSEQVII CAUSA, PARATISSI-  
MVM ANIMVM HABET IGNATIVS.



Tracta ex imo puteo altum aqua emicat in cra-  
terem : inclusus quippe syphoni SPIRITVS  
INTVS AGIT . In ardua enitendum Ignat-  
io erat? Spiritum ipse conceperat ad illa .  
semper vires alacres impellentem .

EPI-

## EPIGRAMMA XCI.

IN IGNATIVM AD ARDVA TOTIS VIRIBVS CON-  
NITENTEM .

*Classica fulmineum fremuere sonantia Martem :  
Miles adest, ferrum fulget, arena calet .  
Lixa times? ignaue fugis? sed uiuida Virtus  
Per medios hostis non timet ire globos .  
Bellat adhuc Loyola, truci stant fronte laborum  
Contra acies ; hostem num fugit ille? petit .  
Magnus at est, paruum Loyola sed aestimat: Hostem  
Non magnum, se se qui benè uicit, habet .*

## ELOGIUM XCI.

Ne laboret inualetudine  
Valetudinem suam diù  
Nemo abstineat à labore.  
Benè scilicet valenti, quàm non Medico ,  
Tàm exercitatione semper est opus .  
Verùm imbecilles, aut fortes  
Exercitatio non decet vna, eademq., par, impares.  
Virium otio robur ibi languescit ,  
Vbi fracta pondere  
Soluitur imbecillitas in sudorem :  
Vnus ne vnum Macedonem probat equus?  
Vt frœna ab illo pati

Mun.



Mundos omnes deceat, vel irreperitos,

Qui ferocissimæ vnius

Artem ac vim belluæ frœnandæ repererit?

Cape omen, Ignati:

Suis cum affectionibus animum,

Equum nemini non calcitrosū, & resistentem

Cœgisti tui pati frœnum imperij:

Quò minus moderanti pareat,

Nulla tibi iam tellus, nullum mare sit contumax.

Et, tibi nunc, vt illi quondam Macedoni,

(Quod naturâ, mundoque

Cum terra, marique deficientibus,

Terror fuit cœteris) esto votum:

Generosi aurâ spiritus inuitante, procedere.

Itâ planè,

Vt tuum intelligas esse, quod arduum:

Viresque, tunc probes Herculeas, cum exerces.

Quid? Herculem fecere Tartara Cælo dignum?

Deuoratâ cum æumnis vel morte,

Diuorum gloriâ dignum immortalitati te probat.

Eligant in Reges populorum alij,

Qui ceteros homines ab humero præstet, & sursū:

Ille Rex est sui maior, & melior,

Qui, inter humana dum graditur,

Toto vertice supra est.

## I N S I G N E X C I I

RELIGIOSAM SOCIORVM VITAM NVDAE PAUPER-  
TATI, TANQVAM MATRI FILIAM HAERERE  
IUBET IGNATIVS.



Vuæ botrus sua pendens è vite, Solis excipiens  
radios IN NVDA MELIOR maturefcit :  
Religioſe vitę meliorem fructum vt Socij ca-  
pianr, illam Ignatius nude paupertati iubet  
herere .

EPI-

## EPIGRAMMA XCII.

IN PAUPERTATEM SOCIIS AB IGNATIO COM-  
MENDATAM.

*Pauper in aggesto, contempto diues in auro est,  
Qui male cuncta rapit, qui bene nulla cupit.  
Diues opum gestas Uterum? Virtutis abortum  
Mox dabis : has genitrix non parit Una duas.  
Pauperiem Loyola, suos cui debeat ortus  
Virtus, dignari Matris amore iubet.  
Nuda sed hac Virgo Virtus Matre ibit : Honesse  
Et tantum nuda hac Viuere Virgo potest.*

## ELOGIUM XCII.


Orbari ne vnquam possit Genitrice Societas,  
Matrem illi decreuit Ignatius, Paupertatem.  
Nolenti scilicet Opulentiam auferre fors potest :  
Inuito vis nulla vnquam eripuit Paupertatem.  
Et Opulentia cū priuignos possit habere, nō filios,  
Odium exercet nouercae semper in curis.  
Germanam hæc vbi prolem enititur,  
Amorem genitricis exhibet in securitate.  
Quāquam anceps & ipsa est in utrūq; Paupertas,  
Tām enim fit nouerca, cum fugitur,  
Quām se probat, præbetq; cū quæritur, genitricē.  
Porro quām pretiosus thesaurus est Paupertatis,

Qui, nisi venditis omnibus, emi non potest?  
 Rursum, quantum hoc est calcar ad Cælum,  
 Quod loris omnium abruptis affectuum,  
 Dum leuiter incommodando nos pungit,  
 Commodè nos, acriterque incitat ad virtutem!  
 Iam verò plena cum potestate  
 Omnia nemo sic possidet,  
 Quàm qui, nihil cum habeat, nihil cupit:  
 An verò inanis potestas illa non est,  
 Quæ cum maximè nolit,  
 Potest tamen amittere quicquid habet?  
 Amoris interim sine glutine,  
 Nec Paupertas vlli, nec Diuitiæ  
 Sic affricantur, vt hæreant.  
 Proinde quàm olet Cælo malè,  
 Qui diuitiarum Dominum Plutonem olet,  
 Tàm ille grauis Erebo est,  
 Cui, thesaurus Christi, Paupertas est levis:  
 Denique nec noctuas Athenas,  
 Nec è terris quisquam ferat opes in Cælum.  
 Suo diues fundo Vrbs illa Regum est:  
 Donari diuitum ciuitate illa qui velit,  
 Peregrinæ soluat mercis pretium, Paupertatem.  
 Et enim, nisi quia ipforum est Cæli Regnum,  
 Cur aliàs pauperes sunt beati?



# INSIGNE XCIII.

CASTITATIS DONVM MODESTIA OCVLORVM  
SEVERISSIMA TVETVR IGNATIVS.



**TVTVM , QVIA TECTVM** lumen clauditur in laternâ . Ne lucem in se purissimam Castitatis extingueret , oculorum modestiâ illam tegere, tuerique consuevit Ignatius .

## EPIGRAMMA XCIII.

IN IGNATIVM CASTITATIS DONVM OCVLORVM  
MODESTIA SEVERIORE TVENTEM.

*Scilicet ex astris ne cor, Loyola, refigas,  
Prona tuæ frontis lumina figis humi.  
Alloqueris castam, tamen illa est fœmina, dicis:  
Nullaque tuta Viro est fœmina, fœmina si est.  
Visa semel, semper quandoque excecat: & illam  
Qui nimium, nemo se satis inde videt.  
Quæ spectati igitur spectanda modestia casti est?  
Ne benè non videat, non habet ille oculos.*

## ELOGIVM XCIII.

*Quàm periculosum est cuicumque casto, videre,  
Cui nec videri sit tutum!  
Sordes nimirum vtrunque munditia,  
Aut spectata patitur,  
Aut spectans facit.  
Vivere diù cum integritate quæ velit,  
Per quas mors intrat  
Oculorum claudat mens casta fenestras!  
Suo docta hieroglyphico,  
Demissis cum capite oculis  
Lilium imitetur celsa Virginitas:  
Quos cum in vsum verterit lacrymarum,  
Hoc*

Hoc purius femine illibatè fœcunda,  
Cogitationū sobolem poterit eniti mundissimā :

Suos Ignatius oculos

Ne piarum quidem attollit in ora mulierum ,

An quia prauo illarum à genere

In tantum imminet Castitati discrimēn ,

Vt vel à sanctimonia singularium

Vix vlla possit subire securitas ?

Dalila , Bethsabæa ,

Cladium nomina sunt :

Et ne calorum aggestus reputes, aut lixarum ,

Sampsones strati , Dauides .

Alteri fœmina impotens fortitudinem ,

Alteri excussit licentior sanctitatem .

Quàm verò nullum habeant salem mulieres ,

Sapientissimus docuit mortalium Salomon ,

Illarum nempe amoribus infatuatus.

Porrò tutum in corde Castitatis est regnum ;

Si in ipsa finium fronte

Arx & præcipua oculorum , & prima,

Ocluso per modestiam aditu ,

Viam hostibus interuertat.

Disce lector :


Cogi nihil potest , qui cedit nihil .

## I N S I G N E    X C I V .

ANIMVM AB HVMANIS AD DIVINA EVEHERE FACILLIME CONSVEVIT IGNATIVS.



Vt versa in Cælum ballista intentam illuc sagittam immittat , EST TETIGISSE SATIS . Facillimè ad diuina animus erigebatur Ignatij , ad quæ votis omnibus semper erat intentus .





## EPIGRAMMA XCIV.

IGNATIO ANIMVM AB HVMANIS AD DIVINA FACILLIME ATTOLLENTI.

*Tàm faciles, Loyola, tibi quis sufficit alas,  
Tàm celer è terris ut super astra uoles?  
Quò libet impellant animum mortalia, at illa  
Impulsu quouis undique in astra redit.  
Vota tui cordis sic omnia mittis ab arcu,  
Ut semper, quò tu miseris, illa uolent.  
Cur? breue qui terræ punctum petit, errat: in orbes  
Tu Celi ingentes dirigis, inde feris.*

## ELOGIVM XCIV.

*Naturam seruat intimam fidium,  
Quicumque fidelis ex intimo  
Domino seruus integram seruat fidem.  
Vnus manu nervus in chely percutitur,  
Et, illi vnisonè qui consonet,  
Vltrò alter excitatur ad sonitum:  
Tantus Musices amor est, vel inanimis?  
Dei nomen vix aures pulsat Ignatij,  
Nervusque cordis consonus modulatur Deum.  
Et hanc verus Musicam docet Amor.  
Quàm verò suis res humanæ tumultibus  
Nihil eius obstrepebant ad aures,  
Qui-*

Quas inter, Dei tenue poterat audire vel sibilum!

Incircumcisæ licet humanorum curæ

Subiecta membra vincirent ,

Immuni semper capite

Liber assurgebat in Deum .

Vfque adeò Sampson hic fortior, quia potens fui,

Amore nullo amens , nulli affectionis Dalilæ

Mentis robur Nazarææ credebat .

Hic verò , ceteros ne potius hominum ,

An vnum mirer Ignatium ?

Quòd in tantum illi naturæ vim inferant ;

Hic sequatur ?

Indecora sibi vincula fatis est ,

Aut non induat animus , aut exsoluat:

Cum celsum , ac sublime illi sit centrum,

Alieno ad Cælum non eget impulsu:

Toto statim pondere sursum fertur .

Sed, vt miremur Ignatium ,

Hoc homines cœteri fecerunt ostentum :

Quorum nempe impotentiâ fit ,

Vt miraculo iam sit omnibus ,

Naturæ esse omnibus quod deberet :

Quantam verò Gratia in illo vim habuit , (la!

Cuius vires tâta nequijt naturæ frâgere corrupte-

IN-

## I N S I G N E X C V .

PROPHETIAE SPIRITV FVTVRA, ET ANIMORVM  
ARCANA VIDET IGNATIVS.



Pinea nux , quamquam viridis, prodentibus se-  
nucleis , PATET AD FLAMMAM. Pro-  
fundè licet animorum , & futurorum arcana  
lateant , illa tamen ad ignem sanctitatis Iga-  
tij, sacro vaticinij spiritu pandebantur .

EPI-

## EPIGRAMMA XCV.

IN IGNATIVM SACRO VATICINII SPIRITU ANIMORVM  
ARCANA, ET RES FUTURAS VATICINANTEM.

*Pectoris humani caueis arcana profundis,  
Venturi aut aui nocte sepulta iacent?  
Peruidet illa tamen Loyola, & praeuidet; inde  
Diuinum Vates sapè quid ore sonat.  
Obtutu Caeli figi, Caelique tueri  
Per rimas solitus dicitur ille Deum.  
Non Caelo fixus fuit ille? remota, profunda,  
Hæc tantùm, ut possis cernere, vitra iuuant.*

## ELOGIUM XCV.

Arcana futurorum, & cordium  
Ænigmata Dei sunt.

Nullus hæc soluere potest Oedipus;  
Nisi qui humanorum contēptu se prius excæcat;  
Statim verò incipiunt apparere, quæ latent,  
Vbi incipiunt despici, quæ apparent.  
Et ad præsentium cum hebetatur aspectum;  
Tunc mens ad obtutum acuitur futurorum.

Hæc porro, si minus Naturæ,  
Gratiæ certè antiperistasis  
Christiano in Lyceo discitur, & probatur;  
Voluntariâ spectabiliùm rerum  
Extimè ambiente oculos cœcitate,  
Intimam in mentem



Tota se recipit acies oculorum !

An diuinum specularans mente Verbum.

Arcana ab eo verba sic audiebat Ignatius,

Vt quæ nec viderent oculi, nec aures audirent,

Latentia, futura

Intelligere tamen ipsi liceret, & loqui?

Quanti Præceptoris, quantus Auditor !

De ijs etiam, quæ non sunt

Cum mira detur ab hoc Magistro scientia,

Non sine miraculo,

Ab hoc etiam Auditore percipitur.

An, quæ amicorum tessera est,

Secreta etiam cordis habere communia,

Necessitudinem cum Ignatio Deus vt probet,

Afflatu vaticinij, quæ vnus ipse faciat,

Sua nimirum arcana cum illo communicat?

Sed habet tellus, habet & Cælum,

Natura nimirum, & Gratia Lynceos suos.

Locorum, montiumue

Longinquitas interiecta, vel moles,

Illorum nec fatigat aciem, nec retundit.

Ignatio ad scrutandum

Neque cor hominum, prauum, & inscrutabile;

Neque latentia interiectu temporum obstitere.

Latere quid illum possit, cui patet Deus?

## I N S I G N E X C V I .

S; PHILIPPVS NERIVS, ET ALII PROBITATE ILLV-  
STRES IGNATII VULTVM RADIANTEM AS-  
PICIVNT.



Lunę discus cum altera obscurus parte à rebus  
Lunę subiectis aspicitur; astra tūc superioribus  
ex orbibus partē alteram **CLARA VIDENT**  
**CLARAM** . Fulgentes sanctitate viri, Chri-  
stiani Cæli sidera, vultum aspexere Ignatij  
radiante m.

EPI-

## EPIGRAMMA XCVI.

IN IGNATII VULTUM , QVEM S. PHILIPPVS NERIVS, ET ALII RADIANTEM VIDERE.

*Quantus obit vultum Loyolæ fulgor ! in illo  
Loyolam quantum lumine Numen obit!  
Candidus hæc olim testatus Nerus ille est,  
Cuius erat simili candor in ore , Deus .  
Magnum est, irradias viso quòd lumine vultum?  
Plus, Pater, arcano est corda quòd igne cremas.  
Nerus aspexit lucem : non abnuo: & ignem  
Gredam; sub sensus sed cadat ille meos.*

## ELOGIUM XCVI.

Tàm benè cum agerer ,  
An odisse lucem posset Ignatius ?  
Christiana tamen humilitas  
Cum illi tenebras fecisset amabiles ,  
Nihil inuisum magis erat Ignatio, quàm videri .  
Sordium proinde grauis sarcinâ  
Cum viuens non semel optasset incedere ,  
Adhuc extinctum se tumulari iussit in sordibus .  
Sed inoccidui Solis  
Vestigia sequutus Christi tàm propè,  
In tenebris ambulare non potuit ,  
Vultu propterea visus est radiante non semel.

Fa-

Factusque ità suis est lucerna pedibus ,  
 Vt gradi per errores illi non possent,  
 Qui capitis tanto cum lumine, & à lumine  
 Ducerentur in semita veritatis :  
 Iam verò cum Ignatij sanctitas  
 Incedere veller incognita ,  
 Vt illà palà Deus ostendens, omnibus publicaret,  
 Personam iniecit ori, sed lucis.  
 Ingenuum proinde vultum  
 Obscurare regendo tunc illa non potuit ,  
 Cum tam splendidè apparuit personata .  
 Tàm bono Ignatiũ Deus collocavit in lumine ,  
 Qui se non in alia voluit collocari luce ,  
 Quàm Dei .  
 Sanctorum admittendus in partem ,  
 Vivens adhuc lucis probatus est filius :  
 Cuius etiam corpus an non totum lucidum esset,  
 Quando non oculus tantum, sed caput totum  
 Tanta se in luce simplex ostendit ?  
 An qui Ignatio diadema glorię destinasset in Cę-  
 Formam illius, & modulum (lo,  
 Viventi adhuc in terris  
 In hoc Deus Cæli lumine adumbravit ?



## INSIGNE XCVII.

MORTIS MEDITATIONE MIRA VOLVPTATE PER-  
FVNDI CONSVEVIT IGNATIVS.



Thymo insidenti apiculæ, ad mellis confectu-  
ram libatus DVLCE SCIT AMAROR. Mel-  
lificæ virtutis Ignatium apem existima, cui  
mortem meditati accidebat amaror ille dul-  
cissimus.

## EPIGRAMMA XCVII.

IN IGNATIVM MORTIS MEDITATIONE VOLVPTATIS  
SENSV PERVSVM.

*Vultum ponè trucem Libitina, columque Sorores  
Ponite, nec tetrica ducite pensa manu.  
Est, sua qui gaudet præcidi flamina: fatum  
Atque suum in nimias increpat ire moras.  
Inde avidus mortis Loyola, colonus arata  
Ex illa ragis gaudia fronte metit.  
Omnia mors mutat: seuit Loyola labores.  
Approperat messem condere? lætitia est.*

## ELOGIVM XCVII.

Quisquis Grammaticus nimis es,  
In morte, & mortalitate  
Exceptionem hanc discce.  
Naturam patris non semper deriuata sequuntur.  
Mortalitas deriuatur à morte?  
Sed mors amarum illi non sapit,  
Cui non sapit dulce mortalitas.  
Quàm amara mortis memoria est  
Homini pacem habenti in substantijs suis!  
An quia non suæ?  
Diuinæ scilicet veritatis oraculo,  
Vbi nimium cor hæret in fluxis,  
Non

Non diuitiæ virorum sunt , sed viri diuitiarum :

Sed voluptatis liquidæ .

Torrente dulci in immortalitate potandus ,  
Quid ni , dulcius haurienti potus vt sapiat ,  
Amarum aliquid animus prælibet in morte ?

Nimirum tota vita amara cui fuerit ,  
Illi festinato munere , ipso mortis in calice  
Cum suo immortalitas nectare propinatur.

Iam verò , bonus licet Astrologus ,  
Quia totus in aspectu Cæli erat , & siderum ,  
Nihil tamen Mathematicus erat Ignatius ,

Solam scilicet in re nulla superficiem ,

Nec ipsa contemplabatur in morte .

Huic solidam subijci æternitatem videns ,

Bonus Gratiæ Physicus , non Naturæ ,

Per mortis faciem tenuissimam ,

Hoc est per Naturæ debitum , ad Gratiæ præmia ,

Mentem mansura semper in gloria trāsmittebat.

Quàm porrò felix ille viuit ,

Cui nec terribilium maximum


Incutere potest mors ipsa terrorem ?

Verùm debet ille , semper vt victurus , mori ,

Qui semper vixerit , vt moriturus .

## I N S I G N E XCVIII.

ROMAE SANCTISSIMA MORTE ANIMAM CÆLO  
DEOQUE REDDIT IGNATIVS.



Extincto cereo in Cælum flamma dum euolat,  
fluxam materiam, humilesque terras DE-  
SERVISSE IVVAT. Cum Ignatius obiit,  
hoc sanctissimus ille Ignis habuit à morte  
munus, in Cœlum protinus euolauit.

EPI-



## EPIGRAMMA XCVIII.

IN IGNATIVM ROMAE KALENDIS AVGVSTI SAN-  
CTISSIME' MORIENTEM.

*Non satis ardenti feruebat Iulius astro  
Auctus ab Ignati ni foret igne Leo?  
Expirante tamen Loyola, expirat & ipse  
Iulius & se se hac viuere morte putat.  
Quin tanto augeri gaudens sibi nomine fastos,  
Nil, ait, Augusto Iulius inuideo.  
Iam mea linque, licet, feruens Leo, tempora: non est  
Frigida, si Ignati mors mea morte calet.*

## ELOGIVM XCVIII.

Frigus time iam tellus,  
Quando Ignis in te tantus extinguitur?  
Vitalem experta viuento illo calorem;  
An non extincto, in mortem penè frigescas?  
Immò ardoris expecta incrementa iam tellus:  
Vt ignem, in terras mitteret,  
E Cælo Iesus venit olim in terras:  
Abiens Socius è terris in Cælum,  
An non è Cælo demittat ignem in terras?  
Tum etiam, vt ardoris,  
Sic & lucis incrementa tellus expecta.  
Quæ diù latuit

Humilitatis posita Christianæ sub modio ,  
 Ut luceat posthac omnibus, qui in domo Dei sũt,  
     Supra candelabrum  
     Et ardens , & lucens  
 Lucerna altiũs collocatur in Cælo.  
     Verũm , quid hoc est ?  
     Dulcissimi Parentis in funere,  
 Ipsius hæres , sobolesque Societas  
     Doloris amarissimi  
 In lacrymas non soluitur parentales ?  
     Sed quæ soluentibus iusta filijs  
 Iustum parere debuit Parentis iactura dolorem ,  
     Iustiore salutis eius , & gloriæ spe  
 Iustissimum peperit in omnium corde solatium .  
 An receptus Cælo , datis veluti ad Socios litteris,  
     Gaudiorum, quibus Superi scribunt, notis,  
     Quo iam felicitatis esset in loco  
     Suos facere de se voluit certiores ?  
     Iam extremas vitæ , mortisque horas  
     Solutus in lecto , ac nocte duxit Ignatius .  
 An, ut soli Ignatio Cælites fruerentur in morte ,  
     Quibus ille frui solis optarat in vita ?  
 Usque adeò currenti ad Cælum, Cælum occurrit.

## I N S I G N E X C I X .

DVM SACRA IGNATII OSSA TRANSFERVNTVR ,  
FVLGENTES IN LOCULO STELLAE APPARENT.



Denſo apes examine dum alueare circumuoſant,  
ſauis ibi conditis , AD SVA FVNDVNTVR.  
Cæli totus erat Ignatius , quid mirum , ſi eius  
in loculum , tanquam ad rem ſuam ſidera  
confluxere ?

## EPIGRAMMA XCIX.

IN STELLAS, QVAE IN IGNATII LOCULO AP-  
PARVERE.

*Totus, agens terris Loyola, ardebat Olympum :  
Aetheris ipse sui totus & ardor erat.*

*Ergo ubi successit Caelo, succedere ad Urnam  
Arserunt grata protinus astra face .*

*Quæ tamen è populo Celi radiante sepulcro  
Astra pares reputem grata referre vices?*

*In terras Astra ea redit : nam, iusta Parenti  
Quæ venit aethereo soluere, Iustitia est .*

## ELOGIUM XCIX.

Tantus Ignis totus extingui non potuit .

Latent viuidæ adhuc

In cinere, vel emortuali scintillæ .

Urnâ vix motâ statim emicant in aspectum .

Ignatij nimirum illæ sunt ,

Quæ tantum igniti Parentis

Ardorem accendant in filijs .

Verùm Superis inuidiosus esse quid pergo ?

Quæ agminatim fulgere videntur in loculo ,

Faces , opinor , illæ sunt

Pompam in funere prosequentium Angelorum .

Nisi veriùs, gratijs ab Ignatio tam multis acceptis,

Opti-



Optimè de se merito gratum Cælum,

In Ignatij tumulo

Has veluti lampades accendit,

EX VOTO.

An spectata roties ab Ignatio viuento  
Spectare illum sidera, & mortuum ambire?

Et nunc de ossibus his

Aliquis vaticinetur Ezechiel?

In illa ne ingreditur,

An ex illis egreditur vitæ spiritus,

Quando ardentium ab igne siderum

Verâ tantum calere vitâ cernuntur,

Vt piorum siderum, & fidereæ pietatis

Spectantes animent in calorem?

Iam ex fulgore tanto, quem metit,

Cui nam posteritati erit obscurum

Quàm clara lucis opera seminarit olim Ignatius?

Illustre, celsumque munus,

Priscis Heroibus per siderum galaxiam

Gradi dederit fama verus ad Superos

Cum ad Ignatium nunc galaxia ipsa descendat,

Ad illum Superi gradiuntur Heroem,

Cuius sepulcrû Cæli factum est

Sanctitate tanta compendium.

IN-

## I N S I G N E C.

SANCTORVM HONORIBVS A QVINTODECIMO GRE-  
GORIO LVDOVISIO CONSECRATVR IGNATIVS.



Impofitus aræ Ignis dum ad peragenda Sacra  
adhibetur, fimul ipfe SACRATVR, ET SA-  
CRAT. Aris admotum Ignatium Gregorius  
consecrauit? Mundum omnem Ignatij fan-  
ctitas perpetuò confecrabit.

EPI.

## EPIGRAMMA C.

IN IGNATIVM SANCTORVM HONORIBVS A XV.  
GREGORIO LVDOVISIO CONSECRATVM.

*Si sparsit cum Sole manus Ignatius ; omnes  
Terrarum & sparso torruit igne plagas,  
Totus in Ignati obsequium nunc ferueat Orbis ,  
Et voueat famulas Phoebus uterque faces .  
Marmora , pyramides , gemmas , aurumque & odores  
Dent Numidæ , Pharij , Maurus , Iberus , Arabs  
Aras Gregorius Pater insuper adiicit : Orbi  
Et sacras Igne hoc adiicit excubias .  
Nomine Gregorius vigil est : tantum excitat ignem ?  
Est vigil , et corde , et nomine Gregorius .*

## ELOGIUM C.

Ad communem Sanctorum gloriam  
An non ille perueniret in terris ,  
Qui Sanctorum vitâ , votisque  
Ad maiorem Dei gloriam  
In terris vnicè gradiebatur ?  
Altarium , Templorumque  
Nitorem Deo Ignatius cum pietate reddiderat :  
Ignatium fulgere Deus in Aris iussit , & Templis .  
Asylum Hæresi , lustra sceleribus ,  
Superstitioni sana , thura Idolis eripuit .  
Huic Religio , huic Pietas ,  
Huic & Fides , & Deus , aris imposito

Omnia cōsecrarunt in cultu adorantiū populorū.

Prodigus , sed cum virtute filius ,  
Qui nimirū nuda cum Paupertate viuēdo castif.  
Dei causâ suis omnibus se se nudasset , (simè,

Ab optimo Cæli Parente  
Accipere debuit gloriæ stolam hanc primam.  
Par fuit illum in partem admitti Sanctorum ,  
Cui cum sanctitate viuenti  
Vnus fuerat tota pars Deus .

Felix , cui pars fuit illa , quæ totum !  
Et cui, præter hanc , totum aliud nulla pars fuit !

Venite iam & vos in partem Ignatij  
Ludouisij fulgoris lumina , Gregori , Ludouice .

Alteri Pontificum Maximo

Toto terrarum in orbe , aras :

Nepoti ex Fratre alteri , & Purpurato ,

In Vrbe Orbis capite

Quantum debet Romæ Templum Ignatius !

Vt igitur , & per me vobis ille sit gratus ,

Quandiū suum in hisce paginis

Nomen ipsè olim legi non abnuet ,

Interprete filio voluntatis in Patre ,

Et vos cum vestrorum operū corona non vltima ,

Mei coronamentum operis ,

Cum IGNATIO perennate :



# GOSVVINVS NICKEL

Societatis IESV Præpositus Generalis:

**C**Um opus, cui titulus *Ignatius, Insignium, Epigrammatum, & Elogiorum centurijs expressus*, à P. Carolo Bouio nostræ Societatis Sacerdote conscriptum, tres eiusdem Societatis Theologi recognouerint, & in lucem edi posse probauerint, facultatem facimus, vt typis mandetur, si ita ijs, ad quos pertinet, videbitur. Cuius rei gratia has litteras manu nostra subscriptas, sigilloque nostro munitas damus. Romæ. 1. Februarij 1654.

Gosvvinus NicKel.

Imprimatur si videbitur Reuerendis Patri Magistro Sac. Pal. Apostolici.  
*Marcellus Anania Episc. Sutr. & Nep. Vicesg.*

*Imprimatur.*  
F. Raimundus Capisuccus Ord. Præd. Sac. Apostolici Palat. Magister.

ROMÆ, Typis Ignatij de Lazeris 1655.

---

*Superiorum Permissu.*

Ca Codicibus Antonij Marq. de Sazasini



See cards

(Boris)

coll. card

8 cc. min., 300 ft. max.

min. 288, 10 min.



DOPPIO

119  
lirr

